




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.4.291






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.4.291



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.4.291



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.4.291

FRANCISCI
CAESARIS AVGVSTI
MVNIFICENTIA.

1. 4. 291

1 Q. 4

LVCAE PAETI

IVRISCONSULTI XVIII

DE MENSURIS PAETI ET

PONDERIBVS ROMANIS

ET GRAECIS


AVM HIS QVAE HODIE ROMAE SVNT COLLATIS

LIBRI QVINQVE

EX VIDERI VARIETATE ET DIFFERENTIA QVAE SVNT

AD SANCTISSIMVM ET VETEREM MOVM PRINCIPVM

MAXIMILIANI II



F. PAETI MDLXXIII

FRANCIS
ANGUSTI
SCIENTIA.


LVCAE PAETI
IVRISCONSVL.
DE MENSVRIS ET
PONDERIBVS ROMANIS
ET GRAECIS

CVM HIS QVAE HODIE ROMAE SVNT COLLATIS
LIBRI QVINQVE

EIVSDEM VARIARVM LECTIONVM LIBER VNVS
AD SANCTISSIMVM OPTIMVMQVE PRINCIPEM

PIVM QVINCTVM PONT. MAX.

MAXIMILIANI. II



VENETIIS MDLXXIII.

LVCÆ PÆTI

IARISCONSAL

DE MENSVARIS ET

PONDERIBVS ROMANIS

ET GRAECIS

CVM HIS QVÆ HODIE ROMÆ SVNT COLLATIS


LIBRI QVINQVE

AVTENTICIS VARIARVM LECTIOIVM LIBRIS

AD SAIVCTISSIMAM ORTIVM QVÆ PRINCIPIVM

PIVM QVINGTVM FONT. MAX.

MAXIMIANI



AVTENTICIS VARIARVM LECTIOIVM LIBRIS

OPTIMO SANCTISS.Q.
PRINCIPI PIO QVINCTO
PONTIFICI MAXIMO

LVCAS PAETVS FELICITATEM.



*V*M DIVINA mens tua, & numen,
Pater beatissime, ad prolapsos Christianae
Reipublicae mores pristinae pietati resti-
tuendos, Christianosque Principes aduersus
immanissimum Turcarum tyrannum, in
Rempublicam Venetam saeuientē, tecum
coniungendos, nec solum consilijs, uerum e-
tiam pecunia strenuissimisque Duce & mili-
tibus, adiuvandos incumberet: non audebam haec, quae ad anti-
quorum ponderum, mensurarumque cognitionem, humanaeque
uitae utilitatem scripseram, & tuae Beatitudini dicaueram, le-
genda porrigere, timens ne non apto tempore diuinam tuam men-
tem, tot tantisque cogitationibus occupatam, interpellarem, ani-
mi que tui offensionem subirem. Postquam autem cognoui, eam
non solum his actionibus summa uigilantia insistere, sed nihil, quod
ad bene beateque utiendum attinet, intactum relinquere: nem-
pe Ecclesias etiam antiquitate collapsas, non solum parietibus, te-
ctis, aris, sacris uasis, uestimentis, ornamentisque muniri or-
narique fecisse: uerum etiam eas, debitis horarum Canonica-
rum temporibus a suis clericis & sacerdotibus finito numero fre-
quentari: male alienata ipsarum ecclesiarum bona uindicare:
Seminarium quoque optimae spei adolescentium futurorum Arae
omnipotentis Dei ministrorum, quod tam diu totque uotis exopta-
tum fuerat in dies augeri: Sanctimonialium, Deoque gratissima-
rum Virginum claustra, seuerissime custodiri: Religiosorum mona-
chorum fratrumque domos & ordines, qui pene omnem à pijsimis
★ 2 Patribus

Patribus traditam regulam & disciplinam abiecerant, pristinae religioni restitui, sancteq. & canonice regi: sed & clericorum habitum (quod frustra saepius tentatum fuerat) ab ijs, qui sacris initiati non sunt, non solum dignosci & separari, uerum etiam ad debitam modestamq. formam reduci. Ut quod Iustitia suos rectos expeditosque tramites habeat non solum Iudicum causarumq. patronorum, uerum etiam eorū, qui causas promouent, fidem, mores & peritiam recenseri. Quin etiam nec tuae sanctae senectuti & ualitudini parcens, in tanta rerum gerendarum mole, pauperum oppressorum querellas, singulis mensibus (uacuis ad id auribus paratis) publice cunctis astantibus iudicibus, ad tuam Sanctitatē referri: Non minus & Tribunalium omnium actuariorumque notariorum prolapsas consuetudines & auaritiam à seuerissimis ad id electis censoribus tolli, debitisque finibus coerceri. Carceres quoq. in ampliorem commodioremque formam ad pauperum reorum solatium fieri, ipsorumq. carceratorum curam humane tractari, & quemadmodum innocentes absolui, sic impios sceleratosque debitis supplicijs, nulla in auro spe relictā, seuerissime puniri. Sed &, quod maxime ad legitimam prolem sanctamque fidem, pertinet, Matrimonia, Baptismatum fontes, Animarumque curam, pie sancteque custodiri. Quin etiam Iudaeos, summa omnium optimorum laetitia, & fidelium alacritate, a Christianorum paene commercio separari, habitu distingui, habitatione seiungi, & claustro coerceri. Meretrices quoque in tanta peccandilicentia bonos mores pessimis exemplis corrumpentes, relegari & concludi imperasse & effecisse. Sed etiam decori & ornamento tuae urbis Romae prospiciendo, Aquam Virginem nuper post octingentesimum annum restitutam (de qua re tuae Beatitudini notus fui) in fontes salientesque per totam urbem designatos construi mandasse. Nihilq. earum rerum, quae etiā minimae sunt, propter maximas sollicitudines a te omitti. Ea fiducia fretus, non praetermittendum putavi, ut haec, quae de mensurarum ponderumque restitutione, deque earum cum his, quibus Romae utimur, collatione diu a me elaborata fuerunt, Tuae Beatitudini legenda porrigerem, ut, quod tam diu
inter

inter doctissimos eruditissimosque viros controuersum extitit, felicissimis tuae Beatitudinis temporibus, subque tuo sanctissimo nomine elucescat. Nulli enim magis tutelam huius de mensuris & ponderibus tractatus, quam tuae Beatitudini, conuenire iudicavi. Si quidem tu Princeps optime omnia, quae tuo numini Deus optimus maximus subiecit, ut optimum Principem decet, iustissima trutina regis, infallibilique mensura dispensas. Tua igitur Sanctitas deuoti sui supplicis munusculum benigne suscipere non dedignetur, ut suae serenae frontis fiducia audeam maiora quoque excogitare, subque tuo sanctissimo nomine, tutissimoque clypeo in lucem edere. Cui omnem a Deo Optimo Maximo felicitatem supplex precari non desinam.

QVAE

QVAE HOC VOLVME CONTINENTVR.

LIBRO PRIMO.



E mensuris Romanis & Graecis quibus interualla metiebantur.

LIBRO SECVNDO.

De mensuris quibus hodie Romae agrimensores, & architecti interualla & aedificia metiuntur.

LIBRO TERTIO.

De mensuris liquidorum & aridorum Romanis & Graecis, deque earum pondere.

LIBRO QVARTO.

De mensuris liquidorum & aridorum, quibus nunc Romae utimur, cum antiquis etiam pondere collatis.

LIBRO QVINTO.

De Ponderibus Romanis, & Graecis, etiam cum nostri temporis ponderibus collatis.

LIBRO SEXTO.

Declarata & à Plinio defensa Virgilij carmina,

Humida solstitia atque hyemes orate serenas

Agricolae hyberno letissima puluere farra

De qualitate anni 1569

De qualitate anni 1570. deq. erucis, & conuoluulis.

De numero dierum qui ab Intercalatione Dictatoris citra prolapsi videntur, & demendi essent.

De restitutione ductus Aquae Virginis

Adiecta sunt in calce Quinti libri, pedis, ponderum & non nullorum uasorum & marmorum

schematu

Item & in fine Quarto Rhemnij Fannij Palaeomonis carmina, mirum in modum ad intelligendum mensurarum & ponderum conferentia.

NOMINA

NOMINA FORVM QVOS SEQVENTIVM
QVINQVE LIBRORVM AVCTORES,
Adiutores, & Testes habui.



Andreas Alciatus
Anulus Gellius
Budaens
Caius Iurisc.
Cato
Catellianus Cottae

Martianus Capella
Marmora sculpta
Massae lapideae ponderales
Modestinus Iurisc.
Orbafius Medicus
Ovidius Naso



Celsus Iurisc.

Palladius

Cicero

Paulus Iurisc.

Cleopatra

Pedes aerei legitimi

Columella

Pes alter aereus

Constantinus Imp.

Platina

Congius aereus Illustrissimi & Reuerendissimi Car-

Plinius

dinalis Farnesij

Plautus

Didacus Conarruias

Plutarchus

Dantes Alaghierius

Pomponius Iurisc.

Dioscorides

Priscianus Caesariensis

Dodrans & Quadrans aerei

Proculus Iurisc.

Galenus

Propertius

Graecus ignotus, qui de ponderibus scripsit

Rhemnius Fannius

Gulielmus Philander

Scribonius Largus

Hermolaus Barbarus

Seuerinus Boetius

Hero

Sextans aereus

Herodotus

Sextus Festus Pompeius

Homerus

Suetonius

Horatius Flaccus

Suidas

Iabolenus Iurisc.

Terentius

Iulius Pollux

Terentij Interpres

Iulius Frontinus

Valentini Imp.

Iustinianus Imp.

Varro

Leonardus a Portis

Virgilius

Linus

Vitruuius

Libra aerea Illustriss. Ful. Vrsini

Vlpianus Iurisc.

Lucanus

Volusius Metianus

Martialis

Xenophon.

ANIMON

LVCAE

LVCAE PAETI IVRISCONS.

LIBER PRIMVS.

DE ROMANORVM GRAECORVMQ. MENSVRIS
QVIBVS INTERVALLA METIEBANTVR.



A ^m satis constat ex iis, quae a disertissimis utriusq. aetatis uiris tradita sunt, Pedem in Romanis mēsuris, quibus longitudes, latitudines, altitudinesq. metiuntur, primum locum inter quascumque minores maioresq. mensuras tenere. in eo namq. minores omnes terminantur, & ab eo maiores omnes incipiunt. Prisca enim prudentia, a digiti latitudine initium sumens, ex quattuor ex eis palmum constituit: quia tot a palma digiti proficiscuntur: & ex palmis quattuor, idest digitis sexdecim, pedē creauit, ex duobus perfectis numeris, nempe sex & decem, unum constituens perfectissimum. Decem enim omnibus perfectus habetur, ut & Aristoteli problematum sec. xv. quae. iij. placuit, & Vitruuius lib. iij. c. j. & Martianus Capella de Nuptijs philologiae lib. vij. testantur. sex autē a Mathematicis, (ut idē Vitruuius & Martianus Capella demonstrant) perfectus quoq. appellatur. de quo quidem Pede Columella lib. 5. c. 1. sic scripsit. Modus omnis areae, pedali mēsurā comprehenditur, qui digitorū est sexdecim, quem rursus pedem, ut fere res omnes reliquas in uncias duodecim, assem ex eo constituentes, idem antiqui diuiserunt, ita ut ternis quibusq. unciiis quaternos digitos complecterentur, ut ex Frontino colligi licet, in eo, quod de aquaeductibus scriptum reliquit, sic dicente: Est autem digitus, ut conuenit, sextadecima pars Pedis uncia duodecima. Idemq. in eo de Limitibus tradidit. Et exinde has uncias Pedis diuisiones iisdem nominibus, quibus assis partes, nuncupauerunt, Vnciam, Sescunciam, Sextantem, Quadrantem, Trientem, Quincuncem, Semissem, Septuncem, Besssem, Dodrantem, Dextantem, & Deuncem. De Sescuncia, quae uncia est & Semis, & de Sextante, qui Pedis sexta pars est, duas continens uncias, (ut ueterū auctoritates aliquas afferamus) meminit Plinius lib. Na. Hist. 36. c. 25. de pauimentis loquēs his uerbis: Fastigium uero seruati in Pedes denos, Sescuncē. & lib. 13. c. 15. de cedrinis mensis: Qua in re non omittendū uidetur, Tiberio principi mensam quattuor pedes sextante & sicilico excedentē, crassitudine sescunciali. Ex cuius uerbis, & illud colligi licet, uncias istas pedales in minores etiā partes ab antiquis diuisas fuisse: quod ex infradicendis latius apparebit. sic & quadrantem trium digitorum crassitudinem idem Plinius appellauit his uerbis. Magnitudo amplissima adhuc fuit unius cōmissae ex arboribus dimidiatis duobus, a Rege Mauritaniae Prolemaeo, quattuor pedum & semipedis per medium ambitum, crassitudine quadrantali. A quo semipede, crassitudinem semipedalem dixit idem lib. 36. c. 25. sic & bessales laterculos appellauit Vitruuius, qui unciarum octo latitudinis essent, lib. 7. c. 4. sic dicens: Deinde regulae bipedales ex una parte supra marginem canalis imponantur, ex altera parte bessalibus laterculis pilae struantur. sic & dodrantem pro nouem pedalibus unciiis, dixit

A Colu-

LIBER PRIMVS

Columella lib. 4. c. 1. his uerbis. Quippe feminibus uineaceis nimirum me profundos censuisse fieri scrobes adiecto dodrante, super altitudinem bipedaneā. Et rursus circa eiusdem c. finē. Sed non est dupondii & dodrantis altitudo, quae istud efficere possit. Quo loco dupondium pro duobus pedibus, quasi pedes asses pōderales essent, accepit. similiter Dodrantem Plinius lib. 7. c. 2. sic scribens. Supra hos extrema in parte montium, spithamei Pygmaei narrantur ternas spithamas longitudine, idest ternos dodrantes, non excedētes. Quod & Vitruuius dixerat lib. 3. c. 3. ubi de gradibus templorum tractans inquit: Crassitudines autem eorum graduum ita finiendas censeo, ut neque crassiores dextante, neque tenuiores dodrante, sint collocatae. Quo loco dextantē pro decem unciarum spatio posuit. Quem quidem in assem, & uncias, & unciae partes diuidendi morē, in hereditatibus quoque Iurisconsulti obseruauerunt, ut Vlpianus testatur lege, Si seruū meū ad finem, de Hereditibus instituendis: cuius haec sunt. Hereditas plerumque diuiditur in duodecim uncias, quae assis appellatione continentur. Habēt autē & hae partes propria nomina ab uncia usq. ad assem, sexcūx, sextans, quadrans, triens, quincunx, semis, septunx, bes, dodrans, dextās, deunx, as. Sic & terrae iugerū partitus est Columella, qui & unciam ipsam in sicilicū, sextulā, scripulum, & semiscripulum diuisit li. 5. c. 1. nec ultra semiscripulum, idest Graecum obolum processit, & si Seuerinus Boetius, quantum ad geometriae disciplinam attinet, Pedalem unciam non solum in semiobolos sex & nonaginta, & siliquas 144. sed ipsam quoq. Siliquam, quae est scripuli pars sexta siue oboli tertia, in duo puncta, & punctum ipsum in duo minuta, & minutū in duo momenta, diuiserit. quae postremae partes potius ingenio percipi, quam oculis cerni, aut demonstrari possunt, nisi adeo magnae quantitatis uel uncia cōstitueretur, ut has diuisiones reciperet. De quo etiā Sicilico (ut ad eum redeā) meminit Plinius. sic et totius Africae assem fecisse idem uidetur lib. 18. c. 6. sic scribens. Sex homines semissem Africae possidebant, cum interfecit eos Nero princeps. Non minus ēt has unciales partes numero appellauerunt, ut constat ex eodem lib. 33. c. 8. qui de lapide Heraclio, siue Lydio sic dixit: Sunt autem modici, quaternas uncias longitudinis, binasq. latitudinis non excedentes. Quin & quinariam, quae aquae est mensura, & unciam, & digitum mensuralē, & ipsum denique digiti scripulum, Frontinus in lib. de Aquaeductibus in assem & uncias diuisit. Vnciae, inquit, modulus habet diametri digitum unum, & trientem digiti. capit plus quam quinarie octaua, hoc est fescuncia quinarie, & scripulis tribus, & besse scripuli. Digitus quadratus in rotundum redactus habet diametri digitum unum, & digiti fescunciam Sextulā. capit quinarie dextantem. Digitus rotundus habet diametri digitum, capit quinarie septuncem, semunciam, sextulam. Haecenus ille. De quibus quidem unciae diuisionibus & nominibus, & quo modo se ad unciam habeāt, infra libro quinto satis dixi. A pede pedale spatium appellauit Columella, quod unius pedis mēsurae esset, lib. 5. c. 9. his uerbis. Deinde ut arbusculae spatium pedale in circuitu relinquatur, atque ita cum suo cespite planta eruat. Sic & Bipedaneum, & Tripedaneum appellauerunt, quod duorum, aut trium pedum mensura esset. Columella eodem lib. c. 5. Si ante annum fiat, quam uinea conferatur, scrobs in longitudinem altitudinemque defossus, tripedaneus abunde est, latitudine tamen bipedanea. De quo & lib. 4. c. 1. & Plinius lib. 34. c. 6. his uerbis. Non mittendum, quod annales annotauerunt tripedaneas his statuas in foro statutas, haec uidelicet mēsurā honorata tunc erat. A pede quoque (ut iam ad ea, quae supra pedem sunt, transeam) fit palmipes, pro ea mensura, quae fit palmorū quinq. i. pedis & palmi, de quo Vitruuius li. 5. c. 6. Gradus spectaculorū, ubi subsellia cōponātur, ne minus alti sint palmo pede, ne plus pede & digitis sex. Et lib. 10. c. 20. de testudine ad cōgestionē fossarū parāda. Insup hanc cōpactionē erigātur postes cōpactiles, pter cardines pedū nouem, crassitudine quoquo uersus palmi pedales, interualla habentes inter se sesquipedis. Varro de re

de rer. lib. 2. c. 4. In haris ostium esse oportet, & limen inferius, altū palmipedale: ne porci ex hara, cum mater prodit, transilire possint. Item a pede fit sesquipes: de quo Vitruuius, ubi proxime, & Horatius in arte poetica:

Proficat ampullas, & sesquipedalia uerba.

Columella lib. 5. c. 9. de olea: Deinde taleae sesquipedales serra praecidantur. Cubitus quoq. a pede formatur, qui est sesquipes, id est palmorum sex, ut proxime dixi. idē enim cubitus est, & sesquipes. de quo Vitruuius lib. 3. c. 1. Cubitumq. animaduertunt ex sex palmis constare, digitisq. uiginti quattuor. ex eo etiā uidentur ciuitates Graecorum fecisse, uti, quemadmodum Cubitus est sex palmorum, ita in drachma quoq. eo numero uterentur. ille enim aereos signatos, uti asses ex aequo sex, quos obolos appellant, quadrantesq. obolorum, quos alii dichalca, alii trichalca dicunt, pro digitis 24. in drachma constituerunt.

Rursus a Pede proueniūt Passus, Stadium, Milliariū, Actus minimus, Clima, Actus quadratus, Iugerū, Centuria, Saltus, de quibus singulatim dicēdū. Interim tamē animaduertendū putauī, quod tria priora nomina, Passus, Stadiū, Milliariū, lineares longitudines demonstrant, quibus plerumq. geographi & scriptores ad locorum distantiam demonstrandam utuntur, cetera uero nomina longitudines & latitudines complectuntur: ut & latius ex infra dicendis apparebit.

Passus, quem a passis siue diductis brachiis iuniores dictum putant, constat ex pedibus quinq. in longitudine dicente Columella lib. 5. c. 1. Passus habet pedes quinque.

Stadium Graecorum mensura fuit, cuius tamen usus & nomen ad Romanos transfuit, constans passibus centum uiginti quinq. Columella ubi supra, Stadium deinde habet passus 125. id est pedes sexcentos uiginti quinque. Plinius lib. 2. c. 23. Stadium centū uiginti quinq. nostros efficit passus, hoc est pedes sexcentos uiginti quinque. Ex cuius sententia illud animaduertunt iunioris, longitudinis diuersae fuisse pedem Graecum a Latino: nā ex Herodoti & Suidae sententia, stadium Graecum, quod constat ex Graecis pedibus sexcentis, pedes efficit Romanos, ut Plinius declarat, sexcentos uiginti quinque. qua ratione pes Graecus Romano pede longior est semuncia eiusdem Romani pedis. sexcentae enim semunciae constituunt uiginti quinque. illos pedes, qui sexcentorum numerū excedunt. quod uerum censeo, etsi Plutarchus in uita C. Gracchi, infra de milliario referendus, discrimen istud nō animaduertēs, putauerit stadia octo non integrum conficere milliare, numerans ipse stadium pedum Graecorum sexcentorum, qui octies multiplicati summam pedum quattuor millium octingentorum constituent: quo fit ut ad integrum quinque millium, ducenti deficiant: qui ducenti ex illa semuncia, quā pes Graecus Romanū excedit, constituuntur, ut praedixi. multa enim similia inueniuntur, quae animos doctissimorū et uirorum distraxerunt, ut & infra notauī. Milliariū, siue milliare, constat, ut & ipsa uox sonat, ex passibus mille, stadijs uero octo, pedibus autem quinq. millibus, ut & Columella loco proxime relato declarat. pro quo milliare & mille passus leguntur. Varro de ling. lat. lib. 5. Nam quod sensus nullus, quod abest mille passus, sentire possit. Oculorum sensus uisusq. ad stellas peruenit. Horum milliariū uiginti pro diurno itinere in ius uocatis praetor tribuit, ut inquit Caius Iurisc. lege 1. si quis cautionibus iudicio sistēdi causa factis nō obtemperauerit, cuius haec sunt uerba. Vicena millia passuum in singulos dies dinumerare praetor iubet, praeter eum diem, quo cautum promittitur, & eum, in quem sistere in iudicium oportet. quod & amplius declarat Ulpianus Iurisc. l. in itinere de uerborum & rerum signific. sic inquiens: In itinere faciundo, uiginti millia passuum in dies singulos peragenda, sic sunt accipienda, ut, si post hanc dinumerationem minus, quam uiginti millia, supersint, integrum diem occupent, uidelicet, si unum & uiginti millia passuum sint, biduum ei attribuat. Milliaria autem, quoniam lapideis columnis in uis signari coeperūt, lapides a scriptoribus appellata fuisse passim legitur. Hoc

autem a C. Graeco inuentum puto, nam ante factum, non memini me legisse. de quo Plutarchus in illius uita. Ad haec, inquit, uiam omnem per millia dimensus (capit autem paullo minus octo stadia milliare) columnas lapideas, spatii signandi causa, locauit. Haec ille. Quo loco animaduertendū est, quod & paullo ante dixi, Plutarchū in eo, quod dixit, octo stadia paullo minus esse milliare, discriminē Romani Graecique dis non animaduertisse. Quod autem millia lapides appellarentur, clarius est, quā quod probatione indigeat: tribus tamē Plinii locis contentus ero. lib. 15. c. 18. de ficu Carthaginensi a Catone in Senatu allata, Nō castra Punica ad tertium lapidem uallatae. Et li. 31. c. 3. de aqua Virgine ab Agrippa ducta. Virgine adduxit ab octauī lapidis diuerticulo. Et lib. 36. c. 15. de ductu aquae Claudiae: Quippe a lapide quadagesimo ad eā excelsum, ut in omnes urbis mōtes leuarentur, influxere Curtius, atque Caeruleus fontes. Quibus & illud Martialis accedat libro epig. x. de Torquato & Otacilio.

Ad lapidem Torquatus habet praetoria quartum:

Ad quartum breue rus eruit Otacilius.

Quorum quidem lapidum, seu columnarum, non nulla uestigia adhuc in uia Appia, Roma Neapolim proficiscentibus occurrunt, sunt enim columnae lapideae: quarū & una est in porta ciuitatis Fundorum, in ingressū, Si recte memini, a sinistra, in quibus milliariorum numerus, quo columnae ipsae ab urbe distant, signatus inspicitur.

Actus minimus habet in latitudine pedes quattuor, in longitudine pedes centum uiginti. Columella lib. 5. c. 1. Actus minimus, ut ait Varro, latitudinis pedes quattuor, longitudinis habet pedes centum uiginti:

Clima, eodem teste Columella ubi supra, quoquo uersus est pedum sexaginta.

Actus quadratus undiq. finitur pedibus centum uiginti, teste Columella loco proxime relato, & Varrone de re rust. lib. 1. c. 10.

Iugerum ab eo dictum est, quod duos in se iunctos actus quadratos contineat ex Columellae & Varronis sententia locis proxime relatis. Varronis haec sunt. Modos, quibus metirentur rura, alius alios constituit, nam in Hispania ulteriore metiuntur iugis in Cāpania uersibus, apud nos in agro Romano & Latino iugeris iugum uocāt, quod iuncti boues uno die exarare possint. Versum dicunt centum pedes quoquo uersum quadratum: Iugerum, quod quadratos duos actus habeat: de quo apud Plinium lib. 18. c. 3. sic legitur: Iugerum uocabatur, quod uno iugo bouum in die exarari posset; Actus, in quo boues agerentur, cum aratur uno impetu iusto, hic erat centum uiginti pedum, duplicatusq. in longitudinē iugerum faciebat. Haec ille. Sed id, quod iugerū in Plinio legitur, iugum restitui debet, alioqui lapsus fuisset Plinius cū iugero Romano tribuisset, quod iugo Hispanico Varro tribuit. in quem errorem multi ex iunioribus, corruptam lectionem secuti, ceciderunt. Ex hac traditione iugeri mensurae apparet iugerum esse pedum quadratorum duo de triginta millium octingētorum, ex Columella lib. 5. c. 1. Ergo, ut dixi, duo actus iugerum efficiunt, longitudine pedum ducentorum quadraginta, latitudine pedum centum uiginti: quae utraeq. summae inter se multiplicatae quadratorum faciunt pedū uiginti octo millia & octingētos. Haec ille. Libet hoc in loco animaduertere, Palladium de re rust. lib. 2. c. 12. de iugero non recte sensisse, ait enim, quadratam tabulam iugeralem constare quoquo uersu pedibus centum octuaginta. quae summae si inter se multiplicentur, summam pedum quadratorum duorum & triginta millium, & quadringētorum constituunt, cum ex Columella & omnium sententia uiginti octo millium & octingētorum tantum sit. lapsus est, ut arbitror, quia cum uideret iugerum in longitudine esse pedum 240. & in latitudine 120. quae duae summae coniunctae constituunt summam trecentorum sexaginta, putauit ille, non admodum optimus geometra, hunc numerum trecentorum sexaginta diuidendo iugerum aequi laterum constituisse, non reminiscens Vitruuium lib. 9. c. 1. ex Platonis sententia tradidisse aream quadratam certae quoquo uersus mensurae

siquis

si quis duplicare uelit numeris assequi nō posse. cui tamen si prope accedere uoluisset, latera ex pedibus centum sexaginta nouem & dodrante & eo minus, constituere debuisset.

Centuria centum iugerum olim mensura fuit, quae postmodum duplicata, & ducentorū facta, pristinum nomen retinuit. ita Varro de re rust. lib. 1. c. 10. cuius haec sunt: A centum centuria dicta. Centuria est quadrata in omnes quattuor partes pedū ∞ ∞ c. hae porro quattuor centuriae coniunctae, ut sint in utramq. partem binae, appellantur in agris diuisis uiritim publice, saltus. Haec ille, quem Columella lib. 5. c. 1. sequens, sic dixit. Centuriam nunc dicimus, ut idem Varro ait, ducentorum iugerū modum, olim autem ab centum iugeribus uocabatur centuria, sed mox duplicata, nomen retinuit, sicuti tribus dictae primū, a partibus populi tripartito diuisae, quae tamen nunc multiplicatae, pristinum nomen possident. Haec ille. Sed animaduertendum puto, Varronis numerum, duum millium centum, librariorum in curia, quorum culpa multa similia per notas scripta desiderantur, corruptum esse. constat enim quattuor centurias simplices, seu duas duplicatas quinquagies centies millies & septingentos sexaginta millia quadratos pedes habere, idest secundum hodiernum numerandi modum (ut ego quoq. uerbo millionis utar, quo iuniores logistae utuntur) pedum quinq. milliones ac septingentos sexaginta millia continere. ex eo autem Varro nis numero non nisi quattuor milliones ac quadringenti decem milliaria dicuntur. locus igitur restituendus est, ut numerum duum millium & quadringentorum contineat: & quadrabit.

Saltus postremus est, constans ex iugeribus quadringentis, ut ex praedictis colligitur. & haec citra controuersiam uera sunt.

Pedis autē (ut ad pedē redeā) quae uera fuerit mensura, diu inter doctissimos nostrae aetatis uiros disputatum fuisse scio. nam ut ineptias quorundam, qui nescio quas nugae de ordeis seminibus, quae etiā ab antiquis reprobata fuerunt, repraesentare nixi sunt, omittā: item illa, quae Budaeus, uir alioqui doctus, & egregius, de suo Luteriano pede tradidit, ab omnibus reprobato, cum nihil cū Romano cōmune habere dignoscatur, Leonardus Portius Vicentinus, uir sane doctus, primus omnium nostrae aetatis, qui de hac re scripserit, mensuram Colotiani pedis pro uera tradidit: cum nec tunc alia appareret. is autem Colotianus ex marmorea base sepulcri Cn. Cossutii sculptoris, ut arbitror, sumptus est: quae quidem basis olim in hortis Angeli Colotii (unde Colotiani pedis nomen) ad Pincii montis radices, uiri sane doctissimi, erat, nunc autem in aedibus nobilis Marii Delphini, a Gentile eius fratre, uiro doctissimo & rerum antiquarum perito comparata superioribus annis, multis item aliis Epitaphiis & inscriptionibus congestis, conseruatur: quem iuniores quoq. secuti sunt: cuius sepulcri schema in calce operis subnectere uisum est, ut appareat sculptoris consiliū fuisse, non exactā pedis mensurā demonstrare, sicut nec circinorū, nec libellae, aut mallei, sed tantum ostendere, cuius professionis hominis cineres inibi conseruarentur, sicq. Colotianus hic potius ansam perquirendi legitimum pedem praebuit, quam quod ipse legitimus sit. Cum hac Colotiani pedis mensura Guilielmus Philander, qui ab hinc annis circiter triginta Romae floruit, in annotationibus in Vitruuium lib. 3. c. tertio, pedē alterum marmoreū cōgruere testatur. In alia marmorea base sepulcri T. Statilii Vol. Apr. mēforis aedificiorum Romae suo tempore ex Ianiculo refoffa, & in Vaticani Pōtifícios hortos trāsportata, cū quo sane cōuenit modico dicrimine hic Statilianus, habens satis clare digitos & uncias distinctos, quibus ille Colotianus caret omnino. Mihi autem multis ab hinc annis pes unus aereus allatus fuit, terra rubigineq. ut refoffus illico fuerat, obtusus, & inuolutus, in rudibus antiquarum ruinarum ex urbe antiquitus euectis, ac prope & extra portam Nomentanam proiectis, inuentus. quo in loco maxima tunc Chrisolichorum copia & aliorum pretiosorum lapillorum cum plūbi fru-

bi frustulis & carbonibus, aereis clauibus, seris & armillis aliisq. similibus eo tēpore reperiebantur, adeo ut locus ille uniuersus, qui uineatus erat, cribro a perquirentibus fuerit euersus, & excretus. Est autem pes iste palmis unciis, digitisq. diuisus complicabilis, qui cum explicatus est testerula ex eodem aere ansulata, clauo in una ipsius parte affixa, clauis duobus altera parte infixis, inseritur, atque ita clauditur, ut, nisi ea testerula remoueatur, complicari non possit. in cuius superficie ab altera ipsius parte litterae quaedam punctis notatae inspiciuntur, quas tamen propter antiquitatem materieiq. tenuitatem legere aut interpretari nequiuimus, nam quadratus est, eius crassitudinis, cuius gallinacea penna ex ala esse consuevit, si illius rotunditati quadrata forma suppleretur. qui pes aereus dictis duobus marmoreis comparatus septima unciae parte, siue unciae scripulis tribus, & duabus scripuli sextulis, & sextulae semisse breuior est. cum autem diu haesitarem frustra, porphyreticam illam columnam perquisiuissem, de qua Marlianus in suo de antiquitatibus urbis, & Philander, saepe, nec non & iuniores meminerunt, quam ego dum iuuenis essem, in aede sanctorum duodecim Apostolorum ad aedes Illustr. de Columna inspexeram, & in illius calce ΠΟΔ'. ⊙ saepius legeram, alius mihi pes aereus, seu ex orichalco, alatus est, itidem ut primus, complicabilis: qui dum complicatus est clauo ab uno capite affixo, foramini ab altero capite existenti infixio, ita clauditur, ut se facile explicari non possit, & cum explicatus est simili testerula, ut alius proxime relatus, sustinetur, ut complicari non possit, palmis, unciis, digitis, & sextula distinctus. quo factum est, ut incertior essem multo, quam prius. inueni enim eum nona ipsius Coloriani & Statiliani unciae parte illis longiorem esse, & illo priore aereo unciae illius parte tertia, siue duella, cuius pariter longitudinis illum ex porphyreticae columnae mensura sumptum, Philander, qui eam columnam se metitum fuisse testatur, loco supra relato existitisse constanter asserit. Quamobrem ulterius perquirendo inueni duos alios aereos pedes, ita ut praedicti complicabiles, cum suis ansulatis testerulis & clauis, eiusdemq. fere crassitudinis, cuius ille meus primo loco descriptus, pariter palmis unciis & digitis distinctos penes illustrem Fuluium Vrsinum, Canonicū Lateranensem, uirum bonarum litterarum eruditissimum, & rerum antiquarum peritissimum, & affluentissimum, cum illo priori meo etiam longitudine ad amussim conuenientes, aliumq. omnino praedictis similem, penes praefatum nobilem Mariū Delphinum, qui tamen tribus praedictis longior est, quantum est unciae scripulum, & scripuli triens; eosq. exinde, meum scilicet & Illustr. Fuluij triplici testimonio atque omnium litteratorū, qui Romae sunt, assensu comprobatos, pro uera & legitima antiqui pedis mensura, proq. ueris & antiquis pedibus mensuralibus habui & palam facere non dubitavi. Sed non eo minus inuestigare libuit, si ratione aut coniectura assequi possem, unde horum aereorum pedum meorum discrimen oriretur. habebam enim pro comperto, illum meum maiorem, Graecum pedē non esse, cū Graecus pes, ut supra tradidi, semuncia Romano pede maior sit, meus autem ille uix tertiae unciae parte siue duella istos alios superaret. quamobrem cum haberem penes me antiquam selibrā lapideam admodum incorruptam cum hac in superiori planitie nota, S. & dodrantem unum aereum, ac quadrantem pariter aereum unum, massamq. lapideam alteram pariter integram & incorruptam pondo librarum decem, alteramq. libr. 4. inuicem concordantes, & respondētes, etiam cum alia aerea libra penes praefatum Illustr. Fuluium existente, in cuius suprema planitie argenteis litteris haec erat nota, I. & in circumferentia hae aliae EX AVC. D. CAES. nec non & cum alio eiusdem semisse aereo, idest unciae sex, inuicem pariter conuenientes & concordantes, sextarium formari curavi, qualem me in manibus Angeli Colorij, dum iuuenis essem, uidisse meminerā. erat enim forma rotunda, plana base, altior quam latior, ab imo ad summum aequalis, cum inscriptione Honorij Imperatoris;

DE ANTIQVIS ROM. ET GRAEC. INTERVALL. MENSVRIS. 7

toris: huncq. ita a me formatum sextarium, ita modulatus sum, ut uiginti unciarū ex praedictis pōderibus formatis, purae aquae ex cisterna, quae pluuia est, capax esset. Dein ex eo communi pede, quem legitimum me credere dixi, quadrantal cupressinis tabulis, quae omnium minime humore aut siccitate mouentur, formari feci, sicque sextarium praedictum cum hoc quadrantali, purgato cribratoq. milio, quo Romae mensurae examinari consueuerunt, examinaui, diligentiq. cognitione adhibita inueni, quadrantal praedictum octo & quadraginta sextariis expleri, & plenum euacuari, regula radula semper adhibita, ita ut nihil nec de sextario nec de quadrantali superesset, aut deficeret. cumq. apud me esset alius sextans aereus ponderis maioris aliis praedictis, in quo in superiori planitie ita notatum inspicitur S. B. idest unciae duae, inter cuius sextantis unciam, & illam relatorum aliorum ponderum grana unum & uiginti, ex nostri temporis uncia sumpta, interceduat, quibus haec illis maior est (de his autem granis intelligo, quorū quattuor & uiginti scripulum constituunt) rursus alium sextarium priori similem fieri feci, qui uiginti unciarum eiusdem aquae ex cisterna capax esset, pariterq. aliud quadrantal ex illo maiori aereo pede formatum habui, diligentiq. examine ut prius feceram adhibito, non minus sextarium hunc ex maioribus unciis, cum hoc quadrantali ex maiori pede formato, cōuenire reperi, quam sextarius ex unciis prioribus cum priore formato quadrantali conuenisset. unde coniecturam feci, hunc maiorem pedem & unciam posterioris & fere ultimi temporis fuisse: quia hodie quoque Romae uncia maior praedictis reperitur: ut credere liceat, paulatim pondera ad hanc, quae nunc est, ponderis magnitudinem excreuisse, sicut ex contrario monetarum bonitas & pondus decreuit, & in dies magis decrescit. Sed haec ex coniectura dicta sint. Ceterum, ut praedixi, asserere tot testimoniis & experimētis nō dubito, Romanum antiquum & legitimum pedem illum esse, qui ex tribus aereis praedictis colligitur, marmoreis reiectis: quia, ut etiam praedixi, non eum finem sculptoris fuisse credendum est, ut exactam pedis mensuram demonstraret, sed ut ostenderet instrumenta professionis hominis illius, cuius ossa aut cineres eo in sepulcro clauderentur: cum contra finem eorum artificum, qui pedes aereos tanta subtilitate formauerunt, credendum sit eum fuisse, ut illorum mensurae essent legitimae, & ad metiendum iuste spatia deseruirent: quorum & omnium mensuras & schemata in operis calce subnectere uisum est. Verum lector cādide, ut ea, quae in sequentibus dicturus sum, planius intelligas, scire te equidem uolo, antiqua pōdera (quae Romanis & Graecis communia fuisse ex iis quae lib. quinto dicta sunt facile intelliges) non eadem fuisse cum iis, quibus hodie Romae utimur. nam libra, quae Romae, ut olim, sic hodie una eademq. est omnibus argentariis monetariis, medicis, ueterinariis, pharmacopolis, laniis, piscariis, & demū negotiatoribus omnibus, & tam ciuibus, quam agricolis communis, maior est antiqua libra, scripulis quattuordecim: quae scripula uelim intelligas de iis, quae a libra instantis temporis proficiscuntur, & de quibus quattuor & uiginti unciam constituunt, & quae rursus scripula singula (ex receptiori medicorum sententia, ut lib. quinto dictum est) in partes quattuor & uiginti, grana appellata, diuidantur. quo fit, ut unciae Romanae temporis instantis undecim, drachmae tres & scripulum unum, antiquam libram, de qua supra memini, peraequant: uncia uero nostri temporis, maior sit uncia antiqua, scripulo uno & granis quattuor, quae ratio ad calculum ineundum, dum antiquas liquidorum aridorumque mensuras, cum nostri temporis mensuris pondere examinabimus, necessario tenenda est. Non minus & aliud te scire uolo, quod palmus, quo hodie Romae Architecti utuntur, de quo cum reliquis ab eo proficiscentibus mensuris sequenti libro dictum est, si cum legitimi antiqui pedis dodrante, idest unciis nouem (quem dodrantem Plinius, ut supra retuli, spithamam

mam, uocabulo a Graecis mutuato, appellat) conferatur, & examinetur, palmus ipse dodrante, seu spithama, quantum sunt duae nonae partes unciae pedis praedicti, idest unciae sextula, scripulo uno, & triente scripuli, longior esse reperitur. quod si palmus idem cum altero supra relato pede cometiatur, qui maior est, & qui cum prophyretico illo concordat, (si uera Philander dixit) & quem posteriorum & postremorum temporum fuisse existimaui, & cum illius dodrante seu spithama conferatur, duorum ferme scripulorum differentia intercedente, quibus palmus hic dodrante isto minor est, conuenire constabit, ut subiectum in calce operis schema demonstrat: ex qua est demonstratione fulcitur coniectura, quam paullo ante feci, dum me credere dixi, maiorem hunc pedem sequentium postremorum temporum inclinationis Romani imperii fuisse. nam putauit, & puto, labentibus annis, & felicitate Romani populi decrescente, mensuras & pondera aucta fuisse, & ab hoc maiore pede, & illius spithama ad spannam, de qua sequenti libro itum esse. quae tamen ita dicta sint, ut opiner potius, quam affirmem.

*De Graecis interuallorum mensuris
epitome.*



MENSURARVM, quibus Graeci interualla metiri consueuerunt, ex iis, quae à recetioribus tradita sunt, & iuxta eorum translationem, epitomen tradere uisum est, ut in hoc quoque huius rei studiosis consultum sit: quas cum ego ex propriis illarum auctoribus non sumpserim, ita tamen ut ab aliis tradita sunt, non quidem ut illorum laborem in meam laudem transferre cupiam, sed ut operi nihil desit, ad publicam studiosorum utilitatem referre uisum est. sunt autem haec. Dactylus, Dochme, siue Dactylodochme, siue Palaeste, siue Doron (nam haec omnia synonyma sunt) Lychas, Orthodoron, Spithame, Pes, Pygme, Pygon, Cubitus, Orgya, Plethron, Stadium, Diaulus, Hippicon, Milliare, Dolichos. Quarum mensurarum quantitates & discrimina sunt haec.

Dactylus, lati digiti est mensura e Graecis omnium minima.

Dochme,

Dactylodochme,

Palaestae,

Doron, quae idem sunt, constant ex digitis quattuor, & sunt idem, quod latinis palmus.

Lychas, est interuallum digitorum decem, idest quantum quis ab extremitate iudicis ad pollicis extremitatem, expansis quanto magis fieri potest iis digitis, complectitur.

Orthodorum, est interuallum digitorum undecim, & est quantum quis inter primam palmae partem, ubi brachio iungitur palma, & supremam medii digiti complectitur: quasi rectum palmum dixeris.

Spithame, constat ex digitis duodecim, palmis uero tribus, & est quantum quis expansa manu, ab extremitate digiti minimi ad summitatem pollicis, complecti potest.

Pes, est palmarum quattuor, digitorum sexdecim. & hic reminisci oportet, hunc, semuncia, Romano pede maiorem esse, ut supra late deduxi, dum de stadio & milliario tractaui.

Pygme, est mensura digitorum circiter duode uiginti, pro paruo cubito capi solita: & est quantum a brachii curuatura ad extremam manum complicatis, contractisque

DE ANTIQVIS ROM. ET GRAEC. INTERVALL. MENSVRIS. 9

que digitis quīs completitur.

Pygon, est mensura digitorum uiginti, ipsa quoque pro paruo cubito sumpta, & est quantum quis a brachij curuatura, ad extremam manum complicatis, non tamen contractis digitis, completi potest.

Cubitus, est mensura constans ex palmis sex, digitis xxiiij. & est quantum à brachij curuatura ad extremitatem digiti medij quīs completitur.

Orgyia, siue passus, mensura est constans ex cubitis quatuor, pedibus uero sex.

Plethron constat ex pedibus in longitudine centum.

Stadium, qui & stadius, constat ex pedibus in longitudine sexcentis siue orgyis centum.

Diaulus, spatium est constans ex stadiis duobus.

Hippicon, spatium est constans in longitudine ex stadiis quatuor.

Milliare constat ex stadiis octo in longitudine & haec Graeca mensura non est, sed à Romanis mutuata ex quinque millibus Romanis pedibus constans, ut supra de stadio & milliario dixi.

Dolichos, mensura est, constans ex stadiis duodecim & haec de Graecis ad quarum mensurarum comprobationem duas ex multis, quae à iunioribus adducuntur, auctoritatibus referre uisum est. Altera est Herodoti in libro, quem inscripsit, Euterpe, cuius haec sunt. Centum autem iusti passus sunt stadium unum, quod sex sit plethrorum: ut passum sex pedibus metiamur, & quatuor cubitis, pedes autem sint quatuor palmorum, cubitus autem sex palmorum. Altera est Heronis, qui sic scriptum reliquit. Stadium in longitudine habet pedes sexcentos, Diaulus mille ducentos, Milliare stadia octo, Dolichus stadia duodecim. Reliqua ex Iulio Polluce, Hesychio, & aliis comprobantur. Has autem mensuras si quis in usum deducere uelit, facile assequi poterit, si ex Romano pede, supra a nobis tradito, Graecum formabit, qui Romano longior sit semuncia, eumque sic formatum, in digitos sexdecim diuiserit, (nam Graecis uncias mensurales, de quibus loquimur, fuisse, non memini me legisse) & cum eo sic diuiso spatia supra relata metiatur. Atque hic harum Graecarum mensurarum finis.

10 DE ANTIQVIS ROM. ET GRAEC. INTERVAL. MENSVRIS.

LVCAE PAETI IVRISCONS.

LIBER SECVNDVS.

DE INTERVALLORVM MENSVRIS, QVIBVS HODIE ROMAE VTIMVR.



N^UTIQVIS longitudinum latitudinumq. mensuris iam cognitis, operae pretium me facturum existimaui, si eas nunc, & suo loco liquidorum aridorumq. mensuras, & pondera, cum iis, quibus Romae utimur, conferrem: ut inde architecti, & agricolae, medici quoq. & qui humanioribus litteris delectantur, notitiam & discrimen facile assequi valeant. igitur eas hic longitudinum latitudinumq. mensuras, quibus hodie Romae utimur, enarrabo. De iis autem loquor, quibus architecti, & agrimensores utuntur. nam Romae longa differentia est inter istas, & illas, quibus mercatores pannorum, & serici, ac illas, quibus mercarii, (ita appellati) & illas, quibus textores telarum (quae omnes & inter se differunt) utuntur. sunt autem architectorum, & agrimenso- rum, de quibus loquimur, haec. Palmus, Canna, siue Pafus senatus, Staiolus, Peria, Rublum: de quibus singulatim tractandum. Palmus igitur inter has de quibus loquimur, architectorum, & agrimenso- rum mensuras, sicut & in antiquis pes, primum locum inter maiores minoresq. mensuras obtinet. Qui Palmus non idem est, qui antiquis, sed triplo maior, idest tres ex illis capiens, & eo amplius, constans ex uncis antiqui pedis novem, & unciae sextula, scripulo uno, & triente scripuli, ut priore libro demonstraui. eadem tamen ratione & a palmo appellatum fuisse putauerim. nam fere est, quantum homo recte formatus, aperta manu ab extremitate digiti minimi ad extremitatem pollicis, complecti potest. & hic palmus a Dâte Aligerio, & in Tuscia Flaminiaq. Spanna appellatur, quem ita quoq. in Hispania & Germania appellari testatur Didacus Couarruias Variarum Resolutio num lib. 2. c. 20. & nonnulli ex iunioribus, quem a Graeca spithama, quae pedis dodrans est, corrupto uocabulo dictum puto; de qua spithama Plinius supra etiam relatus lib. 7. c. 2. ita inquit. Infra hos extrema in parte montium spithamei Pygmaei narrantur ternas spithamas longitudine, hoc est ternos dodrantes non excedentes. de qua & Iulius Pollux, a iunioribus relatus, sic dixit. Si uero digitis extensis a pollice usq. ad minimum metiaris, ea mensura spithame uocatur. Cuius spannae nomē & usus a Graecis (Imperio iam in Constantinopolim translato) cum ipsi exarchatu Rauennate potirentur, in Etruriam, Flaminiam, Hispaniam, & Germaniam forsan irrepsit, & corrupte pro spithame spanna dictum est. & facile usu ea mensura recepta fuit, cum unicuiq. quasi in manu haec mensura esset. quae forsan facilitas pedis usum in Latio & Etruria aboleuit. Etsi non negem spannam, ab expansa quoq. manu, corrupto pariter uocabulo, dici potuisse. Hic autem noster palmus hodie ab Architectis non solum in tres tertias & quattuor quartas partes diuiditur, sed etiam in digitos duodecim, quos etiam aliqui uncias palmi appellant, rursumq. digitos singulos in partes quinq. quas minuta appellant & minuta in duo semiminuta ac tertia quarta & quinta minuti parte, diuidunt, ut facilius minimam

minimam etiā interualli partē quamlibet, exprimere possint. Canna, quae in nostris municipalibus iuribus, Passus senatus appellatur, constat ex palmis decem, instar de cempedae, quae aliqui ex antiquis usi sunt, ut meminit Cicero pro Milone, et Philip. 14. Frontinus de limitibus, Suetonius in Aug. cap. 24. & Palladius lib. 2. c. 12. ex decem palmis ideo, ut arbitror, constituta, quia is numerus receptiori sententia perfectus dicitur, ut & supra priore libro deduxi. Nomen autem Cannam a palis arundineis, quibus Romae uineae pedantur, (qui canne uulgo appellantur) sumpsisse credo. hi enim arundinei pali, eius longitudinis esse consueuerunt: ut cum terra semipal mari spatio sint defixi, summitas eius extremitate digiti medij, extenso quo ad fieri possit brachio, contingatur: quae mensura cum palmis decem concurrat: uel etiā forsam ex eo, quia, relictis perticis, hanc mensuram in arundinibus, quas promptiores habebant, designabant. Quidquid sic haec mensura, ut dixi, in nostris municipalibus iuribus Passus senatus, eo quia senatus consulto & certa lege ea mensura statuta sit, appellatur. quae etiā uoce in mensurandis lignis, quae ad comburendum emuntur, hodie quoque utimur: ligna enim passu mensurantur & ueduntur, hoc modo. strues lignorum, quae palmorum trium & semis longitudinis sint, construuntur, ita compositae, ut neque ictu calcantur, neque transversarijs aut fraude rarefiant; quae autē strues erit longitudinis palmorum decem, totidemque altitudinis, siue longitudinis palmorum uiginti, altitudinis palmorum quinque, Passus appellatur. Haec autem mensura decem palmis diuisa, & distincta olim in stipitibus portarum ueterum palatiorum Senatoris, & Conseruatorum, quae in Capitolio sunt, in sculpra erat. Hodie uero, illis in meliorem augustioremque formam factis, in marmorea tabula, quam in Conseruatorum palatio poni curauimus, cum ceteris interuallorum mensuris, quibus Romae utimur, conseruatur. Staiolus est mensura, qua agri mensurantur, constans ex palmis quinque & dodrante ipsius palmi, hoc est tribus quartis partibus palmi. Huius originem & nomen ab opilionum palis prouenisse conijcio; nam ipsi palos, quibus retia ad continendas oues suspendunt, staiolos, eo quod stantes retia sustineant, hodie quoque appellantur, suntque eius longitudinis, ut, cum terra semipal mari spatio defixi fuerint, extrema superiore parte, hominis inum pectus pertingant; quae cum ea, quam dixi, mensura palmorum quinque & dodrantis concurrat. cū quibus forsam palis, opilioes ipsi, his superioribus calamitatum temporibus, agros, quorum herbas uilissimo pretio emebant, forsam metiri solebant, & ex inde in usum certamque mensuram translatis, nomen conseruant. Sed haec ex coniectura dicta sint, melius autem sentienti facile acquiescam. Retia tamē uenatoria, altitudinis palmorum quinque, nostri temporis, aut paullo amplius etiam apud antiquos fuisse colligi licet e Xenophonte de Venatione, qui praecipit uenationum retia quinque spithamas altas esse: quae cum de Graecis intellexerit, efficit palmos nostri temporis quinque & digito duos & semis & digiti, habita ratione discriminis Romani & Graeci pedis, de qua priore libro abunde dixi. quae quidem retium altitudo hodie uenatoribus & opilionibus communis est. opilioes etiam antiquitus retibus oues in montanis & longinquis pascuis continuisse, constat ex Varrone de re rust. lib. 2. c. 2. Hic autem staiolus nihil cū antiquis mensuris commune habet, nec simile. Petia est terrae quantitas certa. in petias enim, uineta, arundineta, & pomaria distribuere solemus, ut in iugera consueuerunt antiqui, licet petia non ad omnes agros ut iugerum pertineat, sed tantum ad praedicta. Haec autem petia constat ex staiolis quoque uersu quadraginta, qui inter se multiplicati, constituunt staiolos quadratos mille sexcentos, seu, si eam petiam ad cannarum mensuram reducere uauis, constat ex cannis in longitudine tribus & uiginti, totidemque in latitudine, quae summae inter se multiplicatae constituunt quadratas cannas quingentas uiginti nouem, & haec petia cum antiquo iugero non multo discrimine concurrat. iugerum enim, ut dixi, est in longitudine pedum ducentorum quadraginta, in latitudine centum uiginti. pedes autem centum uiginti (ea ratione retē-

ta ut palmus hic, de quo loquimur, legitimi pedis sit dodrans, & unciae sextula, scripulum, & scripuli triens) constituunt palmos hosce centum quinquaginta sex in latitudine, & in longitudine duplum, idest palmos trecentos duodecim; quae summae, inter se multiplicatae cōstituunt palmos quadraginta octo millia sexcentos septuaginta duos: qui si diuidantur per numerum centum, (ex quo palmorum numero cōstat canna una quadrata) cannas habebis quadratas quadringentas octuaginta sex & palmos septuaginta duos. cum autem petia, ut supra dixi, constet ex cannis quingentis uiginti nouem, perspicue intelligitur, petiam maiorem esse iugero cannis quadratis quadraginta duabus & pal. 28. & tantum a iugero differre. qua ex supputatione eorum detegitur error, qui iugerum pro rublo capiunt: de quo statim dicam. Rublum, siue Rubium, agri certa est mensura, constans (quantum ad agrorum mensuram attinet) ex petijs septem. nam aridorum quoq. mēsurā Rublum est, de qua quarto libro dictum est. Huius autem Rubli nomen unde prouenit, non solum fateor me ignorare, sed nec assequi coniectura posse, concurrente etiam maxime ipsius nominis uarietate. In marmore enim quodam, quod in palatio Conseruatorum est, ubi quaedam subiectio Tuscanellorum memoriae traditur, quae anno a Christi seruatoris nostri natali millesimo trecentesimo exitit, Rublum per litteram. l. post b. hoc carmine scriptum legitur.

Frumenti Rubla bis millia ferre coegit.

& eisdem litteris scriptum legitur inter nostra municipalia iura, quae ante annū natalis Domini 1352. uigebant, in quibus Rublitella frumenti, & calcis, quae est Rubli dimidia pars, crebro legitur. & ita in antiquis uenditionum praediorum instrumentis, supra annos centum quinquaginta stipulatis, scriptum saepe legi. In Platina uero in uita Gregorii duodecimi, qui creatus est Pontifex anno 1406. Rubium, l. littera in. i. mutata etiam in ueteri exemplari, scriptum legitur, his uerbis. His autem perturbationibus adeo Romae annonae caritas inualuit, ut mensura tritici, quam Rubium uocant, decem & octo florenis uenderetur. In marmoribus uero Capitolinis sub porticu palatii Conseruatorum, ubi earum Rublitellarum mensurae publicae conseruantur, Rugitella B. littera in G. mutata scriptum est. Quidquid autem sit, Rublum istud (nam hoc uerū nomen puto, quia pluribus testimoniis comprobatur) in agri quantitate consideratum constat ex staiolis decem in latitudine, in longitudine staiolis mille centum uiginti: quae summae inter se multiplicatae summam quadratorū staiolorum undecim millium ducentorum constituunt: siue, si eam mēsuram ad cannas redigere uolueris, constabit Rublum ex cannis quadratis tribus millibus septingentis tribus. & sic ex petiis, de quibus proxime dixi, septem, siue numeres septies staiolos mille sexcentos, siue septies cannas quingentas uiginti nouem multiplicaueris. qua ex supputatione iunctis his, quae paullo ante de iugero dixi, liquido apparet quam turpiter quidam ex nostris decepti sint, qui cupientes Rublum in latinam uocem transferre, pro Rublo iugerum scriptis tradiderunt: cum iugerum ne septimam quidem Rubli partem contingat. capit enim Rublum iugera septem, & iugeri septunem, scripula duo, & semissem scripuli. Petiae autem & Rubla metiri consueuerunt ab agrimensoribus catenula longitudinis staiolorum decem, habente staiolos suis anulis pendentibus distinctos. haec enim neq. rore contrahitur, neq. sole relaxatur, ut in funiculis euenit, quem Rublum in subficiis in quartis quatuor & quartā, in scortia pariter quatuor, & sic in scortia sexdecim diuidunt: quamuis Rublum in mensura aridorum ex scortiis pluribus constet, ut quarto lib. tradetur. Libet quoq. hoc in loco animaduertere, quod mensura tritici Rubli unius cribrati & purgati, de qua dicto libro quarto, in prima sementi, mensuram terrae mediocris bonitatis, unius Rubli catenae (nam sic a catena, qua terram metiuntur, terrae Rublum appellant) ferendo implere solet. Dixi autem in prima sementi, quia in secunda & tertia, eo quia

eo quia propter tempestates & pluuias ac frigora non nihil seminis emoritur, plus feminis, & in pingui terra minus, teste etiam Columella lib. 2. c. 9. requiritur. a cuius sententia nemo ex iis qui de agricultura scripserunt discedit: & re ipsa uerum esse compertum est.

Milliarium, quod ex quinque millibus pedum priore libro constare dixi, ea supputatio ne, qua palmum pedis dodrantem, & unciae pedalis sextulam, scripulum, & scripuli trientem esse demonstrauius, erit hodie cannarum sexcentarum quadraginta nouem, palmorum nouem, digitorum trium.

Stadium uero, quod est ut dixi milliarii pars octaua, eadem supputatione retenta, erit cannarum unius & octuaginta, palmi unius, & digiti. Et hic harum mensurarum finis

Mensurarum nostri temporis notae.

P.	Palmus
Ca.	Canna
St.	Staiolus
Pet.	Petia
R.	Rubrum
Sc.	Scortium



LVCAE

14r
LVCAE PAETI
I VRISCONS.

LIBER TERTIVS.

DE MENSVRIS LIQVIDORVM ET ARIDORVM
TVM ROMANIS TVM GRAECIS,
DE Q. EARVM PONDERE.



VNC de liquidorum aridorumq. mensuris dicendum est, & primo liquidorum, eis scilicet, quae apud Romanos fuere, in quibus Amphoram inter quascumq. minores maioresq. mensuras primum locum obtinere certissimū est. tam etsi non nulli ex iunioribus primas sextario in re medica, quia eo frequentius medici uterentur, attribuisse uideantur. ab Amphora enim minores omnes deriuāt, & ex ea culleus fit, qui ea mensura maior est. Quam inquam Amphoram antiqui, ut Fannius refert, ex quadrato pede formauerunt, & exinde Quadrantal eam ab initio appellauerunt, eundemq. Ioui in Capitolio, ne uiolare liceret, consecrauerunt. Mos enim fuit antiquorum, ut & hodie quoq. Romae est, mensuras in loco publico, ex marmore uel aere cōfectas, conseruari, & custodiri, ut inde, quoties res exigeret, & de legitima mensura dubitaretur, ueritas peti possit. de qua re Fannius ita.

Pes longo spatio latoq. notetur in anglo,
Angulus ut par sit quem claudit linea triplex.
Quattuor ex quadris medium cingatur inane:
Amphora fit cubus: quam ne uiolare liceret,
Sacrauerunt Ioui Tarpeio in monte Quirites.

Cuius etiam moris testis est congius, Vespasiani & Titi temporibus in Capitolio positus, de quo infra. Sed & Imperator Valentinianus Aug. lege uniuersali cauit, ut per singulas Romani Imperii ciuitates pondera & mensurae publicae essent expositae. cuius constitutionis uerba titulo de susceptoribus & arcariis in decimo Codicis libro sunt haec. Modios aeneos uel lapideos cum sextariis, atq. ponderibus per mansiones, singulasq. ciuitates iussimus collocari, ut unus quisq. tributarius, sub oculis constitutis rerum omnium modiis, sciat quid debeat susceptoribus dare: ita ut, si quis susceptorum conditorum modiorum sextariorumq. uel ponderum normam putauerit excedendam, poenā se sciat competētem esse subiturum. Iustinianus quoq. Imperator ea postrema constitutione, quam de collatoribus tradidit, quae in authenticorum libro est, collatione nona, mensuras & pondera in sacratissima cuiusq. ciuitatis ecclesia custodiri mandauit. De hoc igitur quadrantali (ut ad illud redeamus) meminit Plautus in Curcul. actu 1. sce. 2. Phe. fitit haec anus. Pa. quantillum fitit? Phe. modica est: capit quadrantal. Item Cato de re rust. c. 119. Vbi hauseris de mari, in doliū indito, noli implere, quadrantalibus quinq. minus sit quam plenum. & c. 12. Ahenum, quod capiat quadrantalia triginta. Plinius lib. 14. c. 14. Licinius Crassus & L.

Iulius

Iulius Caesar censores, anno ab urbe condita sexcentesimo septuagesimo quinto edixerunt, ne quis uinum Graecum Aminaenumq., octonis aeris singula quadrantaliam uenderet. Varro de re rust. lib. 1. c. 57. In mille modium quadrantal amurcae. A forma autem, qua deinde, gratia comodioris usus, huius mensurae uasa formata fuerunt, cum utrinque ansata essent, Amphora appellari coepit: quae quidem ansata forma clare ex Catone colligitur c. 119. cuius haec sunt: Post dies quadraginta diffundito in amphoras, & addito in singulas amphoras, sapa sextarium unum. amphoras nolito implere nimium, ansarum infimarum fini. qua quidem amphorae uoce plerumque scriptores ad uasa non certae & determinatae mensurae, ut quadrantal est, sed ad ipsum uasis corpus demonstrandum usi sunt, ut Cato c. 13. qui de amphora nasiterna, id est ad aquam continendam inter uineae instrumenta meminit, quā Varro de re rust. lib. 1. c. 22. ex aere fuisse interpretatur, de qua Sex. Pompeius ita scripsit: Nasiterna genus uasis aquarij ansatae & parentis, quale est quo equi perfundi solent. Quin etiam & in loco proxime relato, Cato de sparteis amphoris meminit. Quo pariter sensu, id est pro uase, nō tamen determinatae mensurae, eam accepit Columella lib. 12. c. 28. his uerbis: Hoc facto post septimum diem rursus uinum purgatur, & in amphoras bene picatas & bene olidas diffunditur. & rursus eodem lib. c. 40. de ora loquens: Quod deinde fluxerit, aut doliis aut amphoris condita, & cum deferbuerit, obturato, commodius autem seruatur in amphoris. & c. 47. de oliis condendis: Amphoras usque ad fauces replēt oliis. Quin & olearias fuisse amphoras, ex Catone colligitur c. 12. & 15. ibi, Amphoras oleatis duas, quas tamē olearias separatas, & alias a uini amphoris fuisse infra demonstrabo. A forma quoque amphorae Amphorale appellauit Plinius uas crystallinum lib. 37. c. 2. his uerbis. Idem Xenocrates auctor est, uas amphorale uisum, & aliqui ex India, crystallum sextariorum quattuor. Indeque Proculus Iuriscons. l. fin. in fine, de tritico legato, uinum amphorarium appellauit, quod in amphoris conditum esset, his uerbis: Quod si ita esset legatum uinum Amphorarium, Aminaenum, Graecum, & dulcia omnia, nihil inter dulcia, nisi quod portionis fuisset legatum putat Labeo, ex collatione uini amphorarii. Apud quos Iuriscons. promiscue pro uase & mensura, uocem hanc usurpatam fuisse legitur. Pompo. l. 2. eodem tit. de tritico legato: Si centum amphorae tibi, quas uelles, legatae sint ex testamento agendo consequi poteris, ut degustare tibi liceat. Vlpia. l. 3. eodem titulo: Si cui uinum sit legatum cētum amphorarum, cum nullum uinum reliquisset, uinum heredem empturum & praestaturum. Et paullo inferius: Sed quia credibile est, mentem testatoris eam esse, ut uoluerit accessionem uini esse amphoras: & sic inquit loquimur habere nos amphoras mille, ad mensuram uini referentes. Proculus l. cum uinum, illo eo titulo. Cū uinū heres dare damnatus est, quod in amphoris seu cadis diffusum est dari debet, etiam si uasorum mentio facta non est. Et l. Vinum, eodem titulo: Illud uerum esse puto, cui uinum legatum cum uasis erit, ei amphoras cados, in quibus uina diffusa seruamus, legatos esse. Vinū enim in Amphoras & cados hac mēte diffundimus, ut in his sit donec usus causa promatur, & .f. cum his amphoris & cadis id uendimus. de quo quidē diffundendi promendiq. usu alibi dixi. Idē Vlpianus l. ex eo, eo. tit. Ex eo uino, quod ex illo fundo nascetur, heres meus amphoras decem quotannis dato. Idem quoque Vlpianus l. Vinaria uasa, de uerborū & rerum significatione aperite demonstrat amphoras uinaria uasa certo tempore esse, certo alio non esse, his uerbis: Eandem causam amphorarum esse, ut, cum uinum habeant, tunc uasis uinariis, cū inanes sint, tunc extra numerū uinariorum sint: quia aliud in his cōdi possit. Plinius quoq. pro uase amphoram accepisse uidetur lib. 36. c. 6. de sudinibus loquēs his uerbis: Cornelius Nepos tradit fuisse magno miramento, cū P. Lentulus Spinther, amphoras, ex eo Chiorū magnitudine cadorū, ostendisset. Haec autem amphoraria uasa fœtilia fuisse, tū ex eo, quia picabantur, tum etiam ex his, quae Plinius dicit

dicit lib. 35. c. 12. colligi licet, qui de fictilibus tractans sic dicit. Hodieq. in templo ostenduntur amphorae duae, propter tenuitatem consecratae discipuli magistriq. certamine, uter tenuiorem humum duceret, quod ex his, quae quotidie Romae è terra eruuntur apertissime constat. sic etiam, quod longi colli essent, ex Catone colligitur, cap. 95. Salem candidum sic facito: amphoram defraeto collo puram impleto aquae purae, & in sole ponito. Ima autem parte amphoras fuisse acutas, non solum in multis antiquis sculpturis inspicitur, sed etiam oculata fide ex his, quae infra terram reconditae & obrutae reperiuntur, passim Romae conspiciuntur. sed & amphoris non solum ad uina, oliuas, & cetera, de quibus supra, condienda antiquos usos fuisse constat, sed etiam ad uuas passas seruandas, tradit Columella lib. 12. c. 16. sic dicen s. Cū deinde modice aruerunt, in uasa noua sine pice, operculata & gypsata, sicco loco reponito. Quidam uuam passam foliis ficulneis inuoluunt, & afficcant alii foliis uitigineis, non nulli plataninis, semi uietas uuas contegunt, & ita in amphoras recondunt.

Quadrantal istud, siue haec amphora, (ut ad institutum redeamus) pro mensura sumpta capit sextarios octo & quadraginta, ut Festus testatur, cuius haec. Quadrantal uocabant antiqui, quam ex Graeco amphoram dicunt: quod uas pedis quadrati, octo & quadraginta capit sextarios. Haec ille, quod & multis aliis argumentis, de quibus infra, probatur. Ipsa autem amphora infra scriptas minores mensuras in se continet, & in has quoque diuiditur, primo in urnas duas, secundo in modios tres, tertio in semodios sex, quarto in congios octo, quinto in sextarios octo & quadraginta, sexto in heminas sex & nonaginta, septimo in quartarios centum nonaginta duos, octauo in acetabula treceta octoginta quattuor, nono in Cyathos quingentos septuaginta sex, decimo & postremo in cochlearia siue ligulas bis mille trecetas quattuor. & hic finis Romanis liquidorum aridorumq. mensuris, quae a pede sumuntur, & infra pedem sunt. supra autem quadratum pedem, siue amphorā, Culleus est, qui constat ex amphoris uiginti, nec eo maior mensura reperitur. de quibus omnibus singulatim & distincte tractandum censeo, & pondus aquae & uim cuiusq. mensurae tradendum, ut non solum qualia antea fuerint, cognoscere possimus, sed et eas cum nostri temporis mensuris & ponderibus conferendo, discrimen percipere ualeamus. Interim tamen lector candidete haec scire uolo, culleum, amphorā, urnam, & congium, liquidorum tantum mensuras fuisse, modium & semodium aridorum tantum, sextarium, heminam, quartarium, acetabulum, cyathum, ligulam siue cochlear promiscuo tam liquidorum quam aridorum in usu fuisse: quod & ex infra dicendis latius apparebit.

Urna, quae est amphorae dimidium, ab eo dictam putat Varro de lin. lat. lib. 4. quod in aqua haurienda urinet summergendo & emergendo. has autem non solum ex figlino opere, sed etiam ex aere & ex sparto confectas fuisse satis aperte legitur, quod pro mensura & amphorae dimidia probat Fannius, de amphora sic scribens. Huius dimidium fert urna. Columella lib. 12. c. 20. Ego tamen, si humida fuerit uindemia, trientem, si sicca, quadrantem medicaminis, in binas amphoras miscere solitus sum, ita ut quattuor urnarum esset musti modus, urna autem quattuor & uiginti sextariorum. Haec Columella. ex cuius uerbis constat aperte, amphoram duas urnas, & sextarios octo & quadraginta in se continere. Pro mensura et accepit urnam Paulus Lurifconf. l. tabernae, de fundo instructo sic scribens. Item urnae aerae congiaria & sextaria quod & multis aliis argumentis à recentioribus probatum, adeo ut sine controuersia pro ueritate haberi possit. Nec quemquam moueant aduersus hanc scribentium omnium sententiam Catonis uerba c. 155. ubi in lege uini in doliis uendendi ita scripsit. Vinum in doliis hoc modo uenire oportet. Vini in culleos singulos, quadragenae & singulae urnae dabuntur: quod neque aceat, neque muceat. Ex cuius uerbis colligi uidetur, culleum, qui ex amphoris constat uiginti, ut infra suo loco probabitur, urnis una & quadraginta repleri: quoniam id. in sua lege ea ratione adscripsit

scripsit Cato, ut emptori consultum esset propter detrimentum, quod in metiendo uino per singulas urnas emptor pateretur: ideoq. urnam adiciendam putauit, quod & Budaeus aliiq. recentiores censuerunt. laborabant enim non parum antiqui, in mensurando uini culleo uno, unico actu, ut constat ex eiusdem Catonis testimonio cap. 161. dum docet quomodo uini culleum unica mensura metiri possis. qua de re alibi. quod autem pro uase & non mensura urnam quoque antiqui usurpauerint, probat idem Cato c. 12. & 15. ubi in instrumento rustico urnam quinquagenariam requirit. quo in loco aliter quam pro uase accipi non potest, quibuscūq. mensuris & ponderibus examinetur. sic & eam accepit Plautus in Rud. actu 2. sce. 5. dum dicit:

Metuo hercle, ne illa mulier mihi infidias locet,

Vt comprehendar cum sacra urna Veneria.

Nempe optimo iure in uinculis enicet

Magistratus, si quis me hanc habere uiderit.

Nam haec litterata est: ab se cantat, cuius sit.

Vnde & illud notandum, quod sacrae urnae nomina, cuius fani essent, inscripta habebant. Sparreas quoq. urnas, ut dixi, fuisse testatur idem Cato cap. 13. ibi. Vrnas sparreas sex. & quod ex aere c. 141. ubi tractans de locis, ubi optima quaeq. utensilia uenderentur, ita inquit. Hamae, urnae oleariae, urcei aquarii, urnae uinariae, alia uasa aenea Capuae. quod & Paulus Iurisc. loco proxime relato testatur. Ex quo Catonis loco olearias & uinarias urnas, non easdem fuisse intelliges. de qua re infra. Rursus & pro uase urnam accepisse uidetur Proculus Iurisc. l. qui uinum, de tritico legato, dum inquit: Qui uinum Surrentinum in urnalibus habebat, diffusum, is tibi legauerat uinum in amphoris, omne illud quoq. quod in urnalibus fuisset, legatum esse Labeo & Trebarius responderunt. A qua quidem urna Vrnarium appellari, locum in culina & balineis, ubi urnae aquatiles retinebantur, dixit Varro de ling. Lat. lib. 4. his uerbis. Praeterea erat tertium genus mensae & quadratae uasorum, uocaturq. Vrnarium, quod urnas cum aqua positas, ibi potissimum habebant in culina: ab eo etiam nunc ante balineum locus, ubi poni solebant urnae, Vrnarium uocatur. Haec ille. Ex quibus intelligi licet, urnas, de quibus Varro ima parte acutas non fuisse, ut erant amphorae & seriae, cum supra mensam quadratam seruarentur. Vrnae quoq. appellabantur uasa, in quibus mortuorum cineres recondabantur: quarum multae Romae inspiciuntur, tum ex figulino opere, tum etiam in marmoribus sculptae, cum suis inscriptionibus, de quibus meminit Cicero Tusc. 1.

Aspicite o ciues senis Ennii imaginis urnam.

Et Ouidius ad Liuiam:

Scilicet exigua cineres condentur in urna.

Et in elegia de morte Tibulli:

Carminibus confide bonis: iacet ecce Tibullus:

Vix manet e toto, parua quod urna capit.

Vrnae quoq. appellantur uasa, in quibus ludicū suffragia colliguntur. Virg. Aen. 6.

Nec uero hae sine sorte datae, sine iudice sedes.

Quaefitor Minos urnam mouet. ille silentum

Conciliumq. uocat, uitasq. e crimine discit.

Haec urna, retenta supputatione, quam infra de sextario tradam, uino defaecato, non crasso, non cocto, non nigro, aut aceto, uel aqua pura plena, pondo librarum quadraginta fuit. secundum quam rationem, amphoram pondo octoginta librarum fuisse constat: ut infra latius probabitur. & sunt hae duae liquidorum mensurae tantum, ut praedixi.

C

Modius,

Modius, qui aridorum tantum est mensura, & in quo secunda est ab amphora diuisio, amphorae pars tertia est. tres enim modij amphoram unam constituunt, ut Fannius testatur de amphora loquens, ut iam dixi.

Huius dimidium fert urna, ut & ipsa medinni

Amphora, terque capit modium, sextarius istum,

Sex decies haurit, quot soluitur in digitos pes.

A qua sententia nullus ex his quod mihi uidere licuit, discedit. Quod esset aridorum mensura, passim legitur: sed, ne sine auctoritate pertranseam, probatur ex Varrone de re rust. lib. 1. cap. 44. ubi ita. Seruntur fabae modij in lugero quattuor, tritici quinque, ordei sex, farris decem, sed non nullis locis paullo amplius aut minus: & lib. 3. c. 6. Ordei pauonibus singulis mensibus singulis modii singuli. Martialis x. epigr. in Crispum:

Quando fabae nobis modium farrisq. dedisti?

Cum tua Niliacus rura colonus aret.

Horum quidem modiorum quattuor tritici, erat seruorum demensum, ut dicit Terentius interpres in Phorm. actu 1. sce. 1. & Cato cap. 66. his uerbis. Familiae cibaria qui opus faciant per hiemem, tritici modios quattuor, per aestatem modios quattuor semis. quibus quidem singulis seruis, ultra tritici mensuras praefatas, olei menstruum sextarium, & salis annum modium Cato attribuit, dicto c. 66. A quo modio modiales aulae & calices dicti sunt, quod sexdecim sextariorum, id est modii capaces essent. Plautus in Capt. actu 4. sce. ult.

Aulas calicesq. omnes confregit, nisi quae modiales erant.

Inde & Sesquimodius, pro modio & semis, a Varrone de re rust. dictus, lib. 1. c. 7. qui de uinearum recta & ordinata dispositione tractans, & quantum illa a confusa & inordinata in fructu differat, sic scripsit: Hoc licet coniectura uidere in aliquot rebus, ut nuces integras, quas uno modio comprehendere possis, quod putamina suo loco quaeque habeat natura composita, cum easdem, si fregeris, uix sesquimodio concipere possis. Et c. 42. de medica loquens. In iugerum unum, si est natura temperata terra, scribunt opus esse medicae sesquimodium. Hinc a modio Trimodium: de quo Plinius lib. 33. cap. 1. de usu anulorum loquens. Promiscui autem usus alterum secundo Punico bello. neque enim aliter potuissent trimodia illa anulorum, Carthaginem ab Hannibale mitti. Meminit quoque Columella lib. 12. c. 19. Funiculi quoque fiscellis, & lora trimodiis. Et c. 30. tradens quomodo oleum fiat: Tum scalae, corbulae decem modios, Trimodiae satoriae quibus districta bacca suscipitur. Haecenus ille. Trimodia uero satoria, sacculus est metae inuersae similis, quem a latiori parte collo suspensum & funiculis seu loris alligatum, ima & acuta parte ad sinistram manum reuoluta, qui hodie quoque seminant plenum, semine ad semen iaciendum portant. Modios autem mensurales & semodios, de quibus statim, non ex opere figulino, ut amphorae, sed ex ligno fuisse crediderim, & praeferratos, ut hodie quoque mensurae, quibus arida metimur, Romae pro maiori parte conspiciuntur, ex Catone cap. 13. Qui inter uinae instrumenta, modium praeferratum unum, semodium unum requirit. Nam nisi lignei fuissent, uix est ut praeferrari potuissent, aut praeferratione indigerent. Constat autem modius iste ex sextariis sexdecim, ut ex Fannio probatum est, & facile ex calculo colligi licet. nam cum amphora constet ex sextariis octo & quadraginta, ipseque modius amphorae sit pars tertia, modico negotio dignoscitur sextariorum sexdecim esse. Pendet autem, si eius capacitatis uinum purum aut aqua pura appenderetur, retenta supputatione praedicta, libras sex & uiginti, & librae bessem. nam pondus tritici, uel ordei, aut farris, uel aliorum seminum, certa ratione pro mensura tradere, absurdissimum puto: cum non solum frugum pondera

pondera pro regionibus mutantur, & uariant, sed etiam eiusdemmet fundi semen a femine eiusdem generis pondere discrepet, ita testante Columella lib. 2. c. 9. cuius haec sunt. Collis enim quamuis granum robustius aliquanto, minus tamen tritici reddit. Quem & Palladius lib. 1. c. 6. secutus est, & re ipsa dignoscitur. Mirto annorū & temporum qualitates: cum, si rubigo inciderit, quinta parte & amplius ponderis detrimentum accipiat. Ex quibus constat, ex feminibus nihil certi & perpetui ponderis aut mensurae statui posse; & ea, quae Plinius lib. 18. c. 7. de tritici pondere diuerforum locorum tradidit, non praecise sed a communiter contingentibus intelligi oportere.

Semodius, modij est pars dimidia, amphorae sexta, in quo est, ut dixi, tertia amphorae diuisio, dictus quia semis est modius: se enim pro semis antiqui in his frequēter usurpauerunt, teste Varrone de ling. lat. lib. 4. cuius haec sunt. Semuncia, quod dimidia pars unciae: se ualet dimidiū, ut in selibra, & semodio. Haec ille. De semodio quoque meminit Cato cap. ult. de falsura pernarum his uerbis. Salis Romanienfis moliti in singulas semodius. Idemq. Varro de re rust. lib. 3. c. 8. In uicenas centenasturtures fere semodium aridi tritici. semodio autem semodiale placentam Cato appellauit c. 83. constat autem ex sextariis octo, & aridorum est tantum mensura.

Congius, in quo quarta est amphorae diuisio, est ipsius amphorae pars octaua, & liquidorum tantum mensura, constans ex sextariis sex. a quo congio sextarium nomen sumpsisse Fannius testatur.

Adde duos chus sit uulgo, qui est congius idem,

A quo sextarii nomen fecisse priores

Crediderim, quod eos capiat sex congius unus.

Ex cuius Fannii uerbis, sententia eorum confundi uidetur, qui primas sextario tribuere uelle uisi sunt: cum liquido appareat, si Fannii sententia, ut arbitror, uera est, sextarium ab alio formari, nempe a congio, cuius ille sexta pars est, & non ipsum, alteram supra se mensuram formasse. Quod congius esset uini mensura, probat Paulus Iurisc. loco supra & infra de sextario a me relato, in quo congium, & urnam, & sextarium inter instrumenta tabernae cauponae connumerat. Plinius quoque hoc probat lib. 14. c. 16. de uinis fictitiis loquens. Proximum sit e milii semine maturo cum ipsa stipula, libram & quadrantem in congios duos multi macerato, & post septimū mensem transfuso. Et paullo post: Graeci uero & alio modo, ramis teneris cum suis foliis in albo musto decoctis tuis, libram in tribus multi congiis deferuefaciunt. Quod esset etiam congius olei mensura, eo tamen modo ut infra declarabo, probat Liuius lib. 23. Et congii olei in uicos singulos dati. A congio congialem fideliam, eo quod congii capax esset, appellauit Plautus in Aulul. actū 4. sce. 2.

Sed si reperero o sancta Fides,

Multi congialem plenam faciam tibi fideliam:

Id autem tibi faciam, uerum ego mihi bibam,

Vbi id fecero.

A quo etiam congio congiarium munus appellatum est, quod populo dabatur, de quo abunde Budaeus, ceteriq. iuniores. Hinc et Tricongium appellatum fuisse Torquatum Mediolanensem, Tiberio imperante, refert Plinius lib. 14. c. 22. his uerbis. Apud nos cognomen etiam Nouellius Torquatus Mediolanensis, ad proconsulatum usq. e praetura honoribus gestis, tribus congiis unde & cognomen illi fuit, epotis uno impetu, spectante miraculi gratia Tiberio principe. Hos autem congios puto fuisse in communi usu ut plurimum ex aere, ut infra de sextario dicam, ubi formam in Capitolio positam temporibus Vespasiani & Titi Imperatorum demonstrabo. Congius autem uino puro aut aqua pura plenus, librarum pondo decem fuit, ut ex supra & infra traditis constat, & inscriptio praedicti congii testatur.

Sextarius, in quo quinq̃ta est amphorae diuifio, qui est, ut dixi, congii pars sexta, amphorae uero octaua, & quadragesima, in cyathos duodecim instar assis diuifus fuit, ut Fannius testatur.

Quod si mensurae pondus componere fas est,

Sextarii cyathus pars est, quae est uncia librae.

Hic Fannius, cuius carmina nonnulli Prisciano falso tribuerunt, Q. Rhemnius Fannius Palaemo appellatus est, ut eius inscriptio in fine operis Cornelii Celsi notata demonstrat: ne quis ulterius, quis nam fuerit, & quo tempore claruerit, haesiter. de quo Plinius lib. 14. c. 4. his uerbis. Sed maxima eiusdem Stheleni opera Rhemnio Palaemoni, alias grammatica arte celebri, in hisce uiginti annis mercato rus D. C. nummum, in eodem Nomentano, decimi lapidis ab urbe diuerticulo, & quae sequuntur. de quo etiã meminit Crinitus de poetis latinis lib. 4. in uita Lucani, cuius praeceptorem in grammatica fuisse asserit Rhemnium Palaemonem, qui principem locũ inter omnes grammaticos tenuit. Ideoq. eius carmina inter Prisciani opera, qui de ponderibus scripsit, a benignis librarijs, & forsan ab ipso Prisciano, ne perirent, si sola uagarentur, inserta fuisse credendum est. Non igitur ignotus est auctor, ut quidam existimauerunt, sed celebris, & qui felicissimis temporibus floruit. Ut igitur ad sextariũ redeamus, is capit eminas duas, quartarios, quattuor, acetabula octo, cyathos duodecim: ut infra per singula probabo. Quod autem fuerit mensura liquidorum, constat apertissime ex his, quae a Portio, Budaeo, Alciato, ceterisq. recentioribus tradita sunt, nempe uini uenalis ex Horatio primo serm. sat. 1.

Nescis, quid ualeat nummus, quem praebeat usum,

Panis ematur, olus, uini sextarius:

Paulus Iurifconsul. Tabernae, de fundo instructo, Tabernae cauponae instrumento legato, etiam institutores contineri, Neratius existimat. sed uidendum est, ne inter instrumentum tabernae, & instrumentum cauponae sit discrimen: ut tabernae non nisi loci instrumẽta sint, ut doliaria uasa, uestiones, ancones, calices, & trullae, quae circa cenam solent trahi, item urnae aereae & congiaria, & sextaria, & similia: cauponae autem cum negotiationis nomen sit etiã institutores. Haec ille. Quod olei fuerit mensura, non tamen uenalis, (quia, uenale oleum non nisi pondo, uel libra mensurali uẽdi, memini me legisse) probat Cato c. 15. qui inter instrumenta caellae oleariae requirit amphoras olearias duas, urceum aquarium unum, urnam quinquagenariam unam, sextarium olearium unum. Et c. 66. de cibarijs familiae loquens: Oleum dato unicuiq. sextarium, ut & supra de modio retuli. Quod sextarius quoq. mellis, salis, & aquae fuerit mensura, probat Columella lib. 12. c. 25. de aqua salsa uel muria ad uina condienda loquens. Sic curata cum fuerit aqua, in modum defruti ad tertias decoquenda est. adiicitur autem in aquae dulcis sextarios quinquaginta, salis sextarius, & mellis optimi unus sextarius. Idem eodem lib. c. 12. de aqua mulsa. Vete ris aquae sextarium cum libra mellis miscent. non nulli autem, cum austeriorem efficere uolunt gustum, sextarium aquae cum dodrante pondo mellis diluunt, & ea portione repletam lagaenam, gipsatamq. patiuntur per caniculae ortum in sole quadraginta diebus esse. Et paullo post: Deinde, cum refrixerit, siue dulciorem mulsum facere uolunt, duobus aquae sextariis sextarium mellis permiscent: si uero austeriorem, sextario aquae dodrantem mellis admiscent: & his portionibus factis in lagenam diffundunt. Quod milii aliorumq. aridorum mensura esset sextarius, duobus tantum locis ad probandum contentus ero, cum mille legentibus se offerant. Columella lib. 11. c. ult. de napo & rapa: Iugerum agri, quattuor sextarios seminis eorum poscit. Plinius lib. 18. c. 7. de milio Indico loquens: Ex uno grano terni sextarii gignuntur. Cuius autem ponderis sextarius uino puro, uel aqua pura, uel etiam aceto plenus fuerit, uarie a Portio, Budaeo, Alciato, ceterisq. iunioribus traditum est: adeoque

que controuersum, ut fere tot fuerint sententiae, quot scribentium exstiterunt capita. uerior tamen sententia est, cum fuisse unciarum ponderalium uiginti, siue puram aquam, aut purum uinum, non tamen nigrum, crassum, siue etiam purum acetum (nam inter ista discrimen nota dignum non esse constat) appendamus. Hoc enim probatur primo auctoritate Dioscoridis uiri sane doctissimi, & in scribendo solertissimi, & medicae artis periti, cuius dicta cum libello de ponderibus & mensuris, qui sub Galeni nomine circumfertur, quemq. de Graeco in Latinum nouissime transtulit doctissimus praeceptor meus Andreas Alciatus. Dioscoridis autem uerba, quantum ad rem attinent, haec sunt. Ceramium, idest amphora, habet libras octoginta, Vrna libras quadraginta, Congius libras decem, Semicongius libras quinque, Sextarius libram unam, uncias octo, Hemina seu Cotyla uncias decem: Acetabulum, quarta pars heminae, habet uncias duas semis: Cyathus sexta pars Heminae, unciam unam semis, & scrupulos quattuor: Chaeme, quae est cyathi pars quarta, habet drachmas tres, scrupulum unum. Id autem est cum aquae tum aceti pondus, aiuntq. pluuiialis aquae adimpleri uasculum, certissimamque hanc esse ponderis rationem. Haec ille. Qui paullo post de melle sic. Mellis amphora habet libras 120. Vrna sexaginta, congius libras quindecim, semicongius libras septem semis, sextarius libras duas semis, hemina libram unam uncias tres. quartarius habet uncias septem semis, acetabulum uncias sex semis, & drachmas duas, cyathus habet uncias duas semis, chaeme, quae quarta pars est cyathi, drachmas quinque. Haec ille: cum quo, quantum ad aquae & aceti pondus, congruit alius ignotus Graecus, eodem libello adscriptus: cum quibus & Fannius, qui de ponderibus uariorum liquidorum sextarii sic scriptum reliquit.

Illud praeterea tecum cohibere memento,

Finitum pondus uarios seruare liquores.

Nam librae, ut memorant, bessim sextarius addet,

Seu puros pendas latices, seu dona Liaei.

quod etiam auctoritate Sex. Pompeii comprobatur: quem mirum est a tot egregiis uiris ad hanc diem obseruatum non esse. is in uerbo, Publica pondera, in exemplari edito ex bibliotheca Antonii Augustini, Episcopi Ilerdensis, uiri bonarum omnium artium eruditissimi, plebiscitum retulit. quod & si in aliquibus corruptum sit, quantum tamen ad rem attinet, pondera quadrantalis & congii uini, dilucide explicat. uerba autem sunt haec. Q. Duo Silli P. & M. tribuni pl. rogarint his uerbis. Ex ponderibus publicis, quibus hac tempestate populus oetierqui solet, uti coaequatur contatur sedulum, uti quadrantali uini octoginta pondo fiet. congius uini decem p. rs. sex. sextarii congius fiet uini. duo de quinquaginta sextarii quadrantali fiet uini. Sextarius aequus aequo cum librario fiet. Haec ille. Quibus & Oribasius medicus adstipulatur. Amphora, inquit, Italica capit sextarios octo & quadraginta, sextarius libram unam, uncias octo. Quorum quidem ueterum traditiones ueras esse, experientia comperi: siquidem, ut primo libro latius dixi, ex eo pede, qui ex duorum consimilium aliorum pedum testimonio, & omnium, qui Romae sunt, litteratorum opinione pro legitimo habetur: quadrantali formato, eoq. cum sextario a me pariter fabricato, qui uiginti ponderalium unciarum aquae purae ex cisterna capax esset, earum quidem unciarum, quas ex antiquis ponderibus, de quibus eodem primo libro dixi, sumpseram, examinato, comperi sextarium ipsum pedali cubo ad unguem respondere. quod nusquam cum sextario unciarum duodeuiginti aliorumq. minorum, (ut iuniorum est opinio) capaci, assequi ualueram. Quin etiam, dum circa praedictum examen uersarer, allatus est mihi ex pretiosissimo Illustrissimi & Reuerendissimi Cardinalis Farnesii promptuario congius ex aere siue orichalcho, Dei optimi maximi beneficio a barbarorum, temporumq. iniuria uindi.

nindicatus, integer admodum, nisi quod ab altera parte, qua obrutus terram attigerat, paullulum ab aerugine praerosus erat. cuius exemplar, ita ut se habet, in calce operis subnectam: in quo haec erat inscriptio.

IMP. CAESARE

VESPAS. VI.

T. CAES. AVG. F. IIII. COS.

MENSURAE

EXACTAE. IN

CAPITOLIO

P. X.

Ex qua inscriptione etsi manifeste legerem & intelligerem congium pondo decem fuisse, ut Festus, Dioscorides, ceteriq. supra nominati testantur: attamen, ut me omnino redderem certiore, eum congium, obstructis rimulis cera, pura aqua ex cisterna usque ad supremum angustum, ut schema demonstrat, plenum feci (nam partem latam supra illud angustum ad conferuandum, ne mensura uiolari posset, factam fuisse existimaui) sicq. plenum cum iustissima trutina, qua hodie Romae utimur, eum appendissem, inueni aquam, qua eum compleueram, libras nostri temporis nouem, uncias sex & semis efficere. quibus uncias quinque, drachmas quattuor, scripulum unum, & grana quattuordecim, quae amplius sunt in his nostris quam in antiquis libris, computando eum congium libras decem, & ultra scripulum unum, & grana quattuordecim (de quibus nullam rationem habendam esse putavi) ex antiquis libris praedictis pendere inueni. Demum autem, congi praedicto cum sextario legitimarum unciarum a me formato pariter examinato, affirmare non dubitavi, nec dubito, & libram & pedem supra a me relatos ueros illos antiquos existere tamdiu quaesitos & controuersos, sextariumq. iuxta Dioscoridis, Fannii, & aliorum relatorum sententias, inter quos est e nostris Leonardus Portius post Hermolaum Barbarum, (ne sua laude careant) unciarum uiginti ponderalium fuisse. Nec me mouent, quae a iunioribus ex Galeni sententia ad probandum sextarium Romanum unciarum uiginti non ponderalium, ut Dioscorides & alii a me relati testantur, sed mensuralium apud ipsos Romanos existisse, adducuntur. ex cuius Galeni dictis ipsi eos, qui sextarium ex uncias uiginti constare tradiderunt, non de ponderalibus, sed de mensuralibus intelligendos esse contendunt: quoniam, ut omittam quod hoc sine cauillatione, tot testimoniis in contrarium urgentibus amplius dici non possit, adhuc, sicorum rationes & argumenta recte perpendantur, nihil ex a me relata opinione, seu potius ueritate infringere aut immutare possunt. quas quidem rationes in medium adducere & perpendere non piget. Et quidem in primis adducunt Galeni locum lib. 1. de compositione medicamentorum secundum genera, ubi ita inquit: Sextarii autem Romani Heram meminisse arbitror. nam Atheniensibus, neque mensura, neque nomen hoc erat. nunc uero ex quo Romani rerum potiuntur, sextarii nomen omnibus, qui Graeca lingua utuntur, existit: at ipsa mensura, Romanae aequalis non est. alius enim alia sextarii mensura utitur. quippe sextarius apud Romanos libram unam, & dimidiam, & sextam ipsius partem capit: ut unciae uniuersae sint uiginti, quas plerumque in cornibus, quibus in orbem ductae quaedam lineae sunt, extrinsecus incisae metiuntur. sed quidam falso putauerunt sextarium Romanum octodecim continere uncias mensurales. uidetur igitur & Heras, si quando cotylem scribit, dimidiam sextarii partem indicare. nouem uero uncias cornu librali significet, an decem, obscurum est. Ex quibus

quibus Galeni locis colligunt ipsi, uncias illas uiginti in sextario, non ponderales, sed mensurales fuisse: quia erant in cornu distinctae lineis: non habito respectu ad pondus, sed ad mensuram. quod apertius probari putant, quia Galenus uerbo, capit, usus est: quod non ad pondus, sed ad mensuram refertur. Non minus & quia ex Columella constat aperte, antiquis mensurales quoq. uncias fuisse. ait enim ille lib. 12. c. 21. de multi conditura loquens: Deinde interposito biduo, cum id mustum pariter cum defruto deferuerit, purgatur & ita coadijcitur in binas urnas, ligula cumulata seu mensura semunciae, bene plenae salis cocti & triti. Ex quo loco aperte probatur, uncias quoq. mensurales antiquis fuisse. Secundo hoc idem, quod sextarius uino aut aqua plenus unciarum uiginti ponderalium non fuerit, sed mensuralium, iidem iuniores probare nituntur tribus alijs Galeni locis. quorum primus est lib. 3. eodem titulo, de compositione medic. secundum gen. ubi ita inquit. Est autem apud ipsos Romanos mensura, qua oleum metiuntur, intersecta lineis diuidentibus totum, in duodecim partes: atq. mensura integra uocatur ab eis libra, duodecima eius pars uncia. Secundus est lib. 5. de eodem composi. Heras quidem, inquit, centum & octoginta drachmas scripsit, ad pondus oleum reducens, non ad mensuram, tanquam cotylae drachmas sexaginta pendat. pendet enim eas Attica, quae nouem unciarum Italicarum existit. etenim nouem unciae Italicae, in cornibus intersectis discedunt, pendunt uncias ponderales septem, & dimidiam: quae sexaginta drachmae fiunt, si uncia una octo drachmas ceperit. ac iterum & tertio lib. 6. de eadem composi. Ego tamen olei libram Romae nuncupatam, quam intersectis cornibus metiuntur, appendi aliquando, cupiens scire quantum ponderis haberet. inueni uero duodecim uncias mensurales, decem ponderalibus aequales. Quibus Galeni traditionibus, & eo axioma, quod aqua & uinum nona parte sint oleo grauiora, probatum esse putant, sextarium uini & aquae fuisse unciarum mensuralium uiginti, ponderalium uero duo de uiginti, drachmarum quattuor, siliquarum duarum, granorum duorum, & duarum tertiarum grani, olei unciarum ponderalium sexdecim, drachmarum quinq. & scripuli unius. Denique cum uiderent ipsi iuniores, praedictam eorum opinionem ex diametro cum Dioscoridis, Fannij, & aliorum sententia pugnare, arbitrantur, a Dioscoride & alijs non ita recte, aut tam accurate, aut tam puri olei, sicut a Galeno, pondera examinata fuisse: & tandem concludunt, se malle Galeno, uiro probo, quam ceteris, credere. Quibus quidem obiectis ut respondeam, in primis praesuppono, quod, si uas figuremus unum, cuius aequalis sit forma, qualem me uidisse sextarium Honorii Imperatoris dixi, quod sane uas capax sit unciarum ponderalium uini uel aquae purae uiginti, & idem uas in uiginti aequales partes ductis transuersis lineis siue intrinsecus siue extrinsecus diuidamus, certo certius erit, unciam ponderalem unciae mensurali eius liquoris, quo primo uas impletum fuerit, aequalem esse: licet, si liquores pondere dissimiles uariantur, non mensura sed pondus mutetur: quo fit, ut, etsi maxime concedamus, uncias mensurales antiquis fuisse, & ex uiginti ex eis sextarium uino plenum constitutum fuisse, non eo minus uerum esse dicendum sit sextarium uiginti pariter uncias aquae aut uini ponderales continuisse, si ita ab initio fuisset constitutum: cum utrumq. de facili uerum esse possit, & uiri antiqui etiam plebiscito cautum ita fuisse testentur, nempe Galenus de mensuralibus, Dioscoridesq., ceteriq. de ponderalibus. Verum igitur erit ex Galeni sententia, sextarium fuisse unciarum mensuralium uiginti, quae uiginti ponderalibus in uino, aqua, & aceto responderent. Quod & ita factum fuisse uerisimiliter probatur, nempe ex summa exquisitaq. diligentia, quam Romani in modulandis mensuris & ponderibus adhibuerunt, in qua facile ceteros omnes superauerunt mortales. quod constat tum ex iis, quae primo libro de pede ex Vitruuii sententia

tentia

tentia retulimus, quem ex digitis sexdecim propter numerorum sex & decem perfectiones, & ex unciiis duodecim, ut assi responderet, formatum & diuisum esse uoluerunt, tum etiam quia liquidorum aridorumque mensuras formare uolentes, non casu, sed ratione cubica, a pede, ut supra dictum est, quadrantal formauerunt, quod in duas urnas, ubi primus ex arithmeticiis traditionibus reperitur numerus, ex rursus in modios tres, quia in numero ternario prima reperitur imparitas, diuisum esse uoluerunt. Cumq. & ipsum quadrantal ter sexdecim digitos, principaliter habeat, scilicet in longitudinem, latitudinem, & profunditatem: idem quadrantal in totidem modios, quot illae sunt lineae, & sic in modios tres diuiserunt, quorum singuli sextarios sexdecim caperent, prout lineae ipsae digitos sexdecim continent. Rursus idem quadrantal in congios octo partiti sunt, ut cubus etiam numeralis mensurarum, cubo mensurali amphorae responderet. bis enim duo constituunt quatuor, & bis quattuor octo, qui numerus est apud arithmeticos cubus primus. Ipsumq. congiuum in sextarios sex, in quo numero tres sunt primae paritates, & reliquae eximiae qualitates, propter quas is numerus a mathematicis, ut dictum est, perfectus appellatur. Postremoq. sextarium in cyathos duodecim diuiserunt, ut assem & in his mensuris repraesentarent & uncias. Verisimile est igitur, (ut ad rem redeam) ut antiquos, postquam reppererunt uini sextarium, cuius frequentior erat usus, unciarum fuisse ponderalium uiginti, si diuisionem alteram unciarum mensuralium fecerunt, (ut fecisse testatur Galenus) eam talem fuisse, quae ponderali responderet, ut una eademq. in aqua, uino, & aceto puris, uncia ponderalis & mensuralis esset, quae & sibi inuicem in istis responderent. Nam si sextarius ex unciiis ponderalibus duodeuiginti in his frequentioribus liquoribus existisset, ut iuniores asserunt, paruo negotio mensurales quoque in eum numerum diuidere potuissent. quid enim interesse potuit, an sextarius duodeuiginti, an uiginti mensuralium unciarum fuisset? Credendum est igitur, ut dixi, si in reliquis discrimen & dissonantiam uitauit, in hoc quoque non solum dissonantiam, sed scrupulosam siliquarum & granorum diuisionem uitasse, ut omnia inuicem responderent. & hoc quidem arguendi genere usus est Frontinus de aquaeductibus, sic dicens: Omnia autem, quae mensura continentur, certa & immobilia congruere sibi debent. ita enim uniuersitatis ratio constabit. & quemadmodum, uerbi gratia, sextarii ratio ad cyathos, modii uero ad sextarios, & cyathos respondent: ita & quinariorum multiplicatio in amplioribus modulis seruare sequentiae suae regulam debet. Sed &, ut propius ad argumenta diluenda accedamus, dico Galenum supra primo loco relatam: etsi dixerit, Romanum sextarium in uncias mensurales uiginti transuersis lineis notatis fuisse diuisum, non tamen aperit, an is, de quo loquitur, uini uel olei sextarius esset. quinimmo de olei sextario Heram sensisse, ipsius sequentia dicta de monstrant. & tamen constat mensuras olearias, diuersas a uini ceterorumq. liquorum mensuris fuisse: licet hoc iuniores negent. quod tamen facile probatur, uel auctoritate Catonis, qui de olei mensuris ut separatim ab alijs tradidit c. 12. ubi de olei instrumento tractans, amphoras olearias duas parandas praecipit: & c. 15. in instrumento cellae oleariae, amphoras olearias duas, urceum aquarium unum, urnam quinquagenariam unam, sextarium olearium unum, requirit. Et rursus c. 142. tradens, ubi quaeque optima utensilia uenderentur, ita inquit: Hamae, urnae oleariae, urcei aquarii, urnae uinariarum alia uasa aeneae Capuae. Ex quibus quidem traditionibus manifeste colligo, apud antiquos amphoras olearias, urnas olearias, sextarios olearios, ab alijs amphoris, urnis, & sextariis distinctas & separatas fuisse. alioqui qualitas illa olearia illis adiecta non fuisset, si unae eademq. fuissent. Ac ne quis dicat, eas patris familias destinatione ita fuisse appellatas, & distinctas: Cario, qui eas nouas ita commercari tradidit, dubium substulit. etenim, si eae mensurae

mensurae inter se non differrent, Cato, qui breuitati admodum studuit, eas diuerso nomine, uno eodemq. uerborum contextu non appellasset, nec diuersas illis qualitates adiecisset. Si igitur amphora, urna, & sextarius olearii, ergo & congius, de quo Liuius, ubi supra. Postremo, etsi daremus olei sextarium a uini sextario non discrepasse: cuius contrarium ex praedictis apparet: adhuc dicendum est, ex librae olei mensuralis examine, a Galeno facto, nihil ad sextarium seu sextarii pondus attinens inferri posse: cum maxime ex infradicendis constet, aliter oleum aliterq. uinum in commerciis antiquis fuisse tractatum: siquidem uinum semper mensuram, oleum uero (nisi in supra citato Liuii loco de congio, & Catonis de sextario, menstruo familiae dando) nunquam mensuram apud Romanos in commerciis fuisse memini me legisse: cum contra pondere, seu libra, oleum donatum, uenditum, stipulatum, & legatum frequentissime legerim. Esto igitur, quod libra olei mensuralis pependerit, ut Galenus testatur, uncias ponderales decem: non ex hoc inferitur, illas duodecim uncias mensurales librae, duodecim unciis sextarii uini mensuralibus aequales fuisse: quod est probandum. Quod autem oleum antiquis non mensura scilicet amphorae, congi, aut sextarii, sed pondere, seu etiam libra sua mensurali in commerciis tractaretur, probant hi: Cato de re rustica c. 153. in lege oleae pendens, Olea pendens in fundo Venafrano uenibit, qui oleum emerit, amplius quam quanti emerit, omnis pecuniae centesima accedet, praekonium praefens HS. L. & oleum romanici pondo ∞ D. uiridis pondo CC. oleae caducae modios L. strictue M. X. idem c. 151. in lege oleae legendae accessiones in M ∞ CC. accedit, oleae falsae M. V. olei puri pondo IX. idest oleae falsae modios quinq. olei puri pondo nouem. hacq. de causa idem Cato c. 15. in cella olearia, trutinam unam, centum pondium incertum unum, & pondera certa requisit, de quo incerto centum pondio infra lib. 5. Plinius lib. 18. c. 3. annonae summam uilitatem recensens: M. Varro auctor est, cum L. Metellus in triumpho plurimos duxit elephantos, affibus singulis, farris modios fuisse, item uini congios, sicq. siccae pondo triginta, olei pondo decem, carnis pondo duodecim. Suetonius in Dictatore c. 38. Populo, praeter frumenti denos modios, totidemq. olei libras, uicenos quoq. nummos, quos pollicitus olim erat, uiritim diuisit. Pomponius Iuricons. l. si ex toto de legatis primo, Si olei pondo quinquaginta aut in singulas libras certum aes, legatum sit. Ulpianus l. certum de tritico legato. Cum certum pondus olei, non adiecta certa qualitate legatur. Idem l. Si quis a me de actionibus empti, si quis oleum, quod quis emisset, adhibitis iniquis ponderibus accepisset, ut in modo falleret, uel emptor circumscriptus sit a uenditore, ponderibus minoribus. Horatius secundo sermonum, Sat. 11. *Ac nisi mutatum parcat diffundere uinum, & Cuius odorem olei nequeas perferre, licebit Ille repotia, nataleis alio sue dierum Festos albatus celebrat, cornu ipse bilibri Canibus instillet, ueteris non parcus aceti.*

Quod & ex supra relatis Galeni locis manifesto constat, qui de olei librali mensura testatur, ex quibus, ut arbitror, probatum satis est, aliter in oleo, quam in uino, ceterisq. liquoribus antiquis commercium fuisse, separatasq. illis olei mensuras ab aliis fuisse, oleiq. commercium non amphorae, urnae, congi, aut sextarii mensura, sed pondere, seu sua libra mensurali illis extitisse. Nec me mouet, quod Plinius aliquando in suis compositionibus & medelis sextario olei usus fuerit: quoniam id, Graeca transferendo scripta, egit: quorum mensuras & nomina se feruare uelle, dilucide professus est lib. 21. cap. ult. Quin etiam, si mihi

D sen-

sententiam ex mea coniectura asserere licet, credendum assero, Romanos, postquam uiderunt sextarium aquae & uini uncias pendere uiginti, ut illi in pondere oleum, quod natura nona parte leuius est, responderet, libram olei mensuralem fabricasse, quae decem ponderalibus unciis, & sic heminae aquae & uini, & bilibrem, quae sextario responderet, siquidem ex supra relatis Galeni uerbis constat olei libram mensuralem decem, & bilibrem uiginti ponderalibus unciis pares fuisse. quod quidem eo mihi persuadetur, (ne omnino sine ratione ad ita coniectandum uidear adduci) quia hodie Romae uideo, quod, licet olei uinique mensurae uno eodemq. nomine appellantur, nempe congius congittella, petittus, medius, & folietta; eiusdemque formae & materiei sint, aeris scilicet congi, & congittellae, aliae uero ex opere figulino: attamen capacitate differunt: quia olei mensura, uini mensura maior est, & tamen in pondere, modico discrimine excepto, quod uix sit unciae unius & semis, in centum conueniunt, ut sequenti libro demonstrabo: quod tamen discrimen publicanorum, qui eas custodiunt mensuras, culpa seu negligentiae facile adscribi posset. quo fit, ut id ipsum antiquis fuisse coniectem, & haec antiqui discriminis in mensura, & conuenientiae in pondere uestigia remansisse. quod forsan plebisciti supra relati uerba, Sextarius aequus aequo cum librario fiet, inferebant; & in eum sensum restitui possent, ut legeretur, Sextarius aequus aequae cum bilibra olei fiet. Ex his igitur (ut ad rem redeam) facile dignosci licet, examen librae mensuralis olei a Galeno, uiro doctissimo, pondere factam, nihil iis, quae a uiris non minus doctis de pondere aquae & uini sextarii, tradita sunt, obesse, aut immutari posse: praesertim cum olei commercium a uini etiam commercio in modo fuerit separatum: & olei etiam eiusdem nominis mensuras a uini eiusdem nominis mensuris separatas fuisse constet: & ex separatis inferre omnium consensu non liceat. etsi non negem iuniorum traditiones ad huius rei ueritatem indagandam mihi mirum in modum profuisse. Neque huic a me relatae & comprobatae antiquorum opinioni refragatur, quod Fannius pondus olei, mellis, & uini unius & eiusdem sextarii, simul ponere & examinare uideatur: quoniam eo in loco Fannius non mensuras coniungere, sed liquidorum discrimina tradere uoluit: quod ex illius uerbis clare dignoscitur, dum inquit:

Illud praeterea tecum cohibere memento,

Finitum pondus uarios seruare liquores.

Ideoq. cum supra & paullo ante sextarium uini puri & aquae purae uncias uiginti appendere statuisset, adiecit, quod, si ea mensura oleo impleretur, quia oleum uino nona parte leuius est, pondus illius mensurae erit unciarum duodeuiginti: si mellis, quia mel est aqua grauius portione sesquialtera, erit unciarum pondus triginta. sicque non repugnat. Sicuti nec repugnat, quod iuniores dicunt, Oribasium pro hac parte adductum, uncias illas uiginti, per uerbum Capit expressisse: quod uerbum mensurae & non ponderi seruire uidetur: quia praeter id, quod uerbum, Capit, ab Oribasio scriptum, non sextarium, sed amphoram respicit: ait enim: Amphora Italica capit sextarios octo & quadraginta, sextarius libram unam uncias octo: sicq. uerbum, capit, ad proximam amphoram rerulit: praeterea dicendum est, quod nec Galenus loco superiori relatus, ut a iunioribus uersus est, nec Oribasius de uocum proprietate his in locis certant. nam & Galenus supra relatus uerbo, Capere, in pondere usus est, dum dicit,

dicit, si uncia una octo drachmas ceperit. quin etiam Plinius aperte de pondere loquens lib. 3. c. 3. uerbo Capere utitur, his uerbis. Talentum autem Aegyptium pondo octoginta capere Varro tradidit. Postremo si iunioribus unius tantum Galeni testimonio, & ex praedictis euitabili, innixis, dicere licuit, se magis Galeno assentiri: cur & mihi, qui quinq. antiquorum doctorum hominum testimonio, Dioscoridis, Fannii, Sex. Pompeii, Oribasii, ignotiq. Graeci, antiqui ponderis, conggii, & quadrantalis ex antiquo pede formati examine, & collatione, suffultus sum, idem dicere non licebit? audacter igitur concludo cum Dioscoride, & sextarium uino puro, non crasso, neque nigro, aceto similiter puro, uel aqua pura plenum, unciam ponderalium uiginti existisse. etsi non negem, libram olei mensuralem, quam uere apud antiquos in oleo fuisse confiteor, uncias decem ponderales appendisse, ut Galenus apertissime dicit. cui quidem in hoc non solum non contradico, sed ingenue assentior.

Hemina, in qua sexta est Amphorae diuifio, pars est sextarii dimidia, ut Fannius testatur.

At cotylas, quas, si placeat, dixisse licebit,

Heminas capit geminas sextarius unus.

Quod & Gellius noctium Atticarum lib. 3. cap. 14. testatur, qui de differentia inter dimidium & dimidiatum tractans, ita inquit. Contra quoque si ex sextario hemina fusa est, non dimidiatum sextarium fufum dicendum est. Haec autem capit cyathos sex, ut idem Fannius testatur, de ea sic dicens:

At cotyle cyathos bis ternos una recepat.

Quo fit, ut amphora capiat heminas, de quibus loquimur, sex & nonaginta. Quam quidem heminam liquidorum aridorumq. (ut & sextarium) mensuram fuisse, colligi licet ex Columella lib. 12. cap. 49. qui de Oliuarum falsura loquens dixit: Sat erit tot heminas salis adiicere, quot sunt modii oliuarum. Et cap. 41. de musto lixiuo: Priusquam de igne medicamentum tollatur, tres heminae roris Syriaci contriti, & cribrati, super omnia adiiciuntur. Plinius lib. 14. cap. 17. Oximeli hoc uocant, mellis decem libris, aceti ueteris heminis quinque, salis marini libra, aquae pluuiae sextariis quinque. Quibus & multae aliae ueterum auctoritates adiici possent, quas consulto omitto. Pender autem hemina, uino, aceto, aut aqua plena, secundum supputationem praedictam, uncias decem.

Quartarius, de quo inter iuniores soli postremi meminerunt, in quo septima est amphorae diuifio, est, ut & nomen sonat, sextarii pars quarta, teste Volusio Metiano, qui Iurisconsultus fuit, & praeceptor Antonini philosophi, ut Ber. Rutilius in uitis Iurisconsultorum ex Politiani etiam sententia testatur. is igitur Volusius haec. Quadrantal, quod nunc plerique amphoram uocant, habet urnas duas, modios tres, semodios sex, congios octo, sextarios octo & quadraginta, heminas sex & nonaginta, quartarios centum nonaginta duos, cyathos quingentos septuaginta sex. Et de quartario meminit etiam Columella lib. 12. cap. 5. in uappidi uini, ut aurescat. Sextarios duodequinginta, fermenti libram, fici aridae pondo quadrantem, salis sextarium subterito, & subtrita cum quartario mellis aceto diluito. Liuius lib. 5. Manlius primum ob uirtutem laudatus, donatusq. non a tribunis solum militum, sed consensu etiam militari, cui uniuersi selibras farris, & quartarios uini ad aedes eius, quae in arce erant, contulerunt, rem dictu paruam, ceterum inopia fecerat eam argumentum ingens caritatis: cum se quisque uictu suo defraudans, detractum corpori atque uisibus necessariis, ad honorem unius uiri conferret. Haec ille. Nec uero de alia mensura, quam de sextarii quarta parte, intelligi potest, si ad farris selibras, & ad obsidionem, qua tunc Romani premebantur, spectemus. De eodem quartario meminit Plinius lib. 18. cap. 3. his uerbis. Dona amplissima Imperato-

rum ac fortium ciuium, quantum quis uno die plurimum circumarauisset, ite quartarii farris, aut heminae conferente populo. quo in loco animaduertendum est, Plinium farris quartarium dixisse, & Liuium uini, de utroque forsan facto sentientes. Ceterum quod Cato cap. 102. de conuoluulo loquens, quartarii & tertarii meminit, sic dicens: Postea sumito bituminis tertarium, & sulphuris quartarium: id Plinius non mensurae, sed portionis esse intellexit, lib. 17. cap. 28. de eodem conuoluulo & Catonis remedio loquens, quam tertiam & quartam, alibi intellexi respectu amurcae, iam ad mellis crassitudinem decoctae: quia Cato id spectauit, ut intritum tam crassum, quam uiscum fieret, ut ex eo uitis circum caput & sub brachiis liniri possit. nimis enim crassum fieret, & durum, si portio haec ad crudae amurcae quantitatem responderet. Haec autem quartarii mensura, seruata ratione praedicta, pondus unciarum quinque aquae, uel uini continebit.

Acetabulum post quartarium sequitur, in quo est octaua amphorae diuisio, ipsumque octaua sextarii pars est, capiens sesquicyathum, pendetque aqua uel uino plenum, iuxta supputationem praedictam, uncias duas semis. Dictum est autem acetabulum, ex Hermolai sententia, ab accipiundo, seu, ut uerius puto, & iuniores tradiderunt, ab aceto. nam & Graeci suum oxybaphum (cui acetabulum est simile, & loco, & portione) ab aceto dixerunt, eo quod eius quantitaris esse soleant uascula, quibus acrum & acria in mensa poni solent, ad ciborum fastidia uitanda, & appetentiam excitandum. Quod autem constet ex sesquicyatho, probat Fannius sic dicens.

At cotyle cyathos bis ternos una recepat.

Sed de abaco nobis id pondus saepe notatur.

Bis quinque hunc faciunt drachmae: si appendere tentes,

Oxybaphus fiet, si quinque addantur ad illas.

Plinius lib. 21. cap. ult. Cum acetabuli mensura dicitur, significat heminae quartam partem, id est drachmas quindecim. Quae loca, ne in pondere erret lector, intelliges non de Romano cyatho, uel acetabulo, sed de Graeco, ut & Plini attestatio loco supra relato demonstrat. ait enim. Et quoniam in mensuris quoque & ponderibus crebro Graecis nominibus utendum est, interpretationem eorum semel hoc loco ponemus. Drachma Attica (fere enim Attica obseruatione medici utuntur) denarii argentei habet pondus, eademque sex obolos pondere efficit, obolus 9. chalcos. cyathus pendet per se drachmas decem. Cum Acetabuli mensura dicitur, significat heminae quartam partem, id est drachmas quindecim. Mna, quam Romani minam uocant, pendet drachmas Atticas centum. Haec ille. Quod & non minus ex Galeni relatis locis, iis, quae infra de Graecis mensuris dicturi sumus, colligi liceat. Cum enim Graeca cotyle, minor Romana hemina esset, ut Galenus testatur, & utraque ex sex cyathis constet, necesse est ut ea portione, qua Graeca cotyle Romana hemina minor est, cyathus quoque, & oxybaphus Graeci, Romano cyatho, & acetabulo minores sint. sit igitur probatum ex Fannio, & Plinio acetabulum heminae quartam partem esse, pondus autem illius, si ex Dioscoride supra relato petatur, esse unciarum duarum & semis. iis enim utrumque probat, sic dicens: Acetabulum, quarta pars heminae, habet uncias duas semis. Hac autem acetabuli mensura, & uoce, medici medicinaeque scriptores frequentius usi sunt, quam ceteri. Plinius lib. 24. c. ult. de feno Graeco loquens, Diocles ait, difficile parientibus, semen eius dedit acetabuli, mensura tritum, in nouem cyathis sapae; ut cum tertias partes biberint, calida lauentur. Et paulo post. Dannon feni Graeci semen, acetabuli dimidia mensura, cum sapae & aquae nouem cyathis ad menses ciendos dedit potu. Et haec de Graecis acetabulis propter Plinii protestationem intelligo. contra uero quod idem Plinius dixit lib. 18. c. 7. de polenta

tac

tae confectio: Quocumq. autem genere praeparato, uicenis ordei libris, ternas feminis lini, coriandri selibras, salisq. acetabulo torrentes, ante omnia miscent in mola: de Romano acetabulo intelligo, tum quia Romanam polentam tractat, tum quia ante protestationem, de qua supra. Accetabula quoq. appellauit Plinius uascula quaedam, quae sunt in polyporum piscium brachijs, quibus saxis aut lignis adhaerent, lib. 9. c. 29. his uerbis. Cetero per brachia, uelut Accetabulis dispersis, eo hausto, quodam modo, cui adhaeserunt, tenent supini, ut auelli non queant. Et c. 30. Praeterea negant nullum esse atrocius animal ad conficiendum hominem in aqua. luctatur enim complexu, & sorbet accetabulis. Et paulo post de illo immuni polypo loquens. Accetabulis, seu caliculis urnalibus peluium modo. Quibus uerbis Plinius uasitatem illius Polypi, non solum ex capitis magnitudine, quod instar dolii amphorarum quindecim existit, sed ex istis caliculis, seu accetabulis, quae essent in peluium modum formata, & unius urnae capacia, demonstrare uoluit. Accetabula autem hoc loco ab accipiendi dicta puto, ut uerba Plinii demonstrant, & in istis Hermolao consentio, ut per duplex c, scribi debeat, sicut in eo acetabulo, quo pro mensura utimur, contradico, cum illud ab aceto cum iunioribus dictum putem, & per simplex c, scribi debere.

Cyathus, in quo nona est amphorae diuisio (uox a Graeco sermone sumpta) a sumendo uel hauriendo uinum dictus est. ea enim mensura apud antiquos pocula commettebantur, relicto in sacrificiis sympulo teste Varrone de ling. Lat. lib. 4. qui sic scriptum reliquit. Quo uinum dabant, ut minutatim funderent, a guttis, guttum appellarunt: & quo sumebant minutatim a sumendo simpulum nominauerunt. in huiusce locum in conuiuiis e Graecia successit Epichysis & cyathus, in sacrificiis remansit guttum, & simpulum. Haec ille. A quo cyathus cyathissare, pocula miscere, Plautus dixit in Menaechm. actu 2. sce. 2.

Non scis, qui ego sim, qui tibi saepissime.

Cyathisso, apud nos quando potas. Quod Caesari exprobratum fuisse a C. Memmio, Suetonius in dictatore c. 49. testatur his uerbis: Sed & C. Memmius etiam ad cyathum & uinum Nicomedi stetit obiecit. Quod tamen munus hodie apud principes nobilissimum Budaei testimonio existit. Constat autem cyathus ex quattuor ligulis, siue cochlearibus. & est sextarii pars duodecima, ut dictum est, quem sextarium, cyathorum assem, antiquos constituisse iam dixi, ideoq. ab eo ex cyathorum numero pocula appellasse, his nominibus, quibus assis partes appellantur, nempe sextantes, quadrantes, trientes, quincunces, semisses, septunces, beses, dodrantes, dextantes, deunces, pro calicibus seu poculis, quae duos, tres, quattuor, & sic deinceps cyathos continerent. quem quidem cyathorum numerum plerumq. ex numero litterarum, quae ad exprimendum nomina suorum deorum, dominorum, & amasarum concurrebant, formasse constat, diphthongorum ratione habita, ut clarius ex infradicendis apparebit, quae pro maiori parte a Leonardo a Portis, Budaeo, Alciato, ceterisq. iunioribus, sicut pleraeque aliae a me supra & infra relatae auctoritates adductae sunt. Suetonius in Augusto c. 77. Vini quoq. natura parcissimus erat non amplius ter bibere cum solitum super cenam in castris, apud Mutinam, Cornelius Nepos tradidit; postea quoties largissime se inuitaret, senos sextantes non excessit, aut, si excessisset, reiciebat. Haec ille. Sexies enim bibebat Augustus, quando se large inuitabat, calicem qui duorum cyathorum capax esset, ita ut in tota cena sextarium assumeret. De sextante quoq. meminit Martialis lib. 12. in Cinna.

Poro ego sextantes, tu potas Cinna deunces:

Et quaeris, quod non Cinna bibamus idem.

Idem lib. 5. epigr. ad ministros.

Sextantes Callyste duos infundi Falerni:

Tu

Tu super aestivas Alcine funde niues.

Idem lib. 9. ad Calatissum de quadrante, qui trium cyathorum esset.

Addere quid cessas puer immortale Falernum

Quadrantem duplica de seniore cado.

Nunc mihi dic quis erit, cui te Calatisse deorum

Sex iubeo cyathos fundere? Caesar erit.

Quo loco illud notandum, quod duplicem appellauit quadrantem, poculum, qui sex cyathorum esset, quia tot litterae in Caesaris nomine, quem suum deum appellat, reperiuntur. Idem eodem libro ad Lupercum, de triente, qui quattuor est cyathorum.

Septem post calices Opimiani,

Denso cum iaceam triente blaesus,

Affers nescio quas mihi tabellas.

Septies enim tunc Martialis biberat calice trientali, idest cyathorum quattuor, ita ut sextarios duos & trientem Opimiani uini assumpsisset. quod uinum iam tunc ducentiesimum fere annum attigerat, ut Plinius lib. 14. c. 4. testatur: cuius uerba (et si extra propositam materiam) adscribere libuit. L. Opimio consule, cum C. Gracchus tribunus plebem seditionibus agitans, interemptus est, ea caeli temperies fulsit, quam cocturam uocant, solis opere natali urbis. DCXXXIII. durantq. adhuc uina ducentis fere annis, iam in speciem redacta mellis asperi. Haec ille. Constat autem Martialem Plinii contemporaneum fuisse. Idem lib. 6. in bibentes aquam.

Setinum, dominaeque niues, densiq. trientes,

Quando ego uos, medico non prohibente, bibam?

Propertius lib. 3. de natali amicae.

Cum fuerit multa exacta trientibus hora.

Idem Martialis lib. 2. ad librum de quincunce sic.

Te conuiua leget misto quincunce, sed ante

Incipiat positus, quam tepuisse calix.

Idem lib. 11. de Caio & Proculo.

Quincunces, & sex cyathos, bessumq. bibamus,

Caius ut fiat, Iulius, & Proculus.

Caius enim pro quincunce, quia nomen quinque litteris constat, Iulius pro sex, & Proculus pro besse, qui cyathorum est octo. Idem libro primo ad somnum.

Nacua sex cyathis, septem Iustina bibatur,

Quinque Lycas, Lyde quattuor, Ida tribus.

Omnis ab infuso numeretur amica Falerno:

Et quia nulla uenit, tu mihi somne ueni.

Et lib. 3. in Zoilum de septuncce, idest calice septem cyathorum.

Septuncce multo deinde perditus stertit.

Plautus in Stichos actu 5. scae. 5.

Quibus diuitiae domi sunt, scaphio, cantharis, batiocis

Bibunt: nos nostro Samiolo poterio tamen uiuimus.

Et paullo post.

Vide, quot cyathos hos bibimus. Sa. Tot, quot digiti sunt tibi

In manu. cantio est Graeca: quinque bibe, tres bibe, dimidium quattuor.

Tibi propino decuma fonte, tibi tute inde si sapis.

Quo in loco decumam fontem Plautus appellauit decem cyathorum poculum. Sed & medici in suis potionibus ex pharmacis, poculis cyathorum mensura modulatis usi sunt. Plinius lib. 23. c. 7. Siluestrium quidem prunorum baccae, uel e radice cortex, in uino austero si decoquatur, ita ut triens ex hemina supersit, alium & tormina

sistunt.

fistunt, satis est singulos cyathos decocti sumi. Celsus lib. 1. c. 8. Ante quam con-
quiescant, duos tresue cyathos per tenuem fistulam bibant. Et lib. 3. c. 9. Non alie-
num est, in ipsa febre dare multos tres aut quattuor cyathos. Et cap. 19. de curatione
cardiaci morbi. Si ne id quidem manserit, forbere uini cyathum. Plinius lib. 21.
c. 19. de uiola lutea. Dimidio cyatho in aquae tribus, menses trahit. Cato c. 110. De
eo uino cyathum sumito, & misceto aqua, & bibito ante cenam. sine periculo pur-
gabit. Et c. 129. Ieiunus cyathum sumito. Sed & minus olei & salis mensura cy-
athus fuit. Columella lib. 12. c. 16. de uuis passis loquens. Deinde in lixiue sextarios
decem, salis tres cyathos, & olei cyathum adiiciunt. Plinius lib. 14. c. 9. Distat a mul-
so, quod sit e musto, cum quinque congiis austeri musti, congiio mellis, & salis cy-
atho subferuefactis, haustum. Pendet autem hic cyathus aqua uel uino plenus, iuxta
ea, quae supra tradita sunt, unciam unam, drachmas quinque, scripulum unum.
nam quod Fannius, & Plinius dixerunt, eum esse drachmarum decem: supra decla-
raui, eos de Graeco cyatho intellexisse.

Cochlear, siue ligula, decima & postrema est amphorae diuisio, & est cyathi pars quar-
ta, ut colligi licet ex Columella lib. 12. c. 21. Praeterea fenum graecum maceratur
in uino uetere per triduum, deinde eximitur, & in furno siccatur, uel in Sole: idq.
cum est aridum factum, molitur; & ex eo molito post salituram, musti cochlear cu-
mulatum, uel simile genus poculi eius, qui est quarta pars cyathi, adiicitur in binas
urnas. Qui & paullo ante de ligula sic dixerat: Et ita coadiicitur in binas urnas
ligula cumulata, seu mensura semunciae bene plenae salis cocti & triti. Neque
huic sententiae refragatur, quod Fannius dicit:

At mystrum cyathi quarta est, ac tertia mystri,
Quam uocant cyanem. capit haec cochlearia bina.

Ex qua supputatione uidetur dicendum, cochlear esse cyathi partem quartam & ui-
gesimam: quoniam Fannius non ibi de Latinis, sed de Graecis cochlearibus intel-
lexit, ut ex infra traditis Graecis mensuris colligi licet. Miscuit enim uir ille, alio-
qui egregius, & doctus, Graecas mensuras cum Romanis: ut non facile quandoque,
nisi a caute legentibus, dignosci possint. Hanc autem quartam cyathi partem ap-
pellauit Dioscorides Graeca uoce Chemen, quam pro postrema amphorae parte, &
cyathi quarta collocauit: Ligulam autem cauam fuisse, ad modum linguae ad pala-
tum retractae, iuniores putauerunt: quod colligunt ex Columella lib. 10. cap. 15.
ubi de melle conficiendo tractans sic inquit. Deinde ubi liquatum mel in subiectam
aluam defluxit, transfertur in uasa fictilia, quae paucis diebus aperta sint, dum mu-
steus fructus deferuescat. is saepius ligula purgandus est. Plinius lib. 21. c. 14. de ce-
ra loquens: Punica fit hoc modo. uentilatur sub dio saepius cera fulua, deinde
feruet in aqua marina ex alto petita, addito nitro: inde ligulis eligunt florem, id est
candidissima quaeque, transfunduntq. in uas, quod exiguum habeat marinae fri-
gidae. Haec ille. Non enim purgatio, aut transfusio rei liquidae ligula fieri pos-
set, nisi, ut iuniores aduertunt, ligula concava fuisset, quae a multis & Lingua est ap-
pellata, & diminutiue Ligula. eos namque, qui lingulam appellabant, irridet Mar-
tialis lib. 14. iis uersibus.

Quamuis me ligulam dicant equitesq. patresq.

Dicor ab indoctis lingula grammaticis,

Qui & statim de cochleare ita subiunxit.

Sum cochleis habilis, sum nec minus utilis ouis,

Num quid tuis potius cur cochleare uocer?

Vnde facile intelligi licet, haec instrumenta ut similia a Martiali fuisse coniuncta.

Pendet autem cochlear, aqua uel uino plenum, drachmas tres, scripulum unum.

Culleus, qui supra amphoram, seu quadrantal est, constat ex amphoris uiginti, ut col-
ligi

ligi licet ex Columella lib. 3. cap. 4. qui de cultura & fructu uineae septem iugerum loquens, ita scriptum reliquit: Quippe, ut deterrimi generis sint uineae, tamen, si cultae, singulos utique culleos uini singula iugera peraequabunt; utq. trecentis nummis quadragenae urnae ueneant, (quod minimum pretium est annonae) consumant tamen septem cullei sestertia duo millia & centum nummos. Quae Columellae supputatio, quadragenae urnas, id est amphoras uiginti, ut supra dictum est, culleo respondere demonstrat. quod & aperte testatur Plinius lib. 14. c. 4. de uinea Rhemnti Palaemonis, (quem supra cum Fannium fuisse dixi, cuius sunt carmina toties citata) sic dicens: Quando & postea saepe numero septenos culleos singula iugera, hoc est amphoras centenae quadragenae musti dedere. Idem quoque testatur Fannius.

Est & bis decies, quem conficit amphora nostris.
Culleus: hac nulla est maior mensura liquoris.

Et ab his nemo, quod uiderim, discrepat. Nec huic sententiae refragatur, quod Cato c. 115. singulis culleis quadragenae singulas urnas attribuerit: quoniam, ut & supra dixi, ex omnium recta sententia, urnam culleo accessionis loco & pro detrimento adiecit Cato. Culleos autem fuisse ex corio, uel ex eo apparet, quod lex praecipiebat parricidam culleo insui, & in mare proiici, ut refert Modestinus Iurisc. l. poena ad legem Pompeiam de parricidiis. Poena parricidii more maiorum haec instituta est, ut parricida uirgis sanguineis uerberetur, deinde in culleo insuatur, cum cane & gallo gallinaceo, & uipera, & simia, deinde in mare profundum culleus iactetur. Quod ideo fieri testatur Constantini Imperatoris constitutio in Codice, de iis, qui parentes aut liberos occiderunt, ut inter eas ferales angustias comprehensus serpentium contuberniis misceatur, & omni alimentorum usu uiuus carere incipiat, & caelum superstiti, terra mortuo auferatur. Nec aliter insui, aut in mare, ita ut non submergeretur, stare potuisset, si ex alia quam ex corii materia culleus fuisset. Forma autem cullei utriusque formae similis fuit, licet speciei maior, ut Romae sculptum uidere licet in marmoreo fragmento, in aedibus nobilis Francisci Porcij, cuius, & non nullorum fragmentorum, quibus plurimum delectatus sum, exemplar in calce huius operis apponendum curavi: ex qua sculptura puto intelligi debere locum Plinii lib. 7. c. 20. dum inquit. A. Iulius Valens meruit in praetorio diui Augusti, centurio, uehicula culleis onusta, donec exinanirentur, sustinere solitus. Non enim plures, ut aliqui existimauerunt, sed singuli cullei, singulis uehiculis, singulo bouum iugo trahebantur. quod & ex Catone colligi licet c. 12. qui in instrumento oleti iugerum CCXL. cui sex tribuit boues, haec requirit. Plostra maiora tria, aratra cum uomeribus sex, iuga cum loris ornata tria, ornamenta bobus sex. Tria enim iuga, totidemq. plostra sex bobus tribuit. Et c. 13. ubi in instrumento uineae boues duos, asinos plostrarios duos, plostra duo, aratra duo, iugum plostrarium unum, iugum uinarium unum, iugum asinarium unum esse uoluit. Duobus enim bubus iugum unum, & plostrum unum tribuit. Ex cuius uerbis, etsi extra rem propositam, illud scire licet, asinos quoq. plostrarios, & aratorios, & quadrigarios apud antiquos fuisse. quod ex Varrone de re rust. lib. 2. c. 1. & 8. qui illorum mira pretia refert, colligi licet. quod tamen Columella lib. 7. c. 1. ita intellexit, ut uehicula non nimium essent onerata, & humus proscindenda facilis. Singulis igitur plostris, seu uehiculis, singulos culleos uehi solitos, & sculptura, & rei qualitas demonstrant. nam duo boues non ultra culleum unum, si is iustae mensurae sit, cum mille & sexcentas libras appendat, in plostro duarum rotarum ducere possent: ut re ipsa hodie quoq. uidere licet. Mirum quippe est, quantum antiquitarum reliquiae, praesertim quae Romae sunt, ad scriptorum intelligentiam conferant. quod etiam ostendit Gulielmus Philan. uir sane doctus, & rerum antiquarum peritus,

peritus, in Vitruuium lib. 6. c. 5. ubi, quonam modo antiqui accumberent, ex antiquis sculpturis sumptum, palam fecit. subiecta namque sculpta marmora, mihi bellissime aperuerunt differentias inter rotas currum, & tympana plaustrorum, de quibus Virgilius Georg. 2. de laudibus siluestrium arborum, ita inquit.

Dant alios aliae foetus, dant utile lignum

Nauigiis pinos, domibus cedrosq. cupressosq.

Hinc radios triuere rotis, hinc tympana plaustris

Agricolae, & pandas ratibus posuere carinas.

Pro tympanis enim intelligo rotas plaustrales sine radiis, quae ex asseribus inuicē trāfueris & affixis cōponebantur, specie tympani habentes, et si ibi Seruius aliter intellexerit. Radii autē in rotis sunt illi, qui instar radiorum Solis, dispartiuntur, arcuatam materiā, quae terram terit, (cāthum appellant) sustinentes, ut in triumphalibus curribus, carpenris, rhedis, bigis, trigis, & quadrigis etiā in numismatibus & aliis ciuilibus operibus inspiciuntur. Rursus ex eisdē marmoribus mihi se ostendit forma amphorae, uel feriae, cū quibus uinū poculis fundebant, nec non rustici pоторii, & sinus lactis, & agriculturalum uestium, & quo tegminis genere rustici caput operirent: licet hoc sciam tēpore uariatum, non tamen adeo, quin adhuc in illorum specie in rusticis sagis capitia illa, colorum modo acuta, pendere uideamus. ex quibus etiam sculptris. (ut mihi paullo amplius, bona uenia, uagari liceat) subtilis illa differentia inter plaustrum & uehiculū discernitur, de qua Varro de ling. Lat. lib. 4. ita differit. Vehiculum, in quo faba aliudue quid uehitur, quo ex uiminibus uterentur, & quod eo uehitur breuis ueha, uehiculum est dictū, ab aliis etiam dictū arcera, quae etiam in duodecim tabulis appellatur, quod ex tabulis uehiculum erat factum ut arca, arcera dictū. Plaustrum ab eo, quod, non ut in iis, quae supra dixi, sed ex omni parte palam sunt, quae in eo uehuntur, quod perlucēt lapides asseres tignū. Haec tamen nomina usu cōfusa fuisse, uel ex Plinio colligi licet, qui uehiculum appellat culleo onustū, quod plaustrum quia palā culleum faceret, ex Varronis relata sententia appellari debuit. Sed ut ad culleos, unde nos marmora diuiserunt, redeamus, de his inter instrumenta ad uinum transferendum meminit Vlpianus Iurisc. l. quaesitum, de fundo instruc. sic dicens: Sed & ea, quae exportandorum fructuū causa parantur, instrumenti esse constat, ueluri uehacula, & naues, & cupae, & cullei. Et Scaeuola l. ult. in fi. de pignoratitia aetione. Titus pecuniam mutuam a C. Seio sub pignore culleorum accepit. litos culleos cum Seius in horreo haberet, missus ex officio annonae centurio, culleos ad annonam sustulit: & postea instantia C. Seii creditoris recuperati sunt, quaero in tertrituram, quae ex operis facta est, utrū Titius debitor, an Seius creditor agnoscere debebat. labolenus uero l. legatum, de annuis legatis, culleum pro mēsurā posuit, dum dixit: Vini Falerni, quod domi nasceretur quotannis, in annos singulos binos culleos heres meus Titio dato. quod & Vlpianus fecit l. si cui, de tritico legato. Vino legato utres non debebūt, nec culleos deberi dico. Haec ille. Vtribus enim ad trāsfērēda uina, nō minus quā culleis, usi sunt antiqui, ut & hodie Neapolitani ad multa praesertim transferēda, & Hispani quoque, ut audio, nō solū ad trāsfērēda, sed ad in illis diffusum uinū conseruandū utuntur. Quibus quidē utribus etiam hodie ad oleū transferendum Romae utimur, qui sunt ex hircorum siue caprarū integro corio. quem morē antiquorum quoque fuisse crediderim ex Virgilio Geor. 2.

Non aliam ob causam Baccho caper omnibus aris

Caeditur, & ueteres incunt proscaenia ludi,

Praemiaq. ingentes pagos & compita circum

Theseidae posuere, atque inter pocula laeti

Mollibus in pratis unctos saliere per utres.

Culleus igitur (ut ad eū iterū redeā) seruata ratione praedicta, uino puro, uel aqua pura plenus, pēdet, ut dixi, lib. mille sexcentas. Et de antiquis Romanorum mensuris, quantum ad liquida & arida attinet, dixisse sufficiat: quarum hae sunt notae.

E Qua.

- Q**. Quadrantal, siue amphora.
Q. Quartarius.
qs. Vrna siue quadrantal's semis.
Qv. Cyathus.
C. Congius.
M. Modius.
S. Sextarius.
M^s. Modius semis, siue semodius.
ps. Hemina, siue semifextarius.

Graecarum mensurarum epitome.



GRAECAE liquidorū aridorūq. mensurae cum non solum pro locorū uarieta-
te discrimen receperint, sed etiam quia apud eos nō tantū Atticae, quibus fre-
quentius medici sunt usi, sed & georgicae quibus uterentur agricolae, & qui
agriculturā tractauerūt, necnon Hippoiatricae, quibus ueterinarii usi sunt,
oēs capacitate dissimiles, licet in noīe cōuenirēt, magnā maximis & doctissimis uiris dif-
ficultatē attulerūt. Ego uero, alieno labore fruēs, nō quidē eo aīo ut alienā laudē in me-
trāsferā, ut alibi dilucide testatus sum, sed ut, quiquid legerim, ad studiosorū utilitatē re-
ferā, eorū snīas, ī epitomē redactas tradā; ut pperatibus laborē minuā. sūt at q sequunt.

Mensurae Atticae, siue medicae, quibus Graeci ad liquores usi sunt.



METRETES, quē ceramiū, cadū, & amphorā Graecā, appellauerūt, capit choas
duodecim: pēdet aut, oleo plenus, habita ratione ponderis, Cotyle a Galeno
traditi, priore libro relati, quod est uncīarū septē semis, siue drachmarū sexa-
ginta, pēdet, inquā, metretes, oleo plenus, libras nonaginta. cū aut supra tradi-
tū sit, uinum purum, aquā purā, & acetū purum, oleo nona parte grauiora esse, pēdet me-
tretes, uino aut aqua plenus, libras cētum. Intelligo aut hic & in sequētibus oībus de li-
bra pōderali antiquarū uncīarū duodecim: quarū uncīarū pōdus unū & idē Graecis, &
Latinis fuisse, libro quīnto demonstrabo. Hac metretes mēsurā usi sunt quoq. Latini, mu-
tato genere, ut Cato c. 107. Oleum si in metretā nouā inditurus eris, amurca, ita uti est
cruda, prius colluito, agitatoq. diu, ut bene cōbibat. id si feceris, metreta oleū nō bibet,
& oleū melius faciet, & ipsa metreta firmior erit. De qua & Columella lib. 12. c. 51. Qui-
bus in locis haud dubie pro uase, & nō mēsurā capitur. Sed & pro mēsurā eā sumpsit idē
Columella, dicto lib. 12. c. 22. sic scribēs. Picis liquidae metretā adde in labrum. Et ite-
rum eodem lib. c. 40. de lora: Quantum uini uno die feceris, eius partem decimā, quot
metretas efficiat, cōsiderato, & toridē metretas aquae dulcis in uinacea addito. De hoc
quoq. metrete sensit Fānius, qui cum amphorā Atticā, siue cadum appellauit, sic dicēs.

Attica praeterea dicenda est amphora nobis,

Seu cadus: hanc facies, nostrae si adieceris urnam.

Haec at uerba, Nostrae si adieceris urnā, uelim itelligas noīe tenus, i. ut Graeca amphi-
ra, siue cadus cōstet ex tot Graecis sextariis, seu cotylis, ex quot cōstat Romana amphi-
ra, & urna. hī. n. sunt sextarii octo & quadraginta in amphora, & quattuor & uiginti in
urna, ita ut metretes, siue cadus, uel Attica amphora capiat sextarios Graecae mēsurae
72. siue cotylas 144. Cotylae aut cū sint oleo plenae pōdo uncīarū septē semis singulae,
ut probatū est, efficiēt pōdus librarū olei nonaginta, aquae purae, aut puri uini cētum.
Chus, qui & choeus appellatur, & qui, ut praedixi, duodecima pars est metretes, cōtinet
in se sextarios Atticos sex, seu cotylas duodecim, pendet, oleo plenus, ex Galeni, Dio-
scoridis, & Cleopatrae sententia, drachmas septingentas uiginti, quae libras septē & se-
mis cōstituūt. iuxta quā rōnē pēdet aquae purae aut uini puri libras octo & quadrantē.
Sextarius, qui cū Romanorū uox & mēsurā sit, cū Romano Imperio in Graeciā, in usu pser-
tim medicorū, trāsui, imminuta tñ capacitate, choae est pars sexta, cōtinens in se cory-
las duas: pēdet aut, ex relatorū sentētia, Graecus sextarius, oleo plenus, uncias quinde-
cim, aqua aut uino uncias sexdecim, drachmas quinq., scripulū unū. Hic aut sextarius,
licet noīe sit idē cū Romano, tñ, ut dixi, capacitate differt, & pōdere: siquidē Romanus,
oleo

oleo plenus, ut supra ex Dioscoridis & aliorum sententia statui, pendet uncias duo-
deuiginti, hic autem quindecim, ut Galenus tradidit.

Coryle, quae & tryblion dicta est, sextarii dimidia pars est, choei autē duodecima, con-
tinet in se quartarios duos, cyathos sex: pendet autē, oleo plena, uncias septē semis,
siue drachmas sexaginta, uino aut aqua uncias octo, drachmas duas, scripula duo.

Quartarius, siue semicorylium, qui est, ut uox sonat, dimidium corylae, & sextarii pars
quarta, mensura pariter est medicis potius, quam ceteris in usu, continet in se oxyba-
pha duo, cyathos tres: pendet, oleo plenus, uncias tres, drachmas sex; uino aut aqua
uncias quattuor, drachmam unam, scripulum unum.

Oxybaphum, qui & a Fannio oxybaphus dicitur, cōtinet in se sesquicyathum: pendet,
oleo plenum, unciam unā, drachmas septē; aqua aut uino uncias duas, scripula duo.

Cyathus, qui duodecima pars est sextarii, cotyles sexta, & quartarii tertia, continet in
se conchas duas, mystra quattuor, chemas quinque, cochlearia parua decem: pēdet
autē cyathus, oleo plenus, unciam unam, drachmas duas; uini unciam unam, drach-
mas tres, grana octo.

De hoc cyatho, & praecedenti oxybapho, & coryla dixi supra, intelligendum esse, Fan-
nium, dum dixit:

At coryle cyathos bis ternos una recepat:

Sed de abaco nobis id pondus saepe notatur.

Bis quinque hunc faciunt drachmas, si appendere tentes:

Oxybaphus fiet, si quinque addantur ad illas.

Quem locum ex praedictis de olei drachmis intelliges ex Galeni examine de Grae-
ca coryle tradito.

Concha, semicyathus est, continens in se mystra duo: pendet autem, oleo plena, drach-
mas quinque, uino aut aqua drachmas quinque, scripulum unum, grana xx. De con-
cha inter Latinos meminit Cato c. 73. quam uiderur sumpsisse pro uase, quo capula-
tor oleum tollit. Sed & pro mensura, & quidem parua, eam sumpsisse uidetur idem
Cato c. 173. De minori & maiori concha meminit idem c. 15. inter instrumenta cael-
lae oleariae. De concha etiam pro uase, nec eo quidem minimo ad chrysocollam la-
uandum, meminit Plinius lib. 33. c. 5.

Mystrum cyathi quarta pars est, pendet autem oleo plenum drachmas duas semis, aqua
aut uino drachmas duas, scripula duo, grana octo.

Cheme, quinta pars est cyathi, capit cochlearia minora duo, pēdet oleo plena drach-
mas duas, aqua aut uino drachmas duas, grana sexdecim.

Cochlear, cui solet adiici paruum, cyathi pars est, ex iuniorum sententia, decima: pen-
det oleo plenum drachmam unam, uino aut aqua drachmam unam, grana octo: de
his tamen Fannius ita scripsit:

At mystram cyathi quarta est, ac tertia mystri,

Quam uocant cyanem. capit haec cochlearia bina.

Iuxta quam supputationem paruum cochlear, pars quarta & uigesima cyathi esset.
diffident enim de mensuris, quae infra chemem sunt, scribentes fere omnes, eam
tamen quartam cyathi partem esse consentientes.

Atticae aridorum mensurae.



EDIMNVS capit choenicas octo & quadraginta, sextarios uero
Graecos duos & septuaginta. iuxta quam supputationem choenix
est cotylarum trium.

Choenix capit cotylas tres, seu sesquiseptarium, cyathos uero duo-
deuiginti.

Coryle capit oxybapha quattuor, cyathos sex.

Oxybaphus capit sesquicyathum.

E 2 Cyathus

Cyathus cochlearia parua decem.

Qui harum mensurarum modulum consequi uoluerit, cotylem formabit, quae unciarum septem semis olei capax sit, & cū ea multiplicabit, & in minores diuidet, paruoq. negotio ceteras & certam medimni & chaenice mensuram habebit. Hic notandum, quod chaenix frumenti, quae pro diurno cibo familiae assignabatur, non est haec Attica, seu medica, de qua loquimur, sed georgica, quae ex ratione statim dicenda sesquialtera est ad istam, qua ratione fit, ut cum duobus sextariis Romanis non multo discrimine, nepe quantum unciae duae, & unciae pars quarta, siue sicilicus olei, loci seu spatii occuparent. quo quidem spatio & capacitate duo Romani sextarii georgicum chaenice excedunt. quod autem supra in modio dixerimus, quattuor modios de mensum seruorum fuisse, qui sunt sextarii quattuor & sexaginta, modico negotio intelligimus, Romanos & Graecos parcem fere uictum familiae & seruis tribuisse. de choenice, quae diurni uictus esset, meminit Homerus in persona Telemachi Odysseae decimonono, sic dicentis, ut iuniores uertunt.

Haud operis uacuum nostrum contingere quemquam

Chaenice perpetiar, longis licet hospes ab oris

Venerit. De qua Suidas ab eisdem relatus sic scribit. Chaenix enim ciuium diurnus. unde & prouerbij in morem usurpatum est, Choenici non insidendum.

De Georgicis.



GEORGICAE mensurae, quibus utebantur agricolae, & tractantes res ad agriculturam spectantes, eadem sunt nomine cum supradictis, tam liquidorum, quam aridorum: diuersae tamen sunt capacitate, & pondere: siquidem sesquialterae ad medicas sunt, idest, dimidio ampliores, qua illae. Nam cotyle, quam in Atticis, seu medicis probauimus oleo plenam uncias septem semis pendere, in istis georgicis pender uncias undecim, & drachmas duas, idest quantum illa, & amplius dimidium illius. qua ratione quilibet modico negotio de cuiuslibet capacitate poterit iudicare. hoc unum moneo, ut animaduertat eum, quem legit, auctorem, & rem, de qua tractat, ut discrimina georgicarum & Atticarum assequi possit, ne decipiatur.

De Hippoiatricis.



HIPPOIATRICA mensurae, quibus ueterinarii in curandis equis, & bubus, ceterisque animalibus usi sunt, eodem pariter sunt nomine cum Atticis, capacitate tamen ab illis ex georgicis differunt: habent enim se ad medicas, proportionem supra tertiam, idest capiunt quantum illae, & amplius illarum partem tertiam. Exemplum in cotyle, quae in Atticis, ut saepius diximus, oleo plena pender drachmas sexaginta, quae sunt unciae septem semis, in istis pender uncias decem, siue drachmas octoginta, iuxta quam supputationem reliquarum capacitas & pondus facile poterit inueniri. Et haecenus de antiquis mensuris dixisse sufficit: quarum notae ex ignoto Graeco, & iunioribus haec sunt.

Ⲙ. Ceramium.

Ⲛ. Choa.

Ⲛ. Sextarius.

Ⲛ. Cotyla.

Ⲛ. Tryblion.

Ⲛ. Oxybaphus.

Ⲛ. Cyathus.

Ⲙ. Mystrum.

Ⲛ. Cheme.

Ⲙ. Medimnus.

Ⲛ. Choenix.

LIBER QVARTVS.
37
LVCAE PAETI
IVRISCONS.

LIBER QVARTVS.

DE LIQVIDORVM ARIDORVMQ. MENSVRIS,

QVIBVS HODIE ROMAE VTIMVR,

DE Q. BARVM PONDERE.



Vnc. de iis liquidorum aridorumq. mensuris, quibus hodie Romae utimur, dicendum est, & primo de iis quibus liquida metimur, quae & ipsae bipartitae sunt. Aliae enim olei sunt; aliae uini, aceti, ceterorumq. liquidorum, qui mensura tractantur: licet unum idemq. nomen tam olei quam uini mensuris commune sit, barbarasq. uoces barbare me proferre profiteor, ne, dum eas latinitate donare studeo, rem per se obscuram obscurior efficiam. Primum igitur locum in uini mensuris tribuo Bocali, seu baucali: de quibus e nostris meminit Ca- tellianus Corta in memorabilibus uerbo supellectili legata: quae mensura me puero petittus appellabatur, & ita in marmoribus, ubi haec mensura cum ceteris in Conferuatorum Capitolinis aedibus in publico est exposita, inscripta est. Hic petittus diuiditur in duos semipetittos, quos alii medios absolute, alii medios petittos, seu media bocalia appellant: atq. hic dimidius petittus rursus in duas partes, quas foliettas appellant, diuiditur: nec alia infra foliettam, seu minor folietta mensura reperitur: licet non semel tentauerim, eam quoq. ut pauperibus consuleretur, diuidi oportere: quod forsitan fiet. Supra petittum est congius, ita in marmoribus, de quibus supra, appellatur, constans ex petittis octo: cuius semicongius, constans ex petittis quattuor, congitella a nostris municipalibus iuribus, quasi paruus congius, appellatur. Supra congius est Barilis, constans ex congijs quattuor, congitellis autem octo, petittis uero duobus & triginta. Supra Barilem, est salma, ita a nostris municipalibus iuribus appellata: quae si uini sit, taxatur congitellarum quattuor & uiginti; si musti, sex & uiginti, illis duobus additis propter defaecationem, ut arbitror, & id quod in deferbuendo amittitur, quam congitellam ita, idest petittorum quattuor, intelligendam esse, alibi declarauimus, cum ex diminuto congi nomine, tum etiam, quia, si aliter, idest de congio intelligeretur, salma illa constaret ex barilibus sex, onus non unius, sed duorum ualidorum equorum: & ita usu receptum est. Est etiam supra Barilem Caballus siue Caballata, uulgo aestimatus musti barilium quattuor; de qua auctoritatem aliam, quam uulgi opinionem, non habeo. Postremo est illa, quam appellant Botrem, constans ex barilibus octo. quarum mensurarum hic finis, qui culleo: de quibus singulatim disserendum censeo: ut exinde cum antiquis tum Graecis cum Latinis collatio fieri possit. Folietta (ut a minori incipiamus) uino puro, non crasso, non nigro, non cocto, aut aqua pura plena, pendet uncias sexdecim, earum scilicet, quibus hodie Romae utimur, cum

cum autem singulae nostri temporis unciae, scripulo uno & granis quattuor singulis antiquis uncias maiores sint, ut supra primo libro dictum & deductum est: efficitur, ut haec folietta, uino puro aut aqua pura plena, pendeat antiquas uncias sexdecim, drachmas sex, grana sexdecim. quo fit, ut si folietta cum sextario Romano conferatur, ab eo longe differre cognoscatur. ille enim, ut iam demonstravi, pendet ex his antiquis uncias uiginti: si uero cum Atticorum sextario, seu duabus Atticis corylis conferatur, cum sextarius ille Atticus, aqua aut uino plenus, citra controuersiam pendeat uncias sexdecim, drachmas quinq. & scripulum unum, prope est ut conueniant. intersunt enim scripula duo, grana sexdecim, quibus sextarius Atticus folietta minor est, antiqui ponderis ratione habita. Cur autem folietta haec potius ad Atticum sextarium, quam ad Romanum accedat, eadem ratione factum crediderim, qua primo libro arbitratus sum, pede relicto, spithamæ, seu spannae, usum in Italiam prorepsisse. nam cum imperium in Byzantium a Constantino translatum fuisset, Graeciq. Italia potirentur, Romæq. insequentibus deinceps temporibus a Graecis rectoribus gubernaretur, in tanta rerum calamitate suas Graeci mensuras, & uoces introducere conati sunt. quod eo facilius adducor ut credam, quod in nostris municipalibus iuribus, quae abhinc annis trecentis uigebant, lib. 3. c. 106. haec legantur. Omnes mensurae tam rublitellarum, quam congittellarum, uini & olei, quattronum & metretorum, sigillo senatus signentur. constat autem ex iis, quae dicta sunt, metretem, Graecam mensuram fuisse. etsi de ea Columella bis aut ter meminert.

Medius, siue dimidius petittus, constat ex foliettis duabus. pendet autem, uino puro & aqua pura plenus, secundum supputationem praedictam, uncias duas & triginta, nostri temporis, hoc est libras duas, & bessem; ex antiquis uero, uncias tres & triginta, drachmas quattuor, scripulum unum, grana octo.

Petittus, qui & hodie bocalis dicitur, constat foliettis quattuor, pendet, uino puro aut aqua pura plenus, uncias quattuor & sexaginta, siue libras quinq. & trientem, ex antiquis uero uncias septem & sexaginta, scripula duo, grana sexdecim.

Congitella, quae est semicongius, constans ex petittis quattuor, pendet uino aut aqua plena, nostri temporis libram unam & uiginti, ac trientem librae, id est uncias ducentas quinquaginta sex, antiquarum uero libras duas & uiginti, drachmas tres, scripulum unum, grana sexdecim, hoc est uncias ducentas octuaginta quattuor, drachmas tres, scripulum unum, grana sexdecim. & huius duplum est congius: cuius mensura in Capitolio, Vini congius, est inscripta.

Barilis, quem idem Catellianus in uerbo Vinitor, Romanorum, id est nostri temporis mensuram esse asseruit, constat, ut dixi, ex congiis quattuor, congirellis uero octo, petittis autem duobus & triginta. uino puro aut aqua pura plenus, pendet nostri temporis libras centum septuaginta, & librae bessem, antiquarum uero libras centum septuaginta octo, uncias undecim, drachmas quinque, scripula duo, grana octo.

Botte, quae Dolum latine passim uertitur, & recte; licet antiquis Romanis dolia aliterius materiei & formae essent, nempe ex opere figulino, ut alibi dixi, & subiectum in calce operis schema ostendit, & Plinius demonstrat lib. 14. c. 21. & lib. 35. c. 12. & Columella lib. 12. c. 18. & Iabole. Iurisc. l. dolia de fundo instructo, qui etiam de plumbis meminit: constat, inquam, hoc dolum ex barilibus octo: etsi uasa ipsa maioris sint capacitatis: nam & trecentorum barilium non longe ab urbe uidi, & plurimum esse audiui: haec autem nostri temporis dolia ex castanea materia fabricantur, circulisq. etiam castaneis, & columnis, seu etiam ex orno factis, quin etiam maiora ferreis quoq. cinguntur. qui quidem ligneorum doliorum usus, etsi Plinii temporibus adhuc Romanis non esset, tamen in locis circa alpes existetibus in usu erant, ut Plinius.

ut Plinius ipse testatur lib. 14. c. 21 sic dicens. Magna est collectio iam uino differentia in caella. circa alpes ligneis uasis condunt, circulisq. cingunt, atq. etiam hieme gelida ignibus rigorem arcent. Haec ille. Quem usum in Sicilia quoq. fuisse, colligitur ex eodem Plinio lib. 8. c. 6. dum de elephantorum in Italiam transfretatione sic scripsit. Centum quadraginta fuere transuecti ratibus, quas doliorum confertis ordinibus imposuerant. Quo in loco de fictilibus doliis intelligi non potest, cum illa tum propter materie ponderositatem & grauitatem, tum etiam propter oris patentiam, potius ipsa auxilium ad transfretandū recipere, quam alteri dare sint apta. quod de ligneis secus esse uidemus: cum illorum ope, si plena demergantur, & pondera alligentur, dein fistulis tractoriis per os exiniantur, etiam magna pondera ex profundo erui & attolli posse compertum sit. ratibus enim ad transportandum maiora onera, quae humidum non timerent, usi sunt antiqui, quas ex trabium confertis ordinibus, ut & nos hodie (qui eas Romae trabatas dicimus, Tridentini & Veneti Zatas appellant) sine carinis & puppibus constituebant, ut Lucanus lib. 4. paullo post recitandus declarat, quibus ratibus ad maiora onera sustinenda uacuatorum doliorum seu cuparum ordines supponebant, ut in dictorum elephantorum transfretatione factum fuisse Plinius refert, & ita intelligendum puto Lucani carmen illud:

Namq. ratem uacuae sustentant undiq. cupae.
Non, ut alii sensere quos Carellianus Cotta secutus est, putans inde colligi cupis naues sustinere, cum illarum carinae aut latera refarciuntur, cum non solum Lucanus id non senserit, sed etiam usus aliter fieri demonstrat: siquidem naues ad sarcindum aut subducuntur, iuxta illud Virgilii primo Aen.

Vrbem quam statuo, uestra est: subducite naues:
Aut, malo in contiguam alteram nauem aut proximum litus alligato, in latus inclinantur, ita ut latus alterum aquam contingat, alterum refarciendum caelum spectet, quod & in nauibus & triremibus factum fuisse saepe uidi. Lucanus igitur eo in loco proprie de rate, & non improprie ratem pro naui, ut quandoq. facere consueuerunt poetae, intellexit, ut illius uerba aperte demonstrat, quae etiam modum ratis fabricandae bellissime explicant. sunt autem haec.

Vt primum aduersae socios in litore terrae,
Et Basilum uidere ducem, noua furta per aequor
Exquisita fugae. neq. enim de more carinas
Extendunt, puppesq. leuant, sed firma gerendis
Molibus in solido contextunt robora ductu.
Nanq. ratem uacuae sustentant undiq. cupae.
Quarum porrectis series constricta carenis
Ordinibus geminis obliquas excipit alnos:
Nec gerit expositum telis in fronte patenti
Remigium, sed, quod trabibus circundedit aequor,
Hoc ferit, & taciti praebet miracula cursus,
Quod neq. uela ferat, nec apertas uerberet undas.

Quas quidem rates ex scirpo pro pueris nare discentibus fieri consueuisse testatur Plautus in Aulul. sce. 4. actu 1. his uerbis

Quasi pueris, qui nare discunt, scirpea inducitur ratis,
Qui laborent minus, facilius ut nent, & moueant manus.

Vsus autem ligneorum doliorum hodie apud omnes Italos pertransiuit, sublati in totum testaceis, cum sua picandi difficultate, & transportandi periculo, & quod omnium maximum uidetur, cum pene illa incredibili molestia hauriendi uinum per ipsorum uasorum ora, tam in diffundendo, id est de uno in aliud uas transportando, ut docet Iurisc. Proculus. l. uinum, de tritico legato, & Columella lib. 12. c. 18. usq. ad 30.

ad 30. quā in depromēdo & degustando, ut praedicti auctores, & Plinius lib. 14. c. 14. demonstrant: de quo & Terentius in Healtont.
 Releui dolia omnia, omnes serias. De qua re alibi. Ista igitur nostra dolia, ut ad ea redeamus, ex communi usu octo barilium cum in uenditionibus tum in stipulationibus ceterisque commerciis esse intelliguntur, nisi certum corpus, de quo intelligatur, demonstratum sit. Pendent autem, si, ut dixi octo barilium sint, uino puro aut aqua pura plena, nostri temporis libras mille trecentas sexaginta quinq., uncias quattuor, ex antiquis libras mille quadringentas triginta unam, uncias nouem, drachmas tres, grana sexdecim. Cum igitur culleus pendeat ex antiquis libras mille sexcentas, apparet bariles nouem (cuius ferme sunt mensurae dolia ista communia, quae Neapoli praesertim conficiuntur) cum antiquo culleo in capacitate concurrere. nouem enim bariles pendunt ex antiquo pondere libras mille sexcentas decem, uncias nouē, & drachmas quattuor, ita ut ad cullei pondus supersint librae decem, unciae nouem, & unciae semis. Si quis igitur ex nouem barilibus petittum unum & semis demeret, culleum, modicarum unciarum discrimine intercedente, coequaret. Supputationes huiusmodi laboriosae potius sunt, quam ingeniosae: quē laborem cum rerum antiquarum scriptores uitauerint, in maximas nos tenebras coniecerunt, praesertim cum Graecas mēsuras & monetas in Latinas & ex contrario uerterent, quia non, quibus & quantum conuenirent, & in quo discrepant, exacte supputare curauerūt, sed ad proximam, seu similem recurrentes, duas cotylas pro sextario, tres urnas pro metreta, & similia uertentes, hisce rebus tenebras, ut dixi, effuderunt, laboremque posteris etiam doctissimis reliquerunt, cum tamen, ut supra demonstratum est, eae mensurae inter se non parum differant, quarum quo maior numerus auctus fuit, eo maius discrimen exortum est. sic & drachmam pro denario, cum denarius in moneta consideratus non unius ponderis perpetuo fuerit, ut sequenti libro demonstrabo. quae ideo dixisse uolui, ne studiosi circa praedicta, quae plurima sunt, diutius haesitent: ut a iunioribus quoque optime traditum & declaratum est.

De olei nostri temporis mensuris.



SEQVITVR, ut de olei mensuris dicamus: quae, ut praedixi, forma & nomine eadem sunt cum uini mensuris. utriusque enim uini & olei est congius, & congietella, utriusque dicitur petittus, siue bocalis: utriusque medius, & folietta: capacitate tamen differunt, etsi in pondere conueniant, ut infra ex utriusque collatione apparebit: quod non nihil conferre arbitror ad eam, quam supra feci, coniecturam, cum dixi olei mensuram antiquis a uini mensura capacitate fuisse diuersam, in pondere parem, Galenum & Dioscoridem ad concordiam redigendo. Sunt autem olei mensurae hae, congius, constans ex petittis, siue bocalibus octo: cuius mensura cum sua ista, Congius olei, in inscriptione, in Capitolino palatio cum aliis conseruatur. Item congietella, constans ex petittis quattuor, diminutione, ut arbitror, a congio, sicut a rublo rublitella appellata. Item petittus olei, cuius pariter mensura cum in inscriptione, ubi supra, seruatur. Item dimidijs petittus. Item folietta, & foliettae dimidium, & quarta. qui medius, & petittus ex figulino opere constant, congius & congietella ex aere, reliquae minores stamneae, ponderis autem infradicendi.
 Petittus olei, oleo puro plenus, qui oliuarum sit, de quo semper intellexi, & defaecatus, pendet uncias nostri temporis quattuor & sexaginta, drachmas septem, scripulum unum, antiquarum, de quibus supra, uncias octo & sexaginta, scripulum unum, gra. 15. $\frac{1}{2}$ $\frac{1}{4}$. Aquae purae autem nostri temporis duas & septuaginta, drachmas septem. Ex collatione igitur ponderis petitti olei, oleo pleni, & uini uino pleni, constat, ipsas

stat, ipsas mensuras in pondere concurrere, drachmis septem & scrupulo uno intercedentibus: quod discrimen in mole unciarum quattuor & sexaginta, uix sensibile est: ut iam uel ex omni minima indiligentia publicanorum, qui hodie eas mensuras ex aere fabricatas custodiunt, quo uendentium mensuras aequent, & signent, euenire posse, facile admitti posset.

Medius, siue dimidius olei petitus, oleo plenus, pendet nostri temporis uncias duas & triginta, drachmas tres, scrupula duo, antiquarum uncias quattuor triginta, gra. 19. $\frac{1}{2}$ $\frac{1}{4}$ aqua pura aut uino, si his liquoribus impleretur, nostri temporis uncias sex & triginta, drachmas tres, scrupulum unum, gra. 12.

Folietta olei, quae pars quarta est petitti, pēdet oleo plena nostri temporis uncias sexdecim, drach. unam, scrip. duo, gra. 12. antiquarum uncias decē, & septem, gra. 9. $\frac{1}{4}$ $\frac{1}{8}$ aqua aut uino plena, si eo impleretur, nostri temporis uncias duodeuiginti. Discrimen igitur ponderis mensurae uini ab oleo in folietta, est drachmae unius, scrupulorum duorum, & granorum duodecim. Pondera autem semifoliettae, & aliarum minutarum mensurarum, quilibet paruo negotio supputare poterit.

Congitella olei, quae congii est dimidia, capit oleo plena uncias nostri temporis ducentas quinquaginta nouem, drach. quinque, scrupulum unum, hoc est libras unam & uiginti, uncias septem, drachmas quinque, scrip. unum, antiquarum uncias ducenas septuaginta duas, drach. 3. scrupulū unum, gra. 12. $\frac{1}{2}$ $\frac{1}{8}$ aqua pura, aut uino, si iis impleretur, nostri tēporis uncias 288. Cuius duplum est congius, constans ex petitis octo, ut praedixi. Et hic finis olei mensuris, quibus Romae utimur, nam utres, quibus oleum transfertur, incertae capacitatis sunt, licet cum congiteillis decem plus minus in mensura concurrant.

De aridorum, quibus Romae utimur mensuris.



ARIDORVM nostri tēporis mensurae sunt, Rublum, Rublitella, quae rubli est semis, Quarta, quae rubli est pars quarta, Scortiu, Semiscortium, Quartuciū, & Semiquartuciū, quae se inuicem habēt, ut infra. Rublum in mensura aridorum consideratum, est mensura potius intellectu percepta, quam quod per se appareat, propter illius magnitudinem, quae manibus a metientibus facile tractari non posset: quod tamen ex duabus apparentibus rublitellis constituitur: quarū rublitellarum tam frumenti, ordeī aliarumq. frugum, quam ēt calcis & salis, quae inter se differunt, schemata, & mensurae, marmoribus insculptae, in palatio Capitolino, ut reliquae, conseruantur. Hoc autem rublum, frumenti scilicet & frugum, constat ex rublitellis, ut dixi, duabus, quartis quattuor, scortis uero uiginti, aut duobus & uiginti, iuxta mensurarum qualitatem, hoc modo. Rublitella aut quarta, quarū oblonga est forma, palis leuiter frumento impletur fere ad summum, mensuraq. ipsa ter ab utroque capite extollitur, & humi percutitur, ut frumentum calcetur, dein iterū impletur, regula ducta, quod supra mensuram est, quoad fieri potest, raditur, & super excedens excluditur. & haec mensura scortiorum est uiginti, appellaturq. Campi Florae mensura, quia in eo foro aduectum maxime ab aduenis frumentum populo uenditur, in quo ut plurimum non rublitellis, sed quartis frumentum admetiuntur. in horreis uero, ac inter mercatores & furnarios (nam furnarii in eo foro, ut pauperibus consultū sit, emere prohibentur) frumentū rublitella alio modo mensuratur. palae namq. lignae admodum patulae, frumento plenae, in altum a baiulis, quantū fieri potest, subleuantur, ac derepente certo etiam ictu subducuntur, ut frumentū ex alto cadens ictu in rublitellam calcetur, idq. a duobus altrinsecus fit. quam mensuram Palambatutam (quasi percussam dixeris) appellant. quo more scortia crescunt, ut sint uiginti duo, aut etiam plura, prout regula radula propius ad rublitellae fauces admouetur, uel ex.

uel extollitur, quod pro frumenti caritate aut uilitate diligentius aut negligentius animaduertitur: siquidem in caritate auarius radula siue radius ducitur, ut minus, quam fieri potest, uenditori concedatur. Cuius autem ponderis sit frumenti rublum, uix est ut statui possit: cum ex diuersis annorum qualitatibus pondus uariet: in communi tamen mensura (quam palae battutae appellari dixi) librarum pondus sexcentarum esse statuitur. quod tamen perpetuum non est. nam, dum haec scriberem, etsi frumentum non ultra sexuplum reddidisset, quia tamen rubiginis calamitate hoc anno caruimus, pondus sexcentarum septuaginta librarum, etiam ducta regula radula, quoad fieri posset, pro maiori parte frumenti rublum appensum exstitit. & tamen tribus ab hinc praeteritis annis, quia rubigo infesta fuit, uix frumenti rublum inuentum fuit, quod quingentarum uiginti librarum pondus aequaret: ut liquido uerum esse appareat, quod & antea dixi, mensurae frumenti & frugum, certum pondus statui non posse. Rublum istud, & uini barilem, putauerunt quidam e nostris a mensuris, quibus interualla metimur, id est a palmo, ut a pede quadrantal, constitutos fuisse, asserentes rublum ex quadratis palmis quinq. & uiginti constitui, quia putauerunt cannā quadratam, quae mille palmorum est, rublis quadraginta repleri: qua ratione palmi quinq. & uiginti quadrati rublum constituerent. sed ex fide dignorum relatu, qui hoc diligenter examinarunt, canna quadrata quinque & quadraginta rublorum eius mensurae, quae Capi Florae appellatur, capax est. qua ratione rublum ex palmis duobus & uiginti, & fere quarta parte alterius palmi, constare dignoscitur: ideoque non uerisimiliter ex palmo fabricatum fuisse credi debet: cum, si ita factum esset, aliquo pari, aut saltē completo numero absque palmorum fragmentis fabricatum exstitisset. quod & de barili credendum est. nam constat, palmum unum, in cubicam figuram formatum, sex petitis seu bocalibus impleri: qua ratione ex palmis quadratis quinque, & palmi parte tertia, barilis constat: ideoque, non habita palmi ratione, sed congii, eum ex petitis duobus & triginta constitutum fuisse, credendum est. aliaque, unde rublum formatum fuerit, ratio quaerenda est. Memini me supra dixisse, rublum terrae mensurae catenae, rublum unum tritici purgati & cribrati, eius scilicet mensurae, quam palam battutam appellant, in mediocri terra & prima semeti exposcere. & alibi rublum terrae ex iugeris septem, & iugeris septunce, scripulis duobus, & semisse scripuli constitui. ut igitur scirem, spissius ne, an rarius hodie, quam Columellae temporibus, semen in agris iaciamus, calculum inire libuit, & exinde nostri temporis scortium cum antiquo sextario examinaui, inueni. scortium sextariis quattuor & uiginti repleri: quo fieri cognoui, (ea ratione retenta, ut rublum seminis mensurae palae battutae ex scortiiis duobus & uiginti constet) rublum tritici, quingentos uiginti octo sextarios capere, & sic modios, qui ex sextariis sexdecim singuli constant, tres & triginta. Cum autem asserat Columella lib. 1. c. 9. Iugerum agri mediocri terrae, in prima autumnali semeti, modios tritici quinq. exposcere, rublumque terrae, ut praedixi ex iugeris septē & semis & eo amplius constet, euenit ut, secundum Columellae rationem, modii septē & triginta & modii semis, & eo amplius tritici, in terrae rublo requirantur: & tamen his nostris temporibus in rublo terrae tres & triginta modii iaciuntur. Ex qua supputatione colligitur, Columellae temporibus tritici semen spissius, quam hodie, spargi consueuisse.

Rublitella per diminutionem a rublo dicta, dimidia pars est rubli, constans ex scortiiis decem uel undecim, iuxta mensurae qualitatem, de qua supra.

Quarta, ut nomen dicat, rubli pars est quarta, constans ex scortiiis quinque, aut quinque & semis, iuxta mensurarum qualitatem, de quibus in rublo.

Scortium mensura est rotunda, quae quoad fieri potest, cumulat, & ita cumulata mensurae rubli rublitellae & quarta quarum superficies raditur, rinet, licet non in omnibus recte. longa. n. differentia cumuli est inter miliu, quod labit, & ordeu, aut siliginē, uel similia, quae non ita de facili labunt, ita tamen & male seruat. Diuidit autem scortium in semiscortia duo, quartucia, i. scortii quartas 4. & semiquartucia 8. quae omnes mensurae, instar scortii, rotunda forma habet, & cumulantur. Et hic earum finis.

LVCAE

LVCAE PAETI IVRISCONS.

LIBER QVINTVS.

DE PONDERIBVS ROMANIS ET GRAECIS.



TERTIA instituti laboris pars continet pondera, quibus leuitatem grauitatemq. rerum trutina modulamur, & sci mus, humani commercij pars optima: nempe pondere non solum numismata ad ceteras res comparandas certa lege taxata sunt, sed etiam pondere rerum pretia metimur, & annonam certa lege, ad publicam utilitatem, non minus quam mensura, tuemur, ideoq. Reip. interest, ut pondera certa & inuiolata custodiantur. Quamobrem Diuus Adrianus, ut refert Vlpianus, lege annonā, de extraordin. criminibus, edicto cavit, ne quis pondera uiolaret. Vlpiani uerba sunt haec. Onerant annonam etiam staterae adulterinae: de quibus Diuus Adrianus edictum proposuit, quo edicto poenam legis Corneliae in eos statuit, perinde ac si lege testamentaria, quod testamentum falsum scripssisset, signasset, recitasset, damnatus esset. Haec ille. Quin etiam eum, qui maiora pondera commodauit ad pondus ementi, furti uenditori teneri Mela scripsit: emptorem quoq. si sciuit: non enim uoluntate uenditoris accepit, cum erret in pondere, ut idem Vlpianus testatur, l. si quis uxori, de furtis. Hinc, ut supra tertio libro demonstraui, imperialibus sanctionibus in omnibus prouinciis Romano imperio subiectis, Mensurae & pondera publice custodiebantur ita, ut uiolari non possent. Cū autem diuersis gentibus, & praesertim Graecis diuersarum rerum diuersa pondera fuerint, Romanis tamen rerum omnium unum pondus existit, nempe libra, constans ex uncis duodecim, ut Fannius tradidit.

Vnciaq. in libra pars est, quae mensis in anno. quod & ex sequentibus latius apparebit. Hanc autem libram, assem quoq. fuisse appellatam ab aere tradit Varro de ling. Lat. lib. 4. cuius haec sunt: Multa pecuniae signatae uocabula sunt, aeris & argenti haec, as ab aere, dupondius a duobus ponderibus, quod unum pondus assipondium dicebatur, id ideo, quod as erat librae pondus, deinde ab numero reliquum dictum usq. ad centussis. Haec ille. Quod quidem assis nomen cum in agrorum dimensionibus, tum etiam in hereditatum diuisionibus transiisse, primo libro ostensum est. Sed & assem pro uno in numero Columellam accepisse constat, quod apud alium me legisse, aut ab alio animaduersum fuisse, non memini, lib. 5. c. 3. his uerbis. Duco quintam partem longitudinis, sunt CCXL. & quintam partem latitudinis, hoc est XXIIII. his utriusq. summis singulos asses adicio, qui efficiunt extremos ordines, quos uocat angulares. fit ergo altera summa ducentorum quadraginta unius, altera uiginti quinque. Haec ille. Qui hoc ibidem saepius repetiit, quae uox assis pro uno Italici tesserulis ludentibus remansit. ii enim punctum unum in tesserulis, assum nominant, ab asse, ut arbitror, littera mutata. In pondere autem libram assem fuisse

F 2 appellatam,

appellatam, probat etiam Plinius lib. 33. c. 3. his uerbis. Populus Romanus ne argento quidem signato ante Pyrrhum regem deuictum usus est. Libralis, unde etiam nunc libella dicitur, & dipondius appellabatur assis. Haec ille. Libram autem & pondo idem significare, & uerbum pondo pro libra capi, si nihil aliud adiectum sit, & scriptores utroque uerbo ad idem demonstrandum promiscue usos fuisse, etsi legentibus manifestum sit, adhuc tamen aliquibus auctoritatibus probare libet: ut error eorum, qui aliter senserunt, ostendatur, etsi satis a iunioribus sit detectus. Cato c. 128. Adipis pondo duo, casei libram. Columella lib. 6. c. 10. Veterem tussim sanant duae librae hyssopi macerati sextariis aquae tribus. Plinius lib. 33. c. 4. de auro loquens: Inueniuntur ita massae, nec non in puteis, etiam denas excedentes libras. Columella lib. 12. c. 41. de musto lixiuio. Coniicies in urnam musti mellis optimi pondo decem. Sed quod unus idemque auctor, una eademque oratione, utroque uerbo usus fuerit, probatur ex Plinio lib. 18. c. 7. qui de generibus frumentorum loquens sic dixit. Quibusdam generibus per se pondus, sicut Balearico, modio tritici panis pondo 30. reddit, quibusdam in binis mistis ut Cyprico, & Alexandrino, uiginti prope libras non excedentibus. Haec ille. Nec refert, uerbum Pondo praecedat, aut subsequatur numerum. nam pondo 30. & 25. pondo Plinius eodem libro scriptum reliquit. Sed & uerbum Pondo libra coniunctum saepius legitur, pondo libram, pondo unciam: de quibus Columella lib. 12. c. 2. calami pondo libram, Plautus in Rud. actu quarto, scena secunda.

Neque piscium ullam unciam pondo hodie cepi.

Quibus multa similia curiosus lector passim offendet. Supra libram autem, & eam, ut dixi, unciarum duodecim, pondus Romanis fuisse, non legitur. nam quod apud Plautum in A sin. actu secundo, scena tertia scriptum legitur:

Ad pedes cum alligatus es aequum centum pondium: ex numeri librarum compositione dictum est, sicut dupondium, & similia: quod & praecedentibus uerbis Plautus demonstrauerat, illud idem pondus, disiunctis uerbis proferendo:

Nudus uinctus centum pondo es, quando pendes per pedes. Sic multiplicato librarum numero mille pondo, duo millia pondo, tredecim millia pondo, & uicena millia pondo, dixit Plinius lib. 33. c. 1. 3. & 4. Nam quod Cato centum pondium incertum appellauit c. 15. de cellae oleariae instrumento loquens, his uerbis: Trutinam unam centum pondium, incertum unum, pondera certa: aliter, quam iuniores senserint, (pace eorum dictum sit) intelligendum puto: incertum enim centum pondium, intelligo ego pondus librarum centum, ex diuersis diuersorum ponderum massis, non autem ex una sola massa constitutum. habebant enim antiqui pondera, ex lapidibus quibusdam nigris, uenis quibusdam uiridibus obscurissimis commaculatis, quae non nisi madidis lapidibus, & diligenter intuentibus apparerent, filicea duritie, expolitionem ita recipientes, ut intuentium imagines redderent: ex quibus maiora duobus ferreis anulis, siue ansis, in superiori parte plumbo ferruminatis, minora uno, suspendebantur decem pondo & infra id pondus plerumque sine ansa: quorum adhuc maxima copia diuersarum magnitudinum a centum usque ad selibras, trientes, & quadrantes, Romae inspiciuntur, licet attrita, & sine ansis saltem legitimis, ita ut rarissimae sint illae, ex quibus certum pondus elici possit. etsi penes me sint aliquae, de quibus primo libro dixi: ex quarum una, quam nuper illustris Angelus Capranicus mihi dono dedit, (etsi ex ea legitimum pondus percipi non possit, cum antiquae ansae fuerint replumbatae, & auulsae, & nouae non legitime substitutae, quam tamen librarum centum fuisse coniicio) clare colligitur, curam & custodiam ponderum ad quaestores urbis ex Senatus consulto pertinuisse: quod alibi me legisse, non memini: ut illius massae inscriptio declarat, quam cum suo schemate in calce operis apponendam curauimus. Igitur Cato, (ut ad eum redeamus) ne patrem familias multis ponderibus,

ribus, seu ponderum massis oneraret, in ea olearia cella centum pondium unum incertum requisivit, idest tot certa pondera, ut puta massam alteram librarum quinq., alteram 10. aliam 20. aliam 25. aliam 40. quae summam librarum centum constituerent, ut ex his certis ponderibus illud incertum centum pondium, constitui posset. Certum enim Iuriscons. Paulus, lege certum, de rebus creditis, illud appellari testatur, cuius species, uel quantitas, aut nomine suo, aut ea demonstratione, quae nominis uice fungitur, qualis quantaq. sit, ostenditur: ideoq. istud centumpondium appellauit incertum Cato, quia per se corpus non haberet, sed ex aliis diuisis certis ponderibus, re exigente, constitui posset. putauit enim ille hoc modo uenditori & emptori & in paruo & magno librarum numero consultum esse posse, cum amphorae & seriae, & uasa alia, quibus oleum diffusum conseruabatur, uix centum pondium excedere possent, ea praesertim ratione retenta, quae supra a nobis tradita est, iuxta quam amphora, si oleo impleretur, librarum septuaginta duarum capax esset. Nec aduersus hanc sententiam, quod Romanis, scilicet pondus maius libra non fuerit, quidquam faciunt a Vitruuio tradita lib. 10. c. 21. qui de testudinibus tractans sic scripsit: Gubernabant eam homines centum, habentes pondus talentum quattuor milliū. Quoniam ibi Vitruuius de Graeca machina loquitur, & ideo Graecum pondus expressit, quod tamen continuo declarauit subiungens, Quod sit quadringenta octoginta millia pondo. qua ratione talentum, de quo ipse, librarum centum uiginti existit, ut infra declarauit. Sicut nec obstant a Liuiio tradita lib. 1. Sueffamq. Pometiam uice cepit: ubi cum diuendita praeda quadraginta talenta argenti auriq. recepisset, & quae sequuntur. quoniam non potuit Liuius argenteam aut auream monetam aliam quam Graecam, ibi exprimere: cum constet ex Plinio lib. 33. c. 3. cuius uerba paulo post referam, argentum Romae post annum ab urbe condita quingentesimum octuagesimum quintum, & aurum post argentum anno sexagesimo secundo, signatum fuisse. & tamen constat, Sueffam Pometiam circiter annum CCLX. ab urbe condita captam fuisse. quo tempore, ut praedixi, nec argentum, nec aurum Romae signatum exstabat: ideoq. Liuius facta illius temporis recensens, Graecam monetam expressit.

A libra sit libralis, uti a pondo dipondius, & quae sequuntur. Plinius lib. 33. c. 3. Libralis unde etiam nunc libella, & dipondius appellabatur assis. Idem lib. 15. c. 11. Necnon & quaedam e piris libralia appellata, amplitudinem sibi ponderis nomine asserunt. Et lib. 19. c. 2. de tuberibus: Excedunt saepe magnitudinem mali cotonei, etiam librali pondere.

Fit & selibra a libra, quae librae est semis. Varro de ling. Lat. lib. 4. supra relatus: Seualet dimidium, ut in selibra. Columella lib. 12. c. 20. de sapa & defruto: Ad praedictum autem modum musti, adijci debent ij odores, nardi folium, iris Illyrica, nardum Gallicum, crocum, palmam, cyperum, schoenum. quorum singulorum selibrae satisfaciunt. Et paulo post, Casiae selibram. De qua etiam selibra meminit Plinius lib. 18. c. 7. & Liuius supra tertio lib. relatus, de Manlio, & farris selibra. Quin etiam pluribus selibris Graecorum more numerauit Plinius lib. 18. c. 10. de similagine loquens his uerbis: Et secundarii panis quinas selibras, totidem cibarii, & furfurum sextarios sex, quinas selibras pro libris duabus & semis scribens. quo dicendi genere usi sunt Romani Graecorum analogiam secuti, ut Prisciano in suo de ponderibus placuit: unde & sestertium, idest tertium semis, teste Varrone de ling. lat. lib. 4. formauerunt. Fit quoq. a libra sesquilibra, pro libra & semis. Columella lib. 12. c. 20. item resinae terebinthinae sesquilibram.

A libra quoque fit bilibris, trilibris, & quadrilibris, pro eo quod duarum, trium, & quatuor librarum sit. inde Martialis quinto epigr. in Ligurium.

Nolo mihi ponas rhombum, nullum uebilibrem.

Horatius

Horatius 2. ferm. sat. 2.

laudas insane trilibrem

Mullum . Plautus in Aulul. scena ex his, quae extant, ultima, Quadrilibrē aulam auro onustam habeo: quis me diuitior? Et paullo post:

quadrilibrem inquam

Aulam, auri plenam. Etsi credam eo in loco Plautum de libra mensurali, nō de ponderali intellexisse, uerbum quadrilibrem ad aulae capacitatem referendo, cum auro onustam & auri plenam subiunxerit: quod a iunioribus, qui libram mensuralem ostenderunt primi, animaduersum non fuisse, mirum est, cum uiderint, & animaduernerint Plautum in Mil. actu. 3. sce. 2. de aquali bilibra mensurali meminisse, dum dixit.

Sed in cella paullum erat loculi lubrici.

Ibi erat bilibris aqualis hic propter cados:

Eaq. saepe decies complebatur die.

Libra autem ponderalis haec, de qua loquimur, in uncias duodecim diuiditur, diuisionūq. singularum sunt propria nomina: quae etsi primo libro etiam ex Iurisconsultorum sententia retulerim, adhuc rescribere non pigebit: ut & illis, qui librum hunc sine illo legere uoluerint, consultum sit. sunt autem haec, libra constans ex unciis duodecim: a qua si unciam dempseris, reliquum Deunx appellabitur. hoc ita, quia uncia a libra sit dempta. si duas, reliquum quod est stunciarum decem, appellabitur Dextans, idest dempto Sextante. si tres, reliquum quod est unciarum nouem, appellabitur Dodrans, ideo, quod a libra quadrans, idest pars quarta dempta sit. si dempseris trientem, reliquum quod est unciarum octo, Bes appellabitur ab eo dictus, ut Festo placuit, quod in eo bis triens sit. Triens enim ideo appellatus, quod tertia sit librae pars, constans ex unciis quattuor. uel, ut Varroni de Ling. Lat. lib. 4. placuit, ab eo Bes dictus, quia ab eo triens sit demptus, cuius uerba paullo post referam. Si uero a libra quincuncem dempseris, reliquum Septunx appellabitur. nā Septuncem, & Quincuncem in suis propriis nominibus & numeris, litteris collisis, remansisse constat. si sex dempseris, quod remanet, Semis, uel Selibra, seu sex unciae appellantur. si septem dempseris, reliquum erit Quincunx: si octo, Triens: si nouem, Quadrans: si decem Sextans: si undecim, Vncia, quae remanent, appellabuntur. De quibus Varro dicto lib. 4. sic meminit. Vncia ab uno. Sextans ab eo, quod sexta pars assis, sicut Quadrans quod quarta: & Triens, tertia pars: Semis, quod semis. idest dimidium assis, ut supra dictum est, Septunx a septem & uncia collisum. reliqua obscuriora, quod ad diminutionem, & ea, quae demuntur, ita sunt, ut extremas syllabas habeant, ut a duodecim una dempta uncia, Deunx, Dextans dempto sextante, Dodrans dempto quadrante; Bes, ut olim Des, dempto triente. Haec ille. Sed & Volusius Merianus sic de libra scriptum reliquit. Prima diuisio solidi, quod est libra, quod As uocatur, in duas partes dimidias diducitur, pars dimidia semis uocatur. sequens diuisio fit in tres tertias partes, pars tertia triens uocatur. sequitur diuisio in quattuor quartas. quarta pars Quadrans uocatur. deinde fit diuisio in sex sextas partes, sextae partis nomen est Sextans. deinde diuiditur in octo octauas, quae Seftunciae uocantur, item nouem nonas, nona pars uocatur Vncia, duae sextulae. diuiditur item As in duodecim partes duodecimas, uocantur singulae unciae. Haec uelut elementa primae de asse distributionis aequalitatem seruant: siquid quibuscū parum detrahas, uel conferas, fient dispares. Quare si quadranti sextantē, uel trienti unciam, applies, facies quincuncē, qui constat ex quinque unciis, hoc est quinque duodecimis. si semissi applies duodecimam, uel quincunci sextantem, uel trienti quadrantem, efficies septuncem, idest septem duodecimas. si septunci applicueris unciam, uel semissi sextantem, uel quincunci quadrantem, uel trienti tantundem, facies bessem,

bessem, idest duodecimas octo. si besii applicueris unciam, uel septunci sextantem, uel semissi quadrantem, uel quincunci trientem, dodrantem efficies, idest nouem duodecimas. si dodranti applicueris unciam, uel besii sextantem, uel septunci quadrantem, uel semissi trientem, uel quincunci tantundem, facies dextantem, hoc est decem partes duodecimas. si dextanti applicueris unciam, uel dodranti sextantem, uel besii quadrantem, uel septunci trientem, facies deuncem, hoc est undecim duodecimas. Ex his apparet, in quas partes aequaliter, in quas dispares diuidatur. Haec ille, pluribus admodum, quam res exigeret. de qua diuisione Fannius sic scriptum reliquit.

Nunc dicam, solidae quae sit diuisio librae,
Sive assis. nam sic legum dixere periti.
Ex quo quod soli capimus perhibemur habere.
Dicimur aut partis domini pro partibus huius.
Vncia nam librae si deest, dixere deuncem.
At si sextantem retrahas, erit ille decuncis.
Sed nullum reliquo nomen semuncia certum
Dempra dabit. neque enim est huius fescuncia triplex.
Dodrantedem reliquum uocitant, quadrante retracto.
Cumq. triens desit, bessem dixere priores.
Iidem septuncem dempto quincunce uocarunt.
Post haec semissis solidi pars maxima fertur.
Nam quae dimidium superat pars esse negatur,
Ut docuit tenui scribens in puluere Musa.
Cetera dicta prius, quibus est semuncia maior.

De sextante (ut ad auctoritates singularum partium ueniamus) meminit Columella lib. 7. c. 5. de medicinis ouilli pecoris sic dicens: Humanae ueteris urinae tepesfactae trium heminarum instar, per sinistram narem corniculo infundere, atque axungiae sextantem faucibus inferere. Et lib. 12. c. 22. de pice Allobroga: Et tunc demum praedictae picis sextans & semuncia, in sextarios quinque & quinquaginta adiicitur. A quo sextante pondus sextantarium, quod duarum unciarum esset, appellauit Plinius lib. 33. c. 3. Librae autem pondus immutatum bello Punico primo, cum impensis respública non sufficeret, constitutumq. ut asses sextantario pondere ferirentur. De quadrante, triente, & quincunce Columella lib. 12. c. 20. Item Myrrhae quincunx, calami pondo libram, casiae selibram, amomi pondo quadrans, croci quincunx, cripae pampinaceae libram. Et paullo post: Ego, si humida fuerat uindemia, trientem, si sicca, quadrantem, in binas amphoras miscere solitus sum. Plinius lib. 18. c. 7. de pondere frumenti: Adiecit Sardum selibras, Alexandrinum triens, Africum dodrantes. Haec ille. Sed & quincuncem & trientem simul, relicto dodrantis nomine, coniunxit. Columella lib. 12. c. 28. de uini conditurarum generibus. Item odoramenta trita, idest irim cribrata, quae sit instar pondo quincuncem, & trientem, feni Graeci pondo quincuncem, & trientem, schæni pondo quincuncem. sed & non minus pro quadrante tres uncias dixit. Idem Columella libro sexto, cap. sexto: Ad bouem cruditate laborantem tribus heminis uini, tres unciae pinsiti allii admiscuntur. Et lib. 12. cap. ultimo: Piperis albi, si sit, sin minus, nigri unciae tres, apii seminis unciae duae. Quod uolui dixisse, ut sciamus antiquos non ita sibi legem in his nominibus praescripsisse, ut uncias numero proferre non liceret. De uncia quoque per se meminit Plinius lib. 21. cap. 19. sic dicens: Asfarum iocinerum uitis salutare esse traditur, uncia sumptum in hemina mulsi misti, Columella dicto lib. 12. cap. ultimo: Ligustici unciam. Ab uncia sit fescuncia, quae est librae pars octaua, quae est uncia & semis: de qua etiam

Columella

Columella lib. 12. c. ult. Laferis radicis, quod Graeci Silphium uocant, fescuncem: & Celsus in malagmate eutichei lib. 17. Galbani sine furculis fescuncia.

Vncia uero ipsa, quae, ut dixi, assis pars est duodecima, diuiditur primo in duas semuncias, secundo in tres duellas, seu tres binas sextulas, tertio in quattuor sicilicos, quarto in sex sextulas, quinto in denarios septem, sexta in uictoriatos quatuordecim, septimo in drachmas octo: etsi drachmam a Graecis mutuati sumus: octauo in scripula XXIIII. nono in grana 576. de quibus omnibus singulatim tractandum.

Semunciam, dixit Varro supra relatus de ling. Lat. lib. 4. a se & unciam appellatam, ut semis uncia sit. de ea meminit Columella lib. 12. c. 23. cuius uerba paullo ante retuli. Idem dicto lib. 12. c. ult. Pro silphio mellis adiciet pondo semunciam.

Duella unciae est pars tertia: tres enim ex eis unciam constituunt: dicta a duabus coniunctis sextulis, constans ex scripulis octo: de qua Fannius.

Sextula cum dupla est ueteres dixere duellam.

Sicilicus quarta unciae pars est, constans ex drachmis duabus, scripulis uero sex: de quo idem Fannius.

Drachmam si gemines, oderit quem dicier audis.

Sicilicus ab eo dictus, ut Festo placuit, qui eum in neutro genere protulit, quod semunciam fecer. cum enim semuncia ex quattuor drachmis scripulisq. duodecim confet, semis eiusdem semunciae sicilicus dictus est. De sicilico meminit Scribonius Largus compositione CXLV. per notas tamen, his uerbis. Croci pondo sicilici quinque, apij pondo sicilici sex. Meminit & Plinius licet ipse de sicilico unciae pedalis intellexerit. quarum pedaliu unciarum, & harum ponderalium diuisio in nominibus non differt, lib. 13. c. 15. supra primo libro relatus, de cedrina mensa Tiberii principis, Mensam quattuor pedes sextante & sicilico excedentem. Meminit & Columella lib. 5. c. 1. Pars quadragesima octaua pedes sexcentos, hoc est sicilicus, in quo sunt scripula sex. Haec ille. inpondere autem alias auctoritates me uidisse non memini.

Sextula sexta est unciae pars, ut & uox sonat, constans ex scripulis quattuor, qui sexies multiplicati unciam constituunt, de qua Varro de ling. Lat. lib. 4. sic scripsit. Aeris minima pars sextula, quod sexta pars sit unciae. Columella dicto lib. 5. c. 1. de agri uncia loquens: Pars septuagesima secunda pedes CCC. hoc est sextula, in qua sunt scripula quattuor: de qua & Fannius sic:

Drachmae scripuli si adiectio fiet,

Sextula, quae fertur: nam sex his uncia constat.

Frontinus de aquaeductibus: Digitus rotundus habet diametri digitum unum capit qui nariae septuncem, semunciam, sextulam.

Denarius septima est unciae pars. septem enim ex eis unciam constituunt. qui quidem denarij licet, quantum ad rem nummariam attinet, pondere fuerint imminuti: tamen ex septem ex eis unciam constare, clare liquet ex Plinio lib. 33. c. 9. cuius haec sunt. Miscuit denario triumphu Antonius ferrum: Miscuit aeri falsae monetae. Alij e pondere subtrahunt, cum sit iustum octuaginta quattuor e libris signari. Ex cuius dictis duo clare eliciuntur, unum quod iustum pondus denarii septima est unciae pars, alterum, quod iam Plinij tempore pondus argenti denarii erat imminutum. quod etiam ex eo probatur: quia cum eiusdem Plinij tempore monetae, tam aereae, quam aureae, pondere imminutae fuissent, necesse etiam fuit, argenteas imminutas esse. Primum probatur ex Plinio, lib. 33. c. 3. cuius uerba etsi prolata sint, & paullulum a proposita materia me distrahant, attamen, ut demonstrem eos decipi, qui ex antiquis numismatibus pondera sumere & restituere posse putant, (quod & iuniores bellissime tradiderunt) adscribere uisum fuit. uerba Plinij sunt haec:

Populus

Populus Romanus ne argento quidem signato ante Pyrrhum regem deuictum usus est. libralis, unde etiam nunc libella dicitur, & dipondius appendebatur assis: quare aeris grauis poena dicta: & adhuc expensa in rationibus dicuntur, item impendia, & dependere: quin & militum stipendiorum, hoc est stipis ponderandae pensatores, libripendes dicuntur. qua consuetudine in his emptionibus, quae mancipii sunt, etiam nunc libra interponitur. Seruius rex primus signauit aes: antea rudi usos Romae, Remeus tradit. signatum est nota pecudum, unde & pecunia appellata. maximus Censui, C. X. millia assura fuit illo rege, & ideo haec prima classis. Argentum signatum est anno urbis D L X X X V. Q. Fabio consule, quinque annis ante primum bellum Punicum, & placuit denarius pro decem libris aeris, quinarius pro quinque, sestertius pro dipondio & semisse. Librae autem pondus aeris imminutum bello Punico primo, cum impensis respublica non sufficeret, constitutumque, ut asses sextantario pondere ferirentur. ita quinque partes factae lucri, dissolutumque aes alienum. Nota aeris fuit ex altera parte lanus geminus, ex altera rostrum nauis, in triente uero & quadrante rates. Quadrans ante triuncius uocatus, a tribus unciiis. Postea Hannibale urgente, Q. Fabio Max. dictatore, asses unciales facti, placuitque denarium sexdecim assibus permutari, quinarium octonis, sestertium quaternis. ita resp. dimidium lucrata est: in militari tamen stipendio semper denarius pro decem assibus datus. Nota argenti fuere bigae, atque quadrigae, & inde bigati, quadrigatiq. dicti: mox lege Papiria semunciales asses facti. Liuius Drusus in tribuatu plebis octauam partem aeris argento miscuit. Qui nunc uictoriatius appellatur, lege Clodia percussus est, ante enim hic nummus ex Illyrico aduectus, mercis loco habebatur. est enim signatus uictoria, & inde nomen Aureus nummus post annum L X I I. percussus est, quam argenteus, ita ut scripulum ualeret sestertiis uicenis: quod efficit in libras ratione sestertiorum, qui tunc erant, sestertios 5760. Post haec placuit, quadraginta signari ex auri libris: paullatimque principes imminuere pondus. minutissimus uero ad quadraginta octo. Haec ille. quibus quidem Plinii uerbis & Plauti, multo ante Plinii tempora, dictum in Casinae prooemio ad stipulatur.

Nam nunc nouae, quae prodeunt Comoediae

Multo sunt nequiores quam nummi noui. Multo enim in deterius monetae pondus & bonitas, quod & nostris temporibus actum esse cognoscimus, prolapsa sunt. Secundum uero, quod dixi, usque ad Plinii tempora argentei denarii pondus esse imminutum & drachmae pondus reductum probatur ex eodem Plinio lib. 21. c. ult. cuius haec sunt, Drachma Attica (fere enim Attica obseruatione medici utuntur) denarii argentei habet pondus. Cum enim Plinius argentei denarii, qui tunc in moneta esset, per uerba praesentis temporis meminerit, non quidem de denario, ut est pondus, & septima unciae pars, neque ut fuerat ab initio iusti ponderis intellexit, sed ut erat tunc sua aetate argentei denarii pondus, iam ad octauam unciae partem reductum, propter imminutionem a republica & principibus factam; ideoque hodie qui inueniuntur denarii post M. Antonium praesertim percussi, drachmae: & qui ante eum, denarii ponderi respondent, quod & re ipsa comperi. pro inde cum drachma pro denario, uel ex contrario in nummis uertitur, aut uersum legitur, ad tempora animaduertendum cenfeo, quia, ut iam demonstratum est, paullatim ponderis imminutio facta est. Redeo igitur ad denarium ponderalem, quem septimam unciae partem ex Plini sententia esse asserui, & dico eiusdem ponderis fuisse, probari quoque ex Celso lib. 5. c. 17. cuius haec sunt. Sed & aut ea sciri uolo, in uncia pondus denariorum septem esse, unius deinde denarii pondus a me diuidi in sex partes, id est sex sextantes: ut idem in uncia denarii habeam, quod Graeci in eo, quod obolum ap-

G pellant

pellant, id ad nostra pondera relatum, paullo plus dimidii scripuli facit. Haec ille. Sicque in suis compositionibus post denarii notam signum quoque adiecit suae diuisionis: exempli gratia lib. 5. c. 19. primo de emplastris exedentibus: Resinae terebinthinae fuliginis, thuris, singularum pōdo ✱ 2. idest pondo denarii sextans, sic & trientē & quadrantē post denarium posuit sic dicēs, pondo ✱ triens, & pōdo ✱ quadrans, pro tertia & quarta denarii parte. Quo scribendi genere & ponderum usu, ut & iuniores attestantur, solus ipse inter medicos usus est. Sed nec denarii pondere, praeter ipsum & Scribonium Largum, quo teste iuniores utuntur, in re medica usus est ali us. nam quod Plinius lib. 19. c. 3. his uerbis scripsit: Laserpitium, quod Graeci Silphion uocant, in Cyrenaica provincia repertum, cuius succum uocant, laser, magnificum in usu medicamentisq., & ad pondus argentei denarii pensum: potius demonstrant, laseris pondus argenti pari pondere fuisse permutatum, quam quod ad pondus denarii ponderalis uenderetur.

Victoriatum octauam unciae diuisionem facit: qui denarii semis est, dictus etiam quinarius, ut ex Plinio lib. 33. c. 3. colligi licet: qui utriusq. & nomen & etymologiam exprimit: de quo etiam Volusius sic dixit: Victoriatum nunc tantundem ualeat, quantum quinarius olim. Et paullo post: denarius primō asses decem ualebat, unde & nomen traxit, quinarius dimidium eius, idest quinque asses, unde & ipse uocatur. Haec ille. Sed haec potius rem nummariam, quam pondera, respiciunt. Quinarius autem pro pondere, praeter Scribonium Largum, alium usum fuisse non legi, iuniores testantur, nec ego memini legisse.

Drachma, in qua nona est unciae diuisionis, quae octaua unciae pars est, quamuis Romanum pondus ab initio non fuerit, tamen saepe in translationibus Graecorum Latinorumq. auctorum eo nomine scribentes usi sunt, maximaq. exinde circa eiusdem drachmae & denarii pondus quaestio exorta est, ideoq. de ea, quae legerim, hic tradere opportunum duxi. Quod autem nō fuerit Romanum pondus, nemo est qui negat, nec de ea Latini scriptores Latinas res tractantes meminerunt, nam Cato c. 134. ad dispepsiam & stranguriam, qui drachmae pondere usus est, his uerbis: Incenatum iube esse, postridie thuris drachmam unam conterito, & mel coctum drachmam unam, & uini sextarium origaniti, dato ieiuno & puero pro aetate triobolum, & uini heminam. eam medicinam ab aliquo Graeco sumpsisse uidetur, ideoque Graeca pondera mutare noluit, sed cum drachma obolum, & paullo supra minambis miscuit, quae citra controuersiam Romana pondera non sunt. sic & Plinius lib. 21. c. 20. de nardo Gallico: Ergo aduersus serpentes duabus drachmis in uino succurrit quod & ibi saepius repetit: & eo lib. c. 29. de tribus & quattuor drachmis: & lib. 34. c. 12. ubi de unica drachma meminit, absque dubio de Graecis locutus, ut & ipse dicto libr. 21. cap. ultimo dilucide testatus est. Haec igitur drachma, ut dixi, unciae tam Romanae quam Graecae pars est octaua, nam unam & eandem Graecis & Romanis unciam fuisse, postquam uncia in Graecorum usum transiuit, satis constat cum ex Galeni relatis locis, tum ex Fannio paullo post rescribendo, tum etiam ex aliis supra deductis, & infra deducendis.

Quod autem unciae sit pars octaua probat Fannius, sic dicens.

Uncia fit drachmis bis quattuor. & paullo post:

Accipe praeterea, paruo quam nomine Graeci

Mnam uocitant, nostri que minam dixeret priores.

Centum hae sunt drachmae. quod si decerpseris illis

Quattuor, efficias hanc nostram denique libram.

Si enim nonaginta sex in duodecim diuideris, inuenies octo drachmas, idest bis quattuor, singulis uncis respondere. si drachma est eadem Romanis

& Graecis

& Graecis, ergo & uncia eadem, constans ex octo ex eis. quod & ex eo etiam probatur, quia scripulum, iuxta Columellae supputationem, lib. 5. c. 1. in libra seu asse ducenties octuagies octies inuenitur: & tamen constat ex eodem Fannio, drachmam ex tribus scripulis fieri, dum dicit, in scripulis tribus drachma. Si igitur sex & nonaginta drachmae, ex quibus libra Romanam constare dixi, ter numerentur, erunt scripula 288. ex quibus Romanum assem Columella constituit. Et ex his probatum plane uidetur, unciam Romanam ex octo drachmis Graecis constare, non minus & drachmam Graecam, Romanae unciae octauam partem esse, unciamq. eandem Romanis & Graecis fuisse: etsi uncia ab initio Romanum nomen & pondus fuerit, quae cum Romano nomine & imperio, ut dixi, ad Graecos transiit. Hoc ipsum testatur Dioscorides in libello de ponderibus his uerbis: uncia uero drachmas habet octo, scripula XXIIII. Idem & Galenus lib. 6. de compositione medicament. secundum genera, sic dicens: Idcirco quod ponderalis uncia octo drachmas pendet. Et lib. 5. eiusdem tituli relato supra tertio lib. Etenim nouem unciae Italicae in cornibus interfectis discretae, pendunt uncias ponderales septem & dimidiam, quae sexaginta drachmae sunt si uncia una octo drachmas ceperit. Cleopatra libello de munditiis. Libra habet uncias duodecim, drachmas 96. scrip. 288. Vncia habet drach. octo, scrip. XXIIII. Nec quemquam turbet Pliniana lectio: in qua, transferendis Dioscoridis locis, dum de plantis & medicinis ex eis tractat, saepe libram pro mina uertit: cum tamen, secundum praedictam supputationem, drachmae quattuor intersint: quia, ut supra tertio libro animaduertendum duxi, scriptores antiqui, uertentes Graeca pondera in Latina, & ex contrario, raro illius modici excessus uel defectus rationem habuerunt, nempe drachmas quattuor in centum. etsi non negem in potionibus, & pharmacis, praesertim uehementioribus, id multum interesse potuisse. sic & Plinius tertiam partem minae, quae est drachmae 33. & scripuli, ad denarii pondus uertens, nouem & uiginti denariorum pondus expressit: cum tamen, ex supputatione supra in denario tradita tertia minae pars ex denariis uiginti octo, & scripulis quattuor, siue unciae sextula constet. hoc autem ad uitandam scrupulosam diuisionem factum fuisse, credendum est. uerba Plinii sunt haec. loquitur autem de thure. Etiam nunc tamen inueniuntur guttae, quae tertiam partem minae, hoc est uiginti nouem denariorum pondus aequent.

Scripulum sequitur, in quo est penultima unciae Romanorumq. ponderum diuio, quod est, ut dixi, unciae pars XXIIII. Contendunt autem iuniores, aut scripulum neutro genere, aut certe scriptulum, ex Varronis, & Volusii Metiani sententia, scribi oportere. Mihi autem scripulum appellare placuit, ut duritiem scripuli, & differentiam scrupuli lapilli, a scrupo Festi auctoritate formati, uitarem, etsi non negem, scrupulum quoque a scripulo deduci posse, littera mutata, ut carnufex, lubens, pessumus, & similia dicuntur. Credo enim cum Fannio, nomen istud, ad similitudinem Graeci nominis gramma, a Romanis formatum fuisse: de quo Fannius ipse ita scripsit.

Gramma uocant, scripulum nostri dixere priores.

& paulo post.

Vncia fit drachmis bis quattuor: unde putandum

Gramma dicta, quod haec uiginti quattuor in se

Vncia habet: tot enim formis uox Graeca notatur,

Horis quod mundus peragit noctemq. diemq.

His igitur rationibus motus, scripulum post iuniores, qui se ita etiam in antiquis libris legissete testantur, scribere uisum est: alius, ut sibi melius uidebitur, scribat.

De scripulo autem meminit Columella lib. 12. c. 23. sic scribens. Sat erit eiusdem

pice sex scripula in sextarios quinq. & quadraginta, tum demum miscere, cum multum deferbuerit. Et c. 28. Tum in serias singulas, quae sint amphorarum septenum, addito medicamenti pondo unciam, & scripula octo gypsi. Plinius lib. 19. c. 1. de lino byssino. Proximus byssino mulierum maxime deliciis circa Elim in Achaia genito, quaternis denariis scripula eius permutata quondam, ut auri, reperio. Idem lib. 34. c. 8. de nobilitate ex aere. Idemq. in uncias additis auri scripulis senis, praetenui pyropi braetia ignescit. Et a scripulo scripularem differentiam dixit Plinius lib. 33. c. 8. His corticulis periti, cum e uena, ut lima rapuerint experimentum, protinus dicunt quantum auri sit in ea, quantum argenti, uel aeris, scripulari differentia mirabili ratione non fallente.

Scripulum Graeci & Mauri medici longe post Galeni tempora, & paulum ante nostra, quorum opinionem secutus sum supra libro primo, in grana XIIII. partiti sunt. & haec est unciae ultima diuisio. etsi Neapolitani & Veneti medici dissentiant. quod ego ita sentio, non ut ex granis uiginti quattuor, sicut a natura producantur, scripulum conficiatur, sed ut scripulum, ut est unciae pars 24. in grana quattuor & uiginti diuidatur, partesq. in suis braetiolis ex aere, uel orichalco, distinctis suisque numeris signatae habeantur, ita ut in aureorum ponderibus a negotiatoribus retineri uideamus.

Restat unum, ut reminiscamur, quod primo libro a me traditum est, unciam, quae hodie Romae uritur, antiqua uncia scripulo uno & granis quattuor grauiorem esse, quae scripulum & grana ex uncia instantis temporis formata sint, & ex consequenti libram nostri temporis, antiqua libra scripulis nostri temporis quattuordecim, grauiorem esse. Cum autem libellus Logistarum Italico sermone circumferatur, in quo discrimina & proportionales ponderum, omnium fere ciuitatum Europae, in quibus emporia sunt, continentur, sic, quae in ipso libello continentur, uera sunt, cum a nobis traditis conferantur, quisque litterarum non ignarus, paruo negotio suae regionis pondera cum antiquis examinare, etsi maluerit restituere, facile poterit. Et haec, quantum ad Romana utriusque temporis pondera attinet, dixisse sat sit. quorum antiquae notae ex Volusio Metiano, Valerio Probo, Cornelio Celso, & Scribonio Largo, a iunioribus relatae hae sunt.

Ponderum Romanorum notae.

L. Libra.	Ɀ. Sicilicus.
LL. Dupondium.	ⱻ. Sextula.
S. Semis.	ⱽ. Denarius.
V. Septunx.	Ȿ. Scripulum.
Ɀ. Bes.	Ɀ. Victoriatus, siue quinarius.
Ɀ. Dodrans.	Ɀ. Sextans apud Celsum.
Ɀ. Dextans.	Ɀ. Binae sextulae apud aliquos.
Ɀ. Deunx.	Ɀ. Sescuncia apud Scribonium.
Ɀ. Triens.	Ɀ. Drachmae sex apud eundem.
Ɀ. Quadrans.	Ɀ. Drachma apud medicos nostrae aetatis.
Ɀ. Sextans.	
Ɀ. Vncia.	
Ɀ. Sescuncia.	
Ɀ. Semuncia.	
Ɀ. Binae sextulae, siue duella.	

Graecorum

Graecorum ponderum epitome.

GRÆCORVM pondera, antiquorum medicorum præsertim opera, ita sunt intricata, ut uix a doctissimis peritissimisque uiris extricari possint: cum etiam plurimum ciuitatum sint, ut & de mensuris liquidorum & aridorum dixi: Ego uero, quæ ab iis, qui de illis doctissime disseruerunt, collegi, breuissime tradam. sunt autem tripartita, in Attica scilicet, medica, & Hippoiatrica, seu ueterinaria. Attica hæc, Talentum paruum, Talentum magnum, Mina, siue Mina Attica antiqua, Mina Attica Solonis, Drachma, Obolus, Areola, siue Chalcos, Leptra, siue Minuta.

Talentum, siue Talentum paruum, constat ex minis sexaginta.

Talentum magnum constat ex minis octuaginta.

Mina Attica uetus constat ex drachmis quinque & septuaginta.

Mina Attica Solonis constat ex drachmis centum.

Drachma, quam dixi eandem esse Latinis & Graecis, constat ex obolis sex.

Obolus constat ex areolis, seu chalcis sex. et si Plinius lib. 21. c. ult. ex decem chalcis obolum constare dixerit. Vitruuius uero, de quo iuniores non meminerunt, quantum ad nummos attinet, (nam constat, hæc omnia pondera numismatum etiam nomina fuisse) obolum in quattuor partes (quas ipse obolorum quadrantes appellat) apud Graecas ciuitates fuisse diuisum testatur, eosque quadrantes, ab aliis dichalca ab aliis trichalca appellari, lib. 3. c. 1.

Areolum, siue chalcus, constat ex septem minutis lepra appellatis, quæ non diuiduntur: ex quibus (si supputatio fiat) apparebit in scripulo esse lepra quattuor & octoginta, & granum constare ex leptis tribus & semis, & hæc omnia apud Graecos tam in ponderibus quam in numismatibus fuisse leguntur.

Scripulum quoque apud Athenienses non tamen in re nummaria fuisse legitur, constans ex obolis duobus.

Cerarium quoque legitur siue siliqua, quæ est oboli pars tertia scripuli sexta, continens in se lepra quattuordecim.

Paucae ex multis, quæ ad prædicta probandum ueterum auctoritates adducuntur, sunt hæc. Suidas, talentum, Vt ait Diodorus in libro de ponderibus, minarum est sexaginta, mina uero drachmarum centum, drachma obolorum sex, obolus areolorum sex, areolum minorum septem. Cleopatra uero libro de munditiis, cuius uerba in eo qui Galeno de ponderibus inscribitur, inserta sunt: Attica mina uncias habet duodecim & dimidiam, drachmas centum, scripula trecenta, Obolos sexcentos Fannius.

Accipe præterea, quam paruo nomine Graij.

Mnam uocitant, nostri que minam dixere priores.

Centum hæc sunt drachmae. quod si decerpseris illis

Quattuor, efficies hanc nostram denique libram:

Attica quæ fiet, si quartam dempseris hinc, mna.

Intelligo autem, Fannium, tam cum dixit Graiam, quam Atticam, de Attica mina intellexisse, aut intelligere debuisse. conicio autem ex his, quæ in sequentibus dicam, (quod etiam ex coniectura dictum fuisse uolo) apud Athenienses duas fuisse minas, unam drachmarum quinque & septuaginta, & hanc ante Solonis leges, alteram centum & hanc post leges & tempora Solonis. Quia constat ex is etiam, quæ Plutarchus in illius uita tradidit, Solonem Atheniensibus mensuras & pondera auxisse. Cum autem Fannius asserat, minarum Graecarum unam fuisse drachmarum LXXV. alteram centum, nec ullum aliud incrementum minæ aut ponderum appareat,

pareat, necessario quodammodo intelligendum est incrementum fuisse in mina, ut ipsa a drachmis quinque & septuaginta ad centum aucta fuerit: quia aliud, ut dixi, incrementum non apparet, quod sciam. Hinc ergo exorta fuisse conicio talenta illa duo, a Seruio, lib. 5. & 9. Aen. in controuersiam allata, non tamen recte explicata, ut iuniores quoque demonstrant, paruum, inquam, & magnum, ita differentiae causa appellata, nam praesuppono, ueritate non laesa talentum, quod hodie paruum seu sexaginta minarum in Attica fuisse dicitur, ab initio minarum extitisse octoginta, earum scilicet, quae ex drachmis LXXV. constabant, hucq. spectare Fannij carmen paullo ante relatum.

Attica quae fiet si quartam dempseris hinc, mina. Cum autem mina ad drachmas centum aucta fuit, factum est alterum talentum maiorum quidem minarum, numero tamen octoginta, sicut & primum, illudque primum remansit minarum auctarum sexaginta. nam si octoginta quinquagies & septuagies numerabis, sex millia habebis. Quod autem utrumque talentum maius & minus, idest unum minarum Atticarum sexaginta, alterum octoginta apud Athenienses fuerit, constat aperte, si sententia Suidae & Diodori supra relata, & Iulij Pollucis paullo post referenda, necnon Fannij, qui testantur talentum Atticum fuisse minarum sexaginta, cum Liuii dictis conferatur. is enim referens leges & condiciones pacis a S.P.Q.R. Antiocho datas, ita inquit: Argenti probi Attica talenta XII. millia dato intra duodecim annos pensionibus aequis talentum ne minus pondo octoginta Romanis ponderibus pendat. ex cuius dictis aperte constat, talentum minarum quoque octoginta apud Athenienses fuisse: quod maius, ad illius, quod esse minarum sexaginta, differentiam, appellatum fuisse conicio. ideoque senatum uerba illa, Ne minus pondo octoginta Romanis ponderibus pendat, apposuisse credendum est: quia sciebat alterum apud Athenienses talentum diuersi & minoris ponderis esse: ne dubitari contingeret, de quo actum fuisset. De hoc autem talento octoginta minarum puto Terentium intellexisse in Phorm. actu 4. sce. 3. dum dixit: Si quis daret Talentum magnum: & Virgilium Aen. 5.

Vinaque & argenti magnum dat ferre talentum. Et rursus lib. 9.

Et tripodas geminos, auri duo magna talenta. Nec me mouet, quod ex Plauto in Mostellaria colligi uideatur, talentum magnum minarum fuisse sexaginta, eo quia seruus Tranio actu 3. scen. 1. Interrogatus a Teuropide, quanti filius aedes emisset, respondeat:

Talentis magnis totidem, quot ego & tu sumus. de quibus cum iam dixisset, sumpsisse foenori a danista, & soluisset, minas quadraginta, paullo post senex residuum precii soluturus, & quantum uenditori adhuc deberetur, exprimens, ita inquit. Nempe octoginta debentur huic minae. cui seruus respondens subiunxit, Aur nummo amplius. ex quo constare uidetur, illa duo magna talenta centum & uiginti minarum fuisse: quia mendax & turbulentus seruus nihil magis quaerebat, quam senem inuoluere: ut illius praecedentia uerba declarant. Quid agam nunc iam?

Nisi in uicinum hunc proximum mendacium,

Eas emisse aedes dicam huius filium.

Callidum Hercle audiui esse optimum mendacium.

Ideoque semen in dinumeratione errantem non admonuit. cum constet errasse ex praedictis. Talentum quoque Euboicum fuisse legitur apud Liuium: quod ego eius ponderis fuisse conicio, cuius Atticum maius, nempe minarum Atticarum octoginta, illarum inquam, quae ex drachmis centum constabant: quod quidem non solum ex locorum uicinitate existimo, sed ex Liuij uerbis, is enim lib. 37. condiciones pacis a consule, Antiochi regis legatis oblatas referens, inquit Europa abstinet, Asiaque omni quae cis Taurum montem est, decedite: pro impensis deinde in bellum

in bellum factis quindecim millia talentum Euboicorum dabitur, quingenta praesentia, duo millia & quingenta cum S. P. Q. R. pacem comprobauerit, mille deinde talentum per duodecim annos. Haec autem XII. millia talentum, quae hic Liuius appellat Euboica, illa eadem esse existimo, quae sequenti libro senatus, oblatas a consule pacis condiciones secutus, pensionibus aequis intra annos duodecim solui imperauit, quae Liuius in eo senatus P. Q. R. decreto, ut paullo ante retuli, Attica uocauit: ut facile coniectari liceat, Euboicum, & maius Atticum talentum eiusdem ponderis fuisse. Ceterum intelligo cum Prisciano Caesariensi lib. de ponderibus, inter talentum Atticum minarum octoginta & libras Romanas octoginta differimen librarum trium & trientis librae intercesse: quia ex iis, quae dixi, constat, minam Atticam (intelligo postrema) semuncia, siue drachmis quattuor Romana libra maiorem fuisse, ex quo excessu in minis octoginta, unciae quadraginta, idest librae tres & triens constituuntur. sed in eo, quod Priscianus subdit, senatum decreuisse, ut non plus, quam ternae librae & quaternae unciae singulis desint talentis, in hoc non consentio, nec Liuius hoc dicit, nec ex decreti uerbis colligitur. siquidem decreti uerba excludunt, ne talentum minus sit pondo octoginta, non autem includunt, ut non maius octoginta pondo talentum esset, si in talento maius pondus inesset. talenta enim Attica, ita ut erant, fuerant imperata. sed, dubitationis tollendae causa, ut praedixi, adiectum fuit, ne minus pondo octoginta talentum esset: quia aliud minus sexaginta minarum erat. Sed &, quae ibi Priscianus de denariis subiunxit uera non esse, ex supra relatis facile colligitur, quae a iunioribus quoque improbantur.

Aegyptium quoque Talentum fuisse, Plinius lib. 33. c. 3. his uerbis testatur. Talentum autem Aegyptium pondo octoginta capere, Varro tradidit. de pluribus quoque talentis meminit Iulius Pollux lib. 9. a Budaeo iunioribusq. relatus, sic dicens. Hoc utique dicere non intempestiuum erit, quod Atticum talentum sex millia drachmarum ualebat Atticarum, Babylonium uero septem millia, Aeginaeum decem millia, Syrium mille & quingentas, secundum Atticae drachmae rationem. Meminit & de alio talento Vitruuius supra relatus, quod esset librarum CX X. lib. 10. c. 21. de machina testudinea loquens, his uerbis: Gubernabant eam homines centum, habentem pondus talenti quattuor millium: quod fit CCCC LXXX. pondo, idest quadringenta octoginta millia pondo. nam in emendatissimo codice, quem in opido Toletio uidisse se mihi asseruit uir doctissimus Petrus Ceconus, littera, M, supra numerum notata inspicitur, & sane aliter intelligi non potest: cum alioqui talentum illud fuisset drach. undecim & scripuli ac scripuli quincuncis quod nemo dicet, qui machinae illius magnitudinem intelligat.

Ponderum medicorum epitome.



INA medica habet uncias sexdecim: libra habet uncias duodecim, uncia drachmas octo, drachma scripula tria, scripulū obolos duos, obolus duos semiobolos, semiobolus siliquam unam & dimidiam, siliqua grana quattuor. Haec autem probantur ex his. Dioscorides libello de ponderibus, de quo supra: Mina secundum medicorum usum habet uncias sexdecim, idest drachmas 128. Italica autem uncias 18. hoc est libram unam semis. drachmas 144. Alexandrina mina habet uncias uiginti, drachmas 160. Cleopatra ubi supra: Mina nomen pondus, habet uncias sexdecim, drach. 128. scripula 384. Et paullo post. Prolemaica uncias decem, & octo drach. 144. scrip. 432. quo in loco animaduertendum quod Cleopatra appellat Prolomeicam minam, quam Dioscorides appellauit Italicam, seu eas parificat. Galenus lib. 2. de compo-

de compositione medicamentorum secundum genera, in hoc medicamento heras, manifeste uidetur uelle, minam esse sexdecim unciarum. nisi enim uoluisset hoc, sex tam decimam minae partem non scripsisset. Hoc in loco animaduertendum duxi, medicos unciam & scripulum, a Romanis mutatos esse, cum Graeca pondera non sint, ut supra ostendi.

Hippoi atricorum, siue ueterinariorum ponderum epitome.



INA habet uncias quindecim, libra drachmas nonaginta, uncia drachmas septem & dimidiam, drachma scripula tria, denarius scripula quattuor, scripulum obolos duos. Haec ab ignoto Graeco in dicto libello de ponderibus, qui Galeno inscribitur, in quo & Graecorum ponderum notae sunt omnes, quas hic describere libuit.

Μ	Mna.	λ	Olce idem quod drachma.
γ	Libra.	ϛ	Gramma, siue scripulum.
δ	Vncia.	ο	Obolus.
ρ	Drachma.	ϙ	Diobolus.
		κε	Ceratum, siue filiqua.
		χ	Chalcus.



LVCAE




Doliū sesquiculleare
 Altitudinis P quing et trictis
 Latitudinis tantā de extrisecus
 Testa digi duoz crassita



Altitudinis P 2
 Lat. P 1



Doliolum Altitudinis P 3 et trientis
 Latitudinis tantūdem et Bessis



Alti. P 3 et trictis
 Lat. P sextan
 tis

H

Schema legitimi Pedis



Mensura Palmi quo hodie Ro: Architecti utuntur

Mensura Colotiani et Statiliani Pedis


Schema maioris Catusdam Pedis p[ro]p[ri]et[ati]s temp[or]is crediti

Schema Semissis lapidei


Schema quadratis aerei




P.M.




P.C.



A P I D E A R V M A N T I Q V A R




PXXX




Ne putes
Lector can dide quae
Hic corrupta leguntur
Impressoris vitio facta scies ita in
marmore legi

VASA FICTILIA



Ex aedibus nob. Francisci Porcii.



Ex aedificiis nob. Francisci Petrii.

CONSELYS
Ex aedificiis nob. Francisci Petrii
Classicae Zamey

IMP CAESARE
VESPAS VI COS
T CAES AVG FIII
MENSURAE
EXACTAE IN
CAPITOLIO

PX



Ex aedibus nob. Francisci Porcii.



LVCAE PAETI IVRISCONS.

73

LIBER SEXTVS.

VARIAS LECTIONES CONTINENS.

Declarata & a Plinio defensa Virgillii carmina:

Humida solstitia, atque hiemes orate serenas

Agricolae. hiberno lactissima puluere farra.

AD NOBILISSIMVM, PRVDENTISSIMVMQ. VIRVM
HORATIVM NARVM.



VAESIVISTI a me, optime Nare, quid sibi Virgilius uoluerit Georgicorum I. dum inquit:

Humida solstitia, atque hiemes orate serenas.

Agricolae. hiberno lactissima puluere farra.

Ego, etsi in ea re non multum mihi tribuam, tamen, ut tibi, cui ob summam erga me beneuolentiam multum debeo, & quem summe diligo, satisfaciam, quid sentiam, explicabo. scio autem te, qui astronomiae studia non perfunctorie delibasti, probe nosse, solstitiorum duo esse tempora, unum iuxta Hipparchi sententiam, quam hodie sequuntur astronomi, cum sol primam capricorni partem attigerit, alterum cancri. etsi Plinius lib. nat. hist. 18. c. 25. iuxta Eudoxi & Metonis sententiam, in fastis relatam, ut Columella lib. 9. c. 14. & cum eis Martianus Capell. de nuptijs philolo. lib. 8. in octaua eorum signorum parte confici fuerint arbitrati, duodecimq. dies singulo solstitio tribui, in quibus sol ita sensim mouetur, ut progredi aut regredi non uideatur. Excludo igitur, Virgilium de aestiuis solstitialibus diebus sensisse: quia docet nos usus, & rerum magistra experientia, ea tempora siccissima desiderari, ut optime nouerunt agricolae. pluuiæ enim tunc perniciosissimæ esse dignoscuntur, tum quia demessa frumenta uel in agris iacent, uel in area trituantur, tum quia, si pluuiæ eo tempore euenerint, gramina statim subnascuntur, & herbae reuirescunt, quæ uetant stipulas & agros comburi: quorum incendium agricolis prodesse, idem poeta testatur, & fieri mandat his carminibus:

Saepe etiam steriles incendere profuit agros,

Atque leuem stipulam crepitantibus urere flammis.

Cum & tertio, quia statim, postquam Virgilius ipse humida solstitia optari iussit, de hieme meminit, quasi declarare uellet, de quibus solstitialibus diebus intellexerit. Ut igitur de hiemalibus solstitialibus diebus eum sensisse dicamus, ratio quaerenda est, cur ea solstitia humida hiemesque serenas desiderandas praeceperit. Et quidem sciendum existimo, semina eadem, prima sementi fata, citius, postrema, uel etiam media, serius e terra prodire. ideoque Columella lib. 2. c. 9. prima sementi rarius, nouissima spissius semen spargi praecepit: siquidem putauit, & recte, semen, postremo

K mo

mo tempore satum, serius erumpere, ideoque non paruum eius partem inter nascentem interire: unde & prouerbii in modum apud omnes usurpatum fuit, tempestiuam sementem saepe fallere, serotinam nunquam quin mala sit. frigus enim & gelicidia serius sata semina facile corrumpunt, & erumpere non sinunt, quod proprium est temporis & humidum. ideoque idem Virgilius eodem libro ita praecipit.

Nudus ara, sere nudus: hiems ignaua colono. Ad demonstrandum igitur, qualis esse deberet felicissimus frugibus annus, iussit poeta agricolas orare solstitia, idest hiemales solstitiales dies humidos. nam si humidum, ex necessaria quodammodo consequentia sine glacie, Africo, Austro & Euro flantibus, qui tepidas pluuias nobis adducunt: quo humore & tepore euocata, serotina etiam semina ex terra facile prodeunt. nam sicut frigoris adstringere, & includere, ita teporis aperire, & euocare proprium est. quibus etiam serotinis seminibus e terra natis, quia hiems continuo post solstitia sequitur, tunc ut serotinae & tempestiuae sementi consulatur, serenam eam hiemem optandam praecipit: ex qua serenitate, ut re ipsa comperimus, nascuntur gelicidia terram adstringentia: quibus gelicidiis, a Sole & tepore diurno liquatis, terra, quae glacie adstricta fuerat, relaxatur, atque ita fermentatur, ut sarrita uideatur: & tandem, iteratis uicibus, humore superficie renus consumpto, tellus ipsa in puluerem redditur: sicque efficiuntur hiberno laetissima puluere farra: unde messis uberrima, qualis in Gargaro monte, sequetur. Nec me mouet aduersus hunc Virgilii locum Plinii sententia, dum lib. 17. c. 2. inquit: Ergo, qui dixit hiemes serenas optandas, non pro arboribus uota fecit, nec per solstitia imbres uicibus conducunt. hiberno quidem puluere laetiores fieri messes, luxuriantis ingenii fertilitate dictum est. alioqui uota arborum frugum communia sunt, niues diutinas sedere. Haec ille. Quibus uerbis Virgilium de tribus redarguisse uelle uidetur, primum, quod uotum ipsius arboribus non conueniat: secundum, quod optare hiemes serenas, fuerit ingenii luxuriantis, cum id segetibus non conueniat: tertium, quod uotum, quod commune est arboribus, & satis, Virgilius omiserit, hoc est, ex eius quidem sententia, ut hieme niues sedeant diutinae. Nam, quod ad primum attinet, certissimum esse arbitror, Virgilium eo in loco de arboribus non sensisse, de quibus sequenti libro seorsum a primo tractare uoluisse aperte indicat illius carmina in libri principio.

Haecenus aruorum cultus, & sidera caeli:
Nunc te Bacche canam, necnon siluestria tecum
Virgulta, & prolem tarde crescentis oliuae.

Vere igitur in hoc Virgilium reprehendi non oportuit: quia de arboribus non sensit: etsi uotum ipsius arboribus quoque conueniat, ut paullo infra demonstrabo. Secundum, scilicet quod hiems serena puluerulenta segetibus non conueniat, cum illae niues desiderant: non minus, quam primum, iniustum esse arbitror. nam etsi uerum sit, quod in cisalpina Gallia, locisque montanis plurimum segetibus niues hibernae & diutinae soleant prodesse: non tamen Virgilius illis, sed Romanis & Latium incolentibus sua praecepta tradere uoluit, ut aperte testatur Georgicorum inscriptio ad Maecenatem, uirum apud Augustum primum, & Romae degentem.

Quid faciat laetas segetes, quo fidere terram
Vertere Maecenas, ulmisque adiungere uites
Conueniat, quae cura bouum, quis cultus habendo
Sit pecori, atque apibus quanta experientia parcis. Quod etiam clarius lib. 2. demonstrauit, ubi aperuit de qua Italiae parte loqueretur, dum dicit.

Hic uer assiduum, atque alienis mentibus aestas
Bis grauidae pecudes, bis pomis utilis arbor. Quae descriptio circumpadanis aut montanis regionibus non conuenit. Et paullo interius, postquam ad totius Italiae laudes digressus fuerat, ad Latium rediens, cuius agricolis praecepta dabat, ait.

Salue

Salve magna parens frugum, Saturnia tellus,
 Magna uirum: tibi res antiquae laudis & artis
 Ingredior, sanctos usus recludere fontes,
 Altraeumque cano Romana per opida carmen'. Et non multo post.
 Sin armenta magis studium, uitulosque tueri,
 Aut foetus ouium, aut urentes culta capellas,
 Saltus & saturi petito longinqua Tarenti,
 Et qualem infelix amisit Mantua campum.

Quibus postremis carminibus cum illis aperte loquitur, quibus Tarentina & Mantuana pascua sunt longinqua, ut Latium esse apparet quod in utriusque agri medio consistit. Ut igitur affirmemus, quod negari sine cauillatione non potest, Virgilium de colonis Latii & agri Romani sensisse, in quo niues uix semel in lustro, & tunc mora unius aut alterius diei, conspiciuntur: remanet, & in hoc secundo Virgilium recte serenas hiemes satis frugibusque desiderasse, & praeceptum illius non luxuriantis ingenii, sed recti iudicii extitisse. Ut interim omitam, quod in Latio, ubi armenta & oues hieme sub dio, & non sub recto continentur, & non arido pabulo, ut in circumpadanis, sed uiuentibus herbis pascuntur, si quis niues in eo uel per quadrimum permanentes desideraret, quadrupedum, & praecipue bouum precaretur interitum: adeo, ut nisi in sequenti anno peregrini boues compararentur, terra inculta remaneret. Ex quibus tertium quoque obiectum diluitur. nam si niues in Latio, ubi uer perpetuum, ex recitata sententia est, diutinae sederent, ut ipse Plinius peroptandum esse suadere uidetur: arbores, quibus mutatio consuetudinis non minus, quam hominibus, nocere solet, dicente eodem poeta Geor. 2. (loquitur autem de arboribus ex seminario transferendi.

Quin etiam caeli regionem in cortice signant:

Vt quae quoque modo steterit, qua parte calores

Austrinos tulerit, quae terga obuerterit axi.

Restituunt. adeo in teneris assuescere multum est.

Si diutinae inquam niues in Latio iacerent, ipsae quoque arbores niue insolita afflictae interirent. His igitur confutatis, concludendum esse arbitror, nil melius nilque aptius segetibus & arboribus optari potuisse quam quod Virgilius optauit, Pliniumque ipsum sua ipsius sententia conuinci. is enim post locum supra citatum ita inquit: Hiemem aquiloniam esse, omnibus satis utilissimum. imbres enim tunc ex petendi euidentis causa est, quoniam arbores foetu exinanitas, & foliorum quoque amissione languidas, naturale est auide esurire. cibis autem earum imber. quare tepidam esse hiemem, ut, absumpto partu, arborum sequatur protinus conceptus, id est germinatio, ac deinde alia florescendi exinanitio experimentis creditur. quin immo, si plures, ita continuentur anni, etiam ipsae moriuntur arbores: quando nemini dubia poena est in fame laborantium. Haecenus Plinius: Qui his uerbis putat hiemem debere esse aquiloniam, & humidam, necnon frigidam, quam tamen aquiloniam supra ostendi necessario in Latio siccam esse, cum frigida & pluuiosa tempora in hieme diu in Latio simul esse non possint. & licet Plinius rationem, quare hiemem aquiloniam desideret, expresse non aperiat: tamen ex illius uerbis clare colligitur, dum dicit: quare tepidam esse hiemem, ut, absumpto partu, protinus sequatur germinatio, & deinde alia floriscendi exinanitio, inutilissimum experimentis creditur. Aquiloniam igitur eam desiderat, ut frigida sit, & tepidam damnat, pluuiam autem post autumnum necessariam putat, ut arbores foetu exinanitae & esurientes, potu & imbre saturentur. si igitur eius traditiones uerae sunt, ut & ueras esse arbitror: certe nihil melius, nec aptius etiam, ex eiusdem Plinii sententia, arboribus, quae in Latio sunt, optari potuit, quam ut solstitiam, quae inter

K 2 autumni

autumni finem & hiemes initium sunt, ut alibi demoſtraui, humida eueniant, unde arbores, fructuum partu, & foliorum amiſſione languidae, & exinanitae, imbre & humore ſaturentur. quo quidem humore ſaturatae, ſi hiems Aquilonia (quam, ut dixi, in Latio ſiccā, & ſerenam eſſe, uſu & experientia cognoscimus) ſubſequatur, arbores ipſae alimentum a praecedentibus imbribus aſſumptum, hiemis frigore coercitae, in ſe egregie concoquunt. eoq. concocto humore grauidae, adueniente uere, partum edunt generoſum. quo alimento & partu tam modulate tamq. aequaliter impertito minime laborare, ſed diu & feliciter uiuere poſſe credendum eſt. ſicque Virgilij uotum frugibus & arboribus commune eſſe intelligo. & iniuſte a Plinio, ipſius Plinij ſententia, damnatum fuiſſe defendo. Vale, & me, ut ſoles, ama.

De anni 1569. qualitate.



ANnus a Chriſti, ſeruatoris noſtri, natali ſeſquimilleſimus ſexageſimus nonus, mihi diſſicilior & inclementior uiſus eſt omnibus, quos ab annis quadraginta citra praeteriuerim: ſiquidem ab initio Ianuarii menſis temperatus potius quam frigidus fuit, pluuiſus adeo, ut quidam occulti fontes in capite Circi maximi, iuxta molendinum illorum de Conradis exiſtentes, qui, ut a maioribus acceperam, & obſeruatione uerum eſſe compereram, cum apparent, annonae futuram caritatem, & penuriam designant, nempe quia aquae abundante pluribus in locis ibi de repente ſcaturierint, nec uſque in futuram hiemem manare deſierint flores amygdalarum, quas nuces plurimas Virgilium appellauit crediderim, qui ſe aſſatim oſtenderunt, humido perierunt omnes, perſica, pruna, cydonia ſpem ſefellerunt. frumenta, & ſata omnia, quae optimam ſpem tota hieme, & maiori parte ueris praebuerant, adeo rubigine & calamitate infeſtata ſunt, ut ſuperiorum annorum frumenta, quae pondere & bonitate praecellebant, ſcutis octo, hornotina uero ſcutis ſeptem, ordeum ſcutis quattuor, auena ſcutis tribus, rublis ſingulis publice & communiter inter mercatores uendita fuerint. licet prouidentia optimi principis Pii quinti Pontificis max. qui horrea ex collatis a ciuibz nobilem agriculturae artum exercentibus, ac etiam mari terraque longe inuectis frumentis, conſtituit, & furnarijs, quantum ſat eſſe uideretur, Iulijs quinquagintaquinque in ſingula rubla admetiri iuberet panis in plateis & furnis abundanter exſtiterit, ut ſingulis bolonenſis unciae octo appenderentur, ita tamen ut extra urbem etiam operarii uinearum abſque annonae Praeſecti licentia, non niſi quantum quiſque ſibi bolonenſis quinque pararet, extrahere poſſent, adhibitis etiam ea de cauſſa cuſtodibus, (opidanis territorij, qui uix ad duas anni partes frumentum collegerant non parum laborantibus) pyra modica, mala multa, nuces iuglandes, & caſtaneae multae, aeſtas non feruida, ſicca tamen, ut ab initio menſis Martij, uſque in menſem Octobrem, pluuiarum, exceptis modicis & nocentibus in menſe Maio, deſideratae fuerint. Ficus permodicae, & uitatae, uini pluribus in Latio deſuit pars tertia, reliquis dimidia, trans Tiberim non ita, ſed aliqui fere ad praeteritorum annorum menſuram collegerunt. Quorum Octobri & Nouembri menſibus ea raritas, ut quattuor ſingulis Iulijs paſſim emerentur. Olei caritas, & in multis locis penuria. Pueri uiri-que & mulieres Puſtulis, quas uariolas appellant, cum multorum tum in urbe tum in opidis interitu (nam etiam in hoſpitalibus curabantur) ſummopere laborarunt, ut aliqui eo morbo quattuor, alij quinque filios deſiderauerint. Septembri menſe Eurus, quem Syrochum appellant, uehemens, ſiccus, & pertimendus. Circa decimum Octobris diem lenis pluuiarum, quantum ad ſata herbaſq. uix ſufficeret, deinde ita lenes, & rae, ut ad uigeſimum Decembris diem terra etiam culta adhuc

infra

infra trium nostri, temporis palmorum spatium arida reperiretur. Turdi, palumbes, anates, paucissimae. Porci multi, & pingues, quales non ante per decennium. Bruma niuib, gelicidiis, maximoque & ingenti frigore abundans exstitit. post brumam pluuiar multae. Et de hoc haecenus.

*De anni 1570. qualitate deque erucis
& conuoluulis.*

N N v s hic ex diametro fere cum praecedenti pugnavit. licet enim fuerit ab initio pluuiosus, uere tamen, aestate, & autumno usque ad Nouembris Kal. siccissimus exstitit, frumenti, uini, olei, pomorumque omnium copiosus. Vnum tamen habuit inauditum, quod nec etiam memoriae proditum memini me legisse. Bestiolae quaedam, Romae uulgo Magnacotiae appellatae, ab eo, ut arbitror, quod teneros uitium oculos manducet (peculiaris uinearum morbus) quas a Latinis Erucas, a Graecis Campas appellatas fuisse crediderim, quae ex rore sole concreto generantur magnitudine fere seminis siluestris foeniculi, pilosae, subnigrae, arcuatimque se mouentes, eae bestiolae in turgentibus uitium oculis se insunt, eosque penitus erodunt, ita ut spem omnem auferant non solum uindemiae instantis anni, sed etiam legumi in sequentis anni fructuarii. sole incalcescente uagantur, & erodunt, nubilo caelo & noctu intra cortices uitium, & foraminula, quae ex ueteri uitium praecisione apparent, se abscondunt, & iterum sole incalcescente ad pascua redeunt. Has quidem solertes agricolae, quo tempore apparere incipiunt, diligenter perquirere, & inuentas (ne dum eas auellere conantur, uitium oculis, in quibus plerumque infixae reperiuntur, nocent) tenuibus uirgulis, uisco illitis, colligere consueuerunt, & cum abundauerint, uitem inter nouum palmitem & uetus brachium uisco circumdare, ita illis ascensum ad turgentes gemmas per aliquot dies prohibentes. Sed harum, de quibus loquimur, Erucarum tanta hoc anno, praesertim in quibusdam transiberinis partibus, copia fuit, ut nulla humana diligentia, nulloque remedio arceri potuerint. non enim uites tantum occupabant, sed per terram multis in locis prorepentes, formicarum more itinera terebant, ita ut multi desperato auxilio, uineas deseruerint, alii uero, qui pertinacius curam adhibere uoluerunt, maxima pecunia impensa, diligentia frustrati, impensam & operam perdiderunt. eae namque adultae bestiolae, quod nusquam antea a uiuentibus uisum, uel auditum fuerat, arundines, quibus uites pedantur, ascenderunt, inq. superiores praecisos arundinum internodios, una supra aliam se condentes, & quasi araneis telis se inuoluentes, corricem instar tenuis membranae singulae circa se obdixerunt, indeq. immobiles factae, post aliquot dies mutata forma, membranula praerofa, papiliones effecti, coloris partim cineracii & subnigri, partim etiam nigri euaserunt, circumq. uitium crura, & proxima uirgulta euolantes, & oua, ut creditur, parientes, extincti sunt. Rursusq. ex ouis (ut bombycum exemplo coniectari licet) circa Iunium mensem aliae erucae exortae sunt, quae folia etiam grandiora uitium repullulantia consumentes, immaturas uuas, quae pertinaciter a prima generatione supererant, umbra spoliarent: rursusq. ut primae conditae, & in papiliones uersae & extinctae, tertio circa Septembrem mensem prodierunt, quae denuo ea, quae remanserant, & renata fuerant, folia erodentes, ita uuas complexae sunt, licet non laederent, ut etiam auidi uindemiares ab illarum esu inuiti abstinerent: quin etiam, cum separari ab uuis, non nisi cum magno negotio possent, cum uuis calcatae, uini saporem infestauerunt. Mirum hoc, & ut dixi, inauditum omnibus uisum est, mihiq. praecipue,

praecipue, ideoque perquirendi ansam accepi, numquid & istae bestiolae antiquis cognitae fuissent, & an etiam in uineis & quibus remediis se aduersus eas tutari consueuerint. Et quidem perquirendo inueni Aristotelem lib. 5. de animalibus c. 19. ita de eis scripsisse. Nascuntur papiliones ex erucis, erucae ex uirentibus foliis, maxime brassica. primum minus quid milio consistit in folio, mox uermiculi inde contrahuntur, & accrescunt, tum intra triduum eruculae efformantur, quae auctae motu cessant, suaeque forma immutantur, appellanturque tantisper chrysalides, quasi aurelias dixeris. duro intectae putamine, sunt ad tactum mobiles, meatibus araneosis obductae, non os, non aliud ex membris, quod conspicuum sit: possident: longo post tempore putamine obrupto, euolant inde animalia pennigera, quae papiliones uocamus. itaque primum, dum erucae sunt, cibo aluntur, atque excrementum emittunt: at uero, cum in aurelias dictas transferint, nihil uel gustant, uel excernunt. Et paullo post. Quin etiam Superae & Aciae dictae, quibusdam eiusmodi alijs generantur erucis, quae undent in gressu. parte enim innitentes priore, contrahunt sese, aduehentes posteriorem, arcuatimque incedunt. uerum quaeque orta, sibi colorem a sua eruca trahunt. Haecenus Aristoteles. unde Plinius sumpsisse uidetur, quod lib. 11. c. 32. scriptum reliquit. Multa, inquit insecta aliter nascuntur atque in primis ex rore. Insidet hic Raphani folio, primo uere, & spissatus sole in magnitudinem milii cogitur: inde porrigitur uermiculus paruus, & triduo mox eruca, quae adiectis diebus accrescit, immobilis duro cortice. ad tactum tantum mouetur aranei haec eruca, quam chrysalidem appellant: rupto deinde cortice, uolat Papilio. Haec Plinius. ex quorum collatione locorum colligi licet, id, quod de uirentibus foliis, & maxime brassica dixit Aristoteles, Plinium omisisse uirentibus alijs, de raphano prodidisse. Item illud, Plinium, dum dicit ad tactum tantum mouetur aranei, uel aliunde sumpsisse. Haec generatio nostris Magnacotiis, ut retuli, ad amissim conuenit, quam ob rem de identitate, Latinoque nomine dubitandum non puto, si probabimus istas easdem uineis infensas fuisse: quod quidem paruo negotio demonstratur ex Palladio de re rust. lib. 1. c. 31. dum inquit: Campas fertur euincere, qui fusticulos allii sine capitibus per horti omne spatium comburens, nidorem locis plurimis excitarit. si contra easdem uitibus uolueris consulere, allio trito falces putatoriae feruntur unguendae. Haec ille. nec dubitandum puto, Erucas & campas idem esse, ex Columella lib. 11. c. ult. ad si. ait enim. Vbi uero apricis regionibus post pluuias noxia inceserunt animalia, quae a nobis appellantur erucae, Graece autem campae nominantur, uel manu colligi debent, uel matutinis temporibus frutices olerum concuti. His igitur cognitis, quibus aduersus eas remedijs uterentur antiqui, non ab re putauit, quaerere. Et quidem Columella, loquens de iis, quae oleribus nocent, erucis, post proxime relatum locum ita subiungit: Id tamen superuacuum est facere, si ante sationem, semina, ut i iam praedixi, succo herbae sedi macerata sint. nihil enim sic medicatis nocent erucae. Cui remedio & aliud superstitiosum ex Democriti sententia subiungit, de quo & Plinius lib. 17. c. 28. Idemq. Plinius lib. 19. c. 10. de eisdem loquens ita refert. Naporum medicina est, siliquas una feri, sicut olerum cicer. arcet enim erucas: quo si omisso iam natae sint, remedium absinthii succus decocti inspersus, & sedi, quam aizoum uocant: genusho c herbae diximus. semen olerum si succo eius madefactum feratur, olera nulli animalium obnoxia futura tradunt, intotum uero nec erucas, si palo imponantur in hortis ossa capitis ex equino genere, feminae duntaxat. Aduersus erucas & cancrum fluuiatilem in medio horto suspensum auxiliari narrant. Sunt qui sanguineis uirgis tangant ea, quae nolunt his obnoxia esse. Haecenus ille. Palladius uero loco supra a me citato ita ait. Contra erucas semina, quae

quae spargenda sunt, semper uiuae succo madefiant, uel earum sanguine. Quod postremum Palladii remedium ridiculum puto. cum haec animalia sanguine careant. male enim ille locum intellexit, unde uertit, ut infra de aliis apparebit. Idem paulo post illud quod supra de fusticulis alii, & de trito allio, uitibus medela, retulit, ita subiungit. Nasci quoque prohibentur, si circa arborum uel uirium crura bitumen & sulphur incendas, uel si ablatas de horto uicino campas excoquas aqua, & per horti tui spatia uniuersa diffundas. Et paulo post Democritus asserit, neque arboribus, neque satis quibuslibet noceri posse a quibuscunque bestiis, si fluuiatiles caneros plurimos, quos Graeci paguros nominant, non minus quam decem, fictili uasculo in aqua missos tegas, & sub dio statuas, ut decem diebus sole uaporentur, postea, quaecunque illaesa uolueris esse, ea a qua perfundas: & octonis diebus peractis hoc repetas, donec solide, quae optaueris, adulescant. Et non multo post. Campas nonnulli ficulneo cinere persequuntur: si permanserint, urina bubula & amurca, aequaliter mista conferueant, & ubi refrixerint olera omnia hoc imbre consperge. Haec ille: quae pro maiori parte ex Constantino, seu eo, quisquis sit, qui sub Constantini quarti Imperatoris nomine de agricultura scripsit lib. 5. c. 48. transtulisse eum apparet. cum quo tamen non concordat in eo, quod Palladius canerorum conspergionem octauo die repeti mandat, cum ille alternis diebus fieri praecipiat. Haecenus de erucis dixisse sufficiat, quas Catonis, Columellae, & Plinii temporibus uitibus non nocuisse existimo, cum eo tempore arbutiuis & iugatis uineis, quae se multum a terra extollebant, uterentur, quibus nec hodie nocere solent. Verum quoniam post illa tempora, instar prouincialium, pedatis & humilibus uitibus usi sunt, ut & nos utimur, (nam Palladium inter auctores non multum antiquos connumero) nocuisse credendum est: ideoq. omissa a Catone, Columella, & Plinio remedia, a Palladio aduersus eas prodita leguntur. sic & posteriores de eis meminerunt. nam Petrus Crescentius, qui de agricultura Italico sermone scripsit, lib. 4. c. 18. eas manu legendas, pedibusque conterendas, aut igne comburendas praecipit. Andreas uero Matheolus in Dioscoridem lib. 3. c. 97. in Thuscia uisco illis occurri. Verum antiquis (ne ipsos molestia caruisse quis putet) harum loco inferi si fuerunt inuoluuli, quos alii conuoluulos, alii uolucra, Palladius uero cantharides appellauit. ea enim bestiola est magnitudine paullo amplior tritici semine, longi rostri, instar curculionis, qui frumentum praerodit: aliae uiridis, aliae aurei, aliae caelestis, aliae uarii coloris, fulgentes omnes, & lucidae alas habentes, ut Scarabaei, ceteras: nocte & maturino tempore uagantur, & rostro pubescentes pampinos & teneras uuas, curculione in caulem infixio, praerodunt. necnon foliorum caules, in quibus solis auxilio miris modis, ad aestum euitandum, se inuoluunt & occultant, unde nomen sumpsisse uidentur ex Plauto in Cistellaria, actu 4. sce. 2. cuius haec sunt.

La. imitatur nequam bestiam,

Et damnificam. Ph. sed quidnam, amabo? La. inuoluulum,

Quae in pampini folio intorta implicat se, itidem haec

Intortam orationem exorditur sibi.

Cum autem animal istud hodie quoque uineis arboratis nocentissimum sit, non ab re esse putauimus, si de eo quoque quid scriptum inuenerim, recenseam. Cato de re rust. cap. 102. Conuoluulus in uinea ne fiat, amurcam condito. puram bene facito: in uas ahenum indito congios duos: postea igni leni coquito, rudicula agitato crebro, usque adeo dum fiat tam crassum, quam mel. postea sumito bituminis tertiarium, & sulphuris quartarium: conterito in mortario, seorsum utrumque, postea infriato quamminutissime in amurcam caldam, & simul radícula misceto, & denuo coquito sub dio. nam si in testo coquas, cum bitumen & sulphur additum est, excandescet. ubi erit tam crassum, quam uiscum, finito refrigescat. hoc uitem circum

cum caput & sub brachia unguito cōuoluulus non nascetur. Quem Catonis locum ad uerbum fere retulit Plinius dicto lib. 17. c. 28. declarans tertiarium pro tertia parte, quartarium pro quarta. Intellexi, ego eius amurcae, quae ad mellis crassitudinem coquendo fuerit redacta. Persequitur Plinius ubi supra: Quidam contenti sunt fumo huius misturae suffire uineas, secundo flatu, continuo triduo. Plerique non minus auxilij & adiuuenti arbitrantur in urina, quam Cato in amurca, addita modo aquae pari portione, quoniam per se noceat. Pergit idem: Alii uoluocem appellant animal praerodens pubescentes uuas, quod ne accidat, falces cum sint exacutae, fibrina pelle detergunt, atque ita putant, aut sanguine ursino liniri uolunt post putationem easdē. Haecenus Plinius, qui haec fere omnia ex Columella libro de arboribus, qui est omnium ultimus, c. 15. sumpsisse uidetur, ubi ille ita scriptum reliquit. Genus est animalis, Volucra appellantur, id fere praerodit teneros adhuc pampinos, & uuas, quod ne fiat, falces, quibus uineam putaueris, peraeta putatione sanguine ursino linito, uel, si pellem fibri habueris, in ipsa putatione, quoties falcē acueris, ea pelle acie detergito, atque ita putare incipito. Et haec Columella. Qua in re animaduertendum censeo, quod Plinius uisus est addubitaſſe an Catonis conuoluulus idem esset cum Columellae uolucro, cum de eis separatis nominibus uno eodemque cap. tractauerit. scripsit enim quae in utroque legerat, non curans an eadem essent uel diuersa. Ad Palladium redeo, qui ipsas bestiolas a coloris & formae, ut arbitror, similitudine, cantharides appellasse uidetur. is de his relato loco sic tradidit. Ne cantharides uitibus noceant in cote, qua falces acuntur, ipsae sunt conterendae. Sed Constantinus dicto lib. 5. c. 47. unde locum hunc Palladius sumpsisse uidetur, mandat cantharidas oleo macerari, eoq. oleo cotes, quibus falces acuntur, perungi. De inuoluulis quoque tractauit & nostris Cassaneus, satis admodum confuse, & corrupte antiquorum dicta referens, suo consilio super hoc edito, quod est omnium primum, ubi quaerit, an animalia uitibus & frugibus nocentia, per sacros nostros antistites & quomodo execrari debeant. Et haec de his, occasione ab anni qualitate sumpta, dixisse sat sit. Caeterum annus hic hominibus exstitit salubris. in quo anno illud quoque annotandum, & memoriae tradendum putauit, Romanum populum, quod felix faustumque sit, ad eum numerum auctum fuisse, ut hoc anno a festo Paschatis Resurrectionis Dominicae usque ad idem festum sequentis anni 1571. Romae comesta fuerint uaccae & boues numero duodecies millies & nonaginta, uituli undecies millies & trecenti octuaginta quinque, uerueces quater & uigeties millies quingenti & nouem, agni bis & quinquagies millies & trecenti quinquagintaquinque, haedi semel & quinquagies millies & trecenti, porci octies & decies millies centum & septem, bubalae, temporibus Plinij incognitae, nobis familiares, ducentae quinquaginta, frumenti cribrati & purgati ad molendum rubla centies decies septies millies trecenta septuaginta quattuor. ad quem numerum numquam haecenus a ducentis annis citra peruentum est. & hic est numerus, qui ex professione ad publicanorum notitiam peruenit.

De numero

De numero dierum, qui inter dictatoris intercalationem & nostra tempora intercedunt & demendi essent:

AD EXCELLENTEM PHILOSOPHV M ARTIVM Q. ET
MEDICINAE DOCTORE ALEXANDRV M PETRONIV M.



CUM mihi per Brumam quintanarium fieri timent, Alexander optime, pro tua prudentia, & tenuiorem uictum, & otium imperass, meq. saepius amanter, ut soles, inuiseres; ac sermo inter nos de Bruma intercalariisq. diebus incidisset, memini continuo uulgaris ueterisq. astronomorū querellae, quā & apud aliquos legērā, & saepius a peritis differentibus audieram, Solē a Caesaris dictatoris intercalatione citra adeo progressum, ut nisi denuo, intercaletur, futurū esse, ut festum natiuitatis seruatoris nostri Iesu Christi, quod hodie octauo Kal. Ian. celebratur, in uernū tēpus differatur. Quamobrē, negotijs uacuu, cupiens rei huius ueritatē, quantū in me esset, percipere, ad huius rei causas & rationes indagandas (etsi mihi id extra ollam & repagula esse scirem: quid enim homini ab ineunte aetate in iure & causis dicendis uersato, cum astronomia cōmune esse potest?) studium contuli, & tandē, ut arbitror, inueni, tantum abesse, ut quattuordecim, aut undeuiginti dies, ut aliqui memoriae tradiderūt, Sol a dictatoris intercalatione citra progressus fuerit, ut potius retrogressus, seu uerius minus sit progressus: nec illi dies, quibus Sol minus progressus est, quiq. de medio demendi uidentur, tot esse numero, ut praedicant, sed longe pauciores. Huius rei argumentū lumbam ex eo, quod uno ore astronomi asserunt, cursum solis, habita ēt ratione motus sphaerae stellarum fixarum, esse dierum trecentorū sexaginta quinq. & horarū sex fere. Io. a sacrobusto tract. de sphaera. c. 4. Orontius Fineus eodē tract. lib. 1. c. 5. fere enim dixerunt quia nō integrae sex horae sunt, sed paullo minus. cum aut Caesar dictator, ope & consilio Soligenis, eius rei, ut Plinius refert, lib. 15. c. 28. permissum, sublata pontificū intercalandi licentia, quae mirum in modū anni ordinē turbauerat, ut auctor est Suetonius in Dictat. c. 4. & Alcia: l. cum bis sexto de uerb. & rerū sig. quarto quoq. anno unum integrū diem addidisset, quasi integrae sex horae annis singulis de cursu Solis superessent, isq. esset, ut Celsus l. cum bis sexto, de uerbo. & rerū sig. testatur sexto Kal. Martias, & ita intāte ab inde citra relictū sit, nulla illius minus, quod est sex horarū, ratione habita secutū est, ut sex plus minusue dierū spatio Solus retrogressus, siue, ut uerius dicā, minus progressus sit, unde tēpora anni & sollemnia constituta, progressa esse uideant. Horum aut sex dierū fere numerus hac certa quidem apud me & inuitabili ratione deprehēditur. Brumā tempore Columella qui paullo post tēpora Dictatoris nō multo ante tēpora Plinii floruit, & ipsius quoque Plinii tēpore, qui sub Vespasiano Imp. militauit, & illi suū opus inscripsit, dupliciter, si ipsi Columellae & Plinio credimus, sumptā fuisse, ambigi non potest, cū scilicet Sol in Capricornū transitum faciebat, secundum Hipparchi sententiā, & cum Sol octauā eiusdem signi partem attingebat, iusta Eudoxi & Metonis opinionē. Verba Columellae sunt haec lib. 9. c. 14. de apibus. Ab occasu Vergiliarū ad Brumā, quae fere conficitur circa octauū Kal. Ian. in octaua parte Capricorni, iam recondito melle utuntur examina, eoque usq. ad Arcturi exortū sustinentur. Nec me fallit Hipparchi ratio, quae docet, solstitia & aequinoctia non octauis, sed primis partibus signorū confici. Verū in hac ruris disciplina sequor nūc Eudoxi, & Metonis, antiquiorēq. fastus astrologorū, qui sunt aptati publicis sacrificiis: quia & notior est ista uetus agricolis concepta opinio. Nec tamen Hipparchi subtilitas pinguioribus, ut aiunt, rusticorū litteris necessaria est. Et alibi lib. 1. c. 2.

L Quid

Quid quoque mense faciendū sit. x. v. i. Kal. Ian. Sol in Capricornum transitū facit, Brumale solstitiū, ut Hipparcho placet. itaque tempestatem saepe significat. Et paulo post: x. kal. Ian. Brumale solstitiū, sicut Chaldaei observant. Cui Chaldaeorum opinioni Plinius, qui frequenter Columellae opinioni aduersatur, adhaerens, lib. 18. c. 25. loquens de solstitiis, sic inquit. Omnesq. eae differentiae sunt in octauis partibus signorum Bruma Capricorni, ab v. i. i. kal. Ian. fere, aequinoctium uernum Arietis, Solstitiū Cancrī, alterumq. aequinoctium librae: qui & ipsi dies raro nō aliquos tempestatū significatus habent. Haec ipsi. Ex quorum attestationibus facile dignoscitur, quod siue Bruma fieret in prima parte Capricorni, iuxta sententiā Columellae, & Hipparchi: & ea erat x. v. i. kal. Ian. qui est decimus septimus Decembris dies. Et tamen hodie inter omnes constat, Solem Capricornum ingredi post undecimum Decembris diem: & sic inter illa & nostra tempora sex tantum dies plus minus intercedunt: siue etiam attendamus Chaldaeorum & Plinii rationem, ut scilicet Bruma in octaua signi parte fieret: cum ipsi asseuerent eam octauā partem Solē attigisse, octauo seu nono secundū Columellam, octauo secundū Pliniū kal. Ianuarias. ii sunt x. x. i. i. i. & x. x. v. Decembris dies, tunc: quia hodie, ut supputāt omnes, octaua pars signi a Sole circa decimum nonum eiusdem mensis diem occupatur. Idem discrimen dierum sex, plus minus, cuilibet supputanti apparebit. qui dies si de medio tollerentur, ad Dictatoris initiū reuenteremur. Verum, quia putauit Columella per Brumam ferro terram uerti non oportere, d. lib. 1. c. 2. loquitur autem de Bruma secundū Hipparchi opinionem, id est cum Sol primam Capricorni partem occupat, sic inquit. His diebus, qui religiosius rem rusticam colunt, nisi si uinearū causa pastines negant debere terram ferro commoueri: quod & sanxisse his numeris uidetur Virgilius de uitium satione loquens Geor. 2.

Nec tibi tam prudens quisquam persuadeat auctor,
Tellurem Borea rigidam spirante mouere.

Rura gelu tunc claudit hiems, nec, semine iacto,
Concretam patitur radicem affigere terrae.

Quia inquit, de Bruma istud praecepit Columella, nō ab re quaerendū putati (nam agricultura, ut nosti, plurimū delector) postquā principiū Brumae cognoui, finē quoq. illius indagare. Et quidē, ut arbitror, hoc nostro tēpore, quo anni mille quingenti septuaginta a Christi benedicti seruatoris nostri natali cōputantur, Brumā v. i. idus Ian. is est octauus Ianuarii dies, expleri puto, ex Columella paullo post proxime relatū locū. ait. n. Pridie idus Ian. incertus status caeli. per hos quoq. dies abstinet terre nis operibus religiosiores agricolae, ita tñ, ut ipsis kalendis Ian. auspicandi causa oē genus operis instarent, ceterum differāt terrenam molinonē usq. in idus. Ex cuius uerbis facile intelligitur, Brumam, cuius initium ipse loco supra citato, cum primam Capricorni partem Sol ingrederetur, constituerat, qui erat x. v. i. kal. Ian. & per quā terram ferro uerti uetauerat, idibus Ian. is est decimus tertius Ianuarii dies, finem habere: quo die licentiam uertendi solum ferro impertiebatur. a quo quidem tertio decimo Ianuarii die, si sex illi plus minusue dies, quibus solem minus progressum fuisse dixi, demantur, remanebit, quod paullo ante asserui, Brumā ex hac supputatione circiter octauam Ian. diem expleri, uel, si quis mallet Chaldaeorū sententiā sequi, ut in octaua signi parte Bruma conficiatur, (quod minus uerū puto) is finis tūc erat circiter uigesimum secundū Ian. diem, nunc autem circa sextū decimum Ian. diem absq. dubio fiet, quod & a uulgi instantis temporis opinione non abhorret. nam ea, quae a Bruma agricolis peragendas supersunt, quae post brumam inchoamus, post festum beati Antonii, quod decimo septimo Ianuarii die celebratur, uulgo, & profectumur, & auspicamur. Haec autem tuo iudicio (nam & huius quoque rei peritissimum te noui) submitto. Vale, & me, ut soles, ama.

LVCAS

LVCAS PAETVS

I V R I S C O N S.

DE RESTITVTIONE DVCTVS

AQVAE VIRGINIS.



Ivs Quartus Medices Pont. Max. cum plurimum aedificiis, publicisq. operibus delectaretur, inter alia, de restituendo aquaeductu fontis Virginis, opus a multis citra saeculis desideratum, cogitavit; cumq. de modo, & impensa tractaret, & quidam Architecti, calculo satis obscure inito, cum in multis subterraneis locis uestigia ductus non apparerent, & longe aliter progredieretur, quā ipsi designassent, opus xxiiii. millibus scutatis abunde perfici posse putassent, consilium tamen iniuissent petere xxx. millia, sperantes, quod supra esset, eis lucro cessurum: ipsi quidem Architecti uerentes id asserere, huic oblationi fiendae quendam Antonium Triuissum Licensem supposuerunt, hominem quippe satis temerarium, & qui Psyllorum more usus fuisset, per uicos, & plateas circuire. Qui Principe adito, sociisq., & magistris elusis, suo nomine repromisit opus xxiiii. millibus perfecturum. Adinuentis interim quibusdam non minus confidentibus, ne dicam temerariis fabris murariis, qui opere inter se, designatis, diuisisq. locis, repartito, 18. millibus se illud perfecturos repromittebant, oblati etiam sponforibus, quorum nomina Camerae Apostolicae, Romanoq. Populo, Triuissus se cessurum assererat, si fabris suo nomine pecuniae numerarentur; demonstrauiq. ita se cum lucro, & tute opus ad finem producere posse. Res uisa est Pontifici facilis, ideoq. onus pecuniae diuisit, ut scilicet Pontifex ipse tertiam, tertiam & Clerus, & reliquum Romanus Populus couerteret, uoluitq. & Pontifex opus hoc per Ro. Po. animaduerti, ut recte, & secundum legem a redemptoribus perficeretur. Et exinde re in concionem deducta, uisum est aliquibus opus expediri non posse, cum fontes, qui hodie sunt in loco nuncupato Salone, crederentur non esse illi, qui Aquam Virginem Romae tribuissent, sed illi, qui ad salinas iuxta portam Trigeminam, quae inter Auentinum, & Tiberim erat, aquam ab Appio Crasso, cui Caeco cognomen fuit, ductā exhibebant, moti cū ex uocis significatione (nam putabant Salonē a Salinis, ubi aqua terminabatur, corrupte dici) tum etiā ex dictis Iulii Frontini, qui satis aperte testatur, Appiam aquā concipi agro Lucullano, inter milliarium septimū, & octauum diuerticulo sinistrorsum passum septingentorum octuaginta, cuius etiam ductus uestigia adhuc hodie supra portam Capenam inspiciuntur. Cum idem de Virgine loquens, eā concipi uia Collatia, ad milliarium octauum testetur. Quem Frontini locum, Cardinalis Triuissus testimonio comprobasse uidebatur, qui eo Salonis loco pulcherrimā uillā, & fundū instruxerat, & construxerat, & aquam illarū fontium Appiam esse supra aedes inscripserat. inde mihi, nescio qua re, demādata cura, ut fontes, & loca diligenter inspicere, & in Senatu referre. loco igitur fontium imprimis diligenter inspecto, cui uerba illa Frontini de aqua Virgine conueniunt, cum de ea loquens ita inquit: Concipitur ergo uia Collatia ad milliarium octauū, palustribus locis, signino circumiecto, continendarum

L 2

continendarum

tinendarum scaturiginum causa : collatoq. Plinii loco lib. 3. c. 3. qui de Agrippa loquens, ita inquit : Idem & Virginem duxit ab octauo lapidis diuerticulo duorum milium passuum Praenestina uia : iuxta est Herculaneus riuus, quē refugiens, Virginis nomen obtinuit : ac etiam inspecto opere arcuato, & substructionibus, quae Virgini a Frontino attribuuntur, audacter retuli, etsi subterranei specus quibusdam in locis non apparerent, Virginem esse, & reduci posse. Et exinde electi uiri nobiles Marius Frangipanius, Populi Romani Cācellarius, Rutilius Alberinus, & Horatius Narus, qui mecum onus subirent, & omnes una curarem, ut opus recte, & sine fraude, ac quam citissime perficeretur ; interimq. pecuniae collatae Triuifio illi, & fabris muriis distributae, opus, praesidente operi Illustr. Gabrio Sorbellono, Pii iiii. ex sorore nepote, auspicatum est, uix tamen coeptum tot inter Triuifium redemptorem, & fabros subredemptores discordiae, & lites exortae sunt, ut tandem uisum sit nobis concurrente etiam Reuer. & Illustr. Io. Antonio Sorbellono Cardinali sancti Georgij, & Reuer. & Illustr. Benedicto Cardinali Lomellino, tunc Camerae Apostolicae Clerico, Pontifici referre, opus ad finem perducere non posse, nisi ab eo Triuifius arceretur. Id pontifex renuit, praetextu quod aequum esset, Triuifium operis auctorem, illius debere esse perfectorem, tantum per nos animaduerti, ut opus cito prosequeretur, & recte. Triuifio igitur opus intricare prosequente, mortuus est Pontifex, creatusque est Pius V. Ghislerius Pontifex optimus, qui etsi animarum saluti consulens, ad morum prolapsorum correctionem, & ad bene, beateque uiuendi institutionem, summo studio, totisque uiribus intenderet, publica tamen opera non negligens, huius ductus prosequendi curam Reuerendissimo & Illustris. Ioanni Riccio Cardinali Politiano praecipuam demandauit, qui (interim Triuifius ille misere admodum diem suum obiisset) reintegrato negotio, uocatis compluribus Architectis, cognito quod fere dimidium operis peragendum supereat, & quod alia decem millia perfectioni sufficere crederentur, cum illa uiginti quattuor millia, & plura a Triuifio consumpta fuissent, re ad Populum relata, alia decem ex uini uectigali redigenda, huic operi a S. P. Q. R. applicata sunt, cum quibus opus curantibus Naro, & me Luca Paeto, adhibitis Iacobo a Porta, & Bartholomaeo Gripto Architectis, qui opus iuxta legem conuentionis a redemptoribus exigerent, perfectum est ; correctis quibusdam, quae ab antiquis animaduersa non fuerant ; Primum quia aqua fontium, qui tres sunt, cum acquisitionibus, quae intra ductum oriuntur, uisa est satis, superque esse aquaeductui, & forma praefertim in ductu arcuato, Herculaneum riuum, qui uere loco palustri, & ima in ualle ultra fontes confurgit, reiciendum putauimus, & adiacentibus agris, & praediis relinquendum : & cum exinde ductus aquae substructione, per mediam uallem palustrem, longo circuitu ad montis radices, ubi subterranea forma initium capit, peruenit, ubi breuiore uia, perfosso monte, durissimi Tosi, Scabri, qui inter primam fontem, & duas alias interfurgit, & ubi turris assurgit, quo in loco forsitan Virginis aedicula fuit, de qua meminit Frontinus, recta fere uia, iam non amplius per loca palustria, sed per montis radices, fontes coniunximus, & ad specum antiqui ductus perduximus. quo factum fuit, ut ubi antea aquae pluuiales, a montibus descendentes parietibus substructionis inhaerentes, ipsos parietes, non sine aquae detrimento corrumpebant ; hodie cum iuxta radices montium riuo subterraneo perducatur, aqua pluuia ad ima supraductum prolabatur : sicque incorruptam aquam, & illesum ductum longo aeuo putauimus conseruari posse, in ea etiam subterranea specu, nouoque ductu conficiendis, uenae multae eiusdem bonitatis. cuius & fontes, acquisite sunt, ita ut riuus Herculaneus amplius a ductu, incarcuato opere capi non potuisset, construi etiam curauimus in initio montis, de quo supra, fenestram emissariam, ut si quando in ductu, (ut saepe contingit) uitrium fieret, aqua paruo negotio auerti posset,

set, & ductus emendari: quod non solum ibi, sed etiam in initio eius substructionis quae est in loco, ubi nunc dicitur Bucca leonis, qui locus etsi Frontini tempore totius substructionis esset, ut etiam hodie uestigia demonstrant, per nos tamen etiam arcuato opere est restitutus, ut pluviales aquae, & scaturigines quaedam, quae ibi sunt, facile subter labi possint. sed & alterum, & tertium emissarium in initio operis arcuati, iuxta Anienem a sinistris confici fecimus: ex quibus paruo negotio, repagulis demptis, ductus omnis purgari poterit, & in continenti restitui. cumque aquae Crabrae pars, quam nunc Maranellam appellant, quae per ima agri Nobilium de Rusticis pertransit, non nihil antea aquaeductui nocuisset, nos ponte supra aquaeductum facto, eoq. stratis silicibus munito, per eum illaefo ductu, eam aquam Crabram, & pluviales transmittendas curauimus, alio etiam ibi supra ductum ponticulo constructo, & strato, per quem fontes quidam, qui in ea ualle conflunt, unde Appiam aquam Romae ductam fuisse facile comprobare possem, sine ductus laesione, aut aquae uitio commodè pertranseant. rursus etiam quia re ipsa comperitum fuit, opus arcuatum pluries fuisse emendatum, eo quia parietes, qui aquam supra fornices, seu arcus continebant, tenuiores, quam res desiderabat, facti fuerant, nempe crassitudinis sesquipedalis, siue duorum palmorum nostri temporis, quo fiebat, ut illis, pondus aquae pandere conantis, sustinere nequeantibus, ductus uitaretur, ideoque illi primo parieti, & alterum eiusdem crassitudinis adiunxerant, qui cum priore non conueniens (nam in parietibus nouum cum ueteri non conuenit) maius uitium fecerat, internascentibus caprificis, ederis, terebinto, rubis, & alijs arboribus & fruticibus parietes corrumpentibus. Nos igitur destructa parte omni superiori usque ad imas fornices, parietes hinc & hinc crassitudinis palmorum quattuor, crusta intrinsecus coctis lateribus fieri curauimus: opusq. pillis cements, hinc, & hinc distantes inter se palmos plus minus sexaginta muniri fecimus: & ut stabilius esset opus, & ne parietes aquam continentes, aquae & fornicum superimpositarum pondere panderentur, inter quasque pilas catenas ex lapide Tibertino annexi curauimus. insuperque cum in reperiendis puteis, unde ductus purgari posset, multum, & diu per nos laboratum fuisset, nempe quia subterraneus ductus, nullis tunc supra terram uestigiis apparentibus modo hinc, modo illinc nulla ratione se uertit, iussimus aliquot angulares puteos, supra terram altitudine palmorum decem extolli, & conformicari, paruo foramine in summitate relicto, unde aquae spiritus exalare posset, reliquos uero per palmos quattuor infra terram fornice muniri, & operiri curauimus, sicque ductus, Deo Optimo Maximo adiuuante, restitutus est, aquaeque ad Triuii fistulas XVII. Cal. Septembris, anno a Seruatoris nostri natali sesquimillesimo septuagesimo magna omnium laetitia perducta est: triplicique ibi emissario (usque dum in fontes per Urbem dispenseretur) per Cloacam, inibi data opera nuper extructam, in Tiberim, ne Ciuitati noceret transmissa est. non tamen prius perducta est, quam Optimus Princeps de eius bonitate a peritissimis medicis, per quos omne experimentum fieri iussit, certior factus fuisset. decreuerat enim Sanctissimus Pontifex potius omne impensum amitti debere, quam aquam ducere; si, ut quidam illi falso suggererant, corporibus saluberrima non esset. Libet hoc in loco, ut error omnis ex mente titubantium excutatur, & plena huius aquaeductus, & unde nomen Virginis assumpserit, & quo itinere ad Urbem perueniat, & unde acquisitiones illi accedant, notitia habeatur loca Plinii & Frontini, de Aqua Virgine loquentium, recensere, & quae ego uidi, referre, ut ulterius haesitationi locus non relinquatur. uerba Frontini sunt haec (loquitur autem de Marco Agrippa, qui anno ab urbe condita, ut ipse paullo ante dixerat, septingentesimo decimo nono, Imp. Caes. Aug. & M. Laelio Volcatio Coss. aquam Iuliam duxerat) Idem, inquit, cum iam tertium Consul fuisset, C. Sentio Sp. Lucretio Coss. post annum

xiiij. quam Iuliam deduxerat, Virginem in agro quoque Lucullano collectam Romanam perduxit. Dies quo primum in Urbem responderit V. iduum Iunij inuenitur, Virgo appellata, quod quaerentibus aquam militibus, puella uirguncula quasdam uenas monstrauit, quas secuti, qui foderant, ingentem aquae modum inueniunt: aedicula fonti apposita, hanc Virginem pictura ostendit. Concipitur ergo uia Collatia ad milliarium octauum, palustribus locis, signino circumiecto continendarum scaturiginum caussa, adiuuatus ex compluribus acquisitionibus. uenit per longitudinem passuum xiiij. millium centum quinque ex eo riuo subterraneo passuum xj. millium octingentorum sexaginta quinque, supra terram, per passus mille ducentos quadraginta, ex eo substructione riuorum locis compluribus passuum quingentorum quadraginta opere arcuato passuum septingentorum, acquisitionum ductus riuus subterranei efficiunt passus mille quadringentos quinque. Haec ille. Ex his manifeste dignoscitur Agrippam primum huius aquae inuentorem, & ductorem fuisse. quod & testatur Plinius lib. 31. c. 3. qui ante Frontini tempora uiguit. is enim tempore Vespasiani, ille uero Neruae scripserunt. ait enim Plinius de Agrippa loquens, ut & supra retuli, idem & Virginem adduxit, ab octauo lapidis diuerticulo duum millium passuum, Praenestina Via. iuxta est Herculaneus riuus, quem refugiens Virginis nomen obrinuit. haec ille, qui & de ea iterum lib. 36. c. 15. meminit, in distantia ab Urbe (ut uides lector candide) conueniunt. ambo enim ab octauo lapide testantur, nec in uia discrepant, quamuis Frontinus testetur de Via Collatia, Plinius de Praenestina, quia Plinius non in uia, sed diuerticulo a uia duum millium passuum, ut res ipsa etiam hodie indicat, asserit; Via autem alia, quae hodie iuxta fontes pertransit, & ad uicina praedia ducit, Collatiam appellatam fuisse crediderim, usque dum de alia constet: sicq. & in loco conueniunt, de nominis origine, siue unde Virginis nomen assumpserit, aperte discrepant. in quo ego magis Frontino, qui de his principaliter tractauit, cura sibi ab Imperatore iniuncta, quam Plinio, qui perfunctorie, & incidenter de ea locutus est, assentio; ceteri credent, quod eis magis arridet. Nunc, quae uidi, referam. Ductus subterranei, de quibus meminit Frontinus, incipiunt ad radices montis, ubi aqua primum ex loco palustri, & substructione egrediens specum ingreditur, & exinde recta fere linea, continuatis per totum aquaeductum puteis, interuallo a Vitruuio lib. 8. c. 7. praefinito, nempe ut intra duos actus inuicem distent. quod spatium est palmorum nostri temporis cccxii. nec ullus eam metam egreditur, peruenit iuxta praedium, quod est in agro Nobiliu de Rusticis, ubi facto angulo discedit ad ima, quo in loco, idest in ima ualle summitas aquaeductus solo fere equalis est. Hoc in loco inuenimus antiquos supra plumbi laminam extensam propter loci instabilitatem ductos fundamenta iecisse, & super aedificasse. Ab hoc loco subterraneo riuo continuato ad alteram uallem in agro Nobilium de Cassalibus peruenit, ubi nunc dicitur Bucca leonis, eo quia a triginta annis citra fonticulo cuidam inibi non longe ab aquaeductu exorienti, marmoreum caput Leonis, ex cuius ore aqua proflueret, & commodè hauriretur, ab agri domino appositum fuit; quod marmor nos aquaeducti inseruimus, ut inde aqua profluens in uicinorum praediorum commodum hauriri possit; quo in loco substructione, & modico opere arcuato, per nos, ut dixi, facto, eam uallē pertransit, indeq. cōtinuato subtus proximum montem riuo subterraneo, ad proximam uallem agri Monachorum Sancti Paulli peruenit. unde longa substructione ad alterū proximum montem perducitur, & inde rursus subterraneo specu, a dextris progrediendo, non modico itinere uiam Tiburtinam intersecat, rursusq. a sinistris, iterumq. a dextris progrediendo, iuxta Anienem se ostendit. unde opere arcuato ad alium proximum montem, & inde per specum riuo subterraneo uia Nomentana intersecata, ad aliam proximam uallem, & inde alio arcuato opere ad proximum montem, & exinde, Salaria uia pari

ter

rer intersecata, per collem hortulorum subtus amaenissimum uiridarium, amplissimumque aedificium Reuerendissimi & Illustrissimi Cardinalis Politiani intra Urbem perducitur. quo in uiridario iuxta puteum aquaeductus hinc, & hinc lapidibus Tiburtinis Cippi seu Termini formâ habentibus, inscriptiones istae inuentae sunt.

VIRG		VIRG	
TI. CAESAR. AVG		TI. CLAUDIVS	
PONTIF. MAXIM		DRVSI. F. CAESAR	
COS. V. IMP. VIII		AVG. GERMANICVS	
I		PONTIFEX. MAXIMVS	
P		TRIBVNIC. POTESTAT. IIII	
	CCXL	COS. III. IMP. VIII. P. P.	
		I	P
			CCXL

Haecque, ut dixi, aquaeductus uia est longitudinis a Frontino descriptae: nempe passuum xiiij. millium. Acquisitiones quoque, de quibus Frontinus meminit, perquisiui. nam fere omnes huius ductus subterraneas partes, partim equester, ubi multa aqua non erat, partim pedester, ubi sicco pede ambulare licuit, partim uero nauicula, ad id accommodata, ab hominibus tracta, ubi riuus nauigabilis fuit, diligenter inspexi, inuenique in initio montis, quem primum fontes subeunt, non longe ab ingressu, hinc & hinc ductus acquisitionum factos fuisse, latitudine palmorum fere decem, altitudine palmorum nouem, cuius longitudinem inuestigare non ualui, cum limo ad altitudinem palmorum quinque repleti essent, ex quibus hinc, & hinc aqua in aquaeductum profuebat, non tamen multa, & ab his non longe quattuor alij cuniculi, duo hinc, duo illinc, contra inuicem ex diametro, latitudine palmorum circiter trium singuli, altitudinis palmorum septem fere, ex quibus etiam aqua, licet modica, in ductum profluit, de quibus arbitror sensisse Frontinum dum ait: Acquisitionum ductus subterranei efficiunt passus mille quingentos quinq., sed in monte, quem dixi extare inter uallem agri de Rusticis, & agrum Buccae leonis nuncupatum, longe maiores, quam alibi acquisitiones inueni, non quidem ductas per cuniculos, aut specus, sed in ipsius aquaeductus lateribus hinc & hinc passim scaturientes, ut fere ex illis quinta pars totius aquae, quae ad urbem ducitur, efficiatur: & tandem in toto ductu, duobus montibus exceptis, uno uidelicet, unde aqua in maius arcuatum deducitur, & altero, a quo aqua a dicto opere arcuato exiens recipitur, & in aliud opus arcuatum traicitur, in quibus ne gutta quidem aquae scaturit, acquisitiones quamplurimae exoriuntur, quibus acquisitionibus fontes adiuti optimam aquae copiam in Urbem ferunt. Initio igitur, & statu ipsius aquaeductus cognito, remanet, ut recenseam, quoties inueni aquaeductum hunc corruptum fuisse, & restitutum. Et quidem opus arcuatum destructum fuisse a C. Caesare, & a Ti. Claudio restitutum, monumentum, quod ad radices Pincii montis, in hortis tunc Angeli Colotii in ipso aquaeductu conspicitur, aperte demonstrat: cuius hanc fuisse inscriptionem, Andreas Fuluius, de aqua Virgine loquens, uir sane doctus, & rerum antiquarum peritissimus, testatur, & nos legimus.

TI. CLAUDIVS. DRVSI. F. CAESAR. AVGVSTVS. GERMANICVS
PONTIFEX. MAXIM. TRIB. POTEST. V. IMP. XI. P. P. COS. DESIG. IIII.
ARCVS. DVCTVS. AQVAE. VIRGINIS. DISTVRBATUS. PER. C. CAESAREM
A. FVNDAMENTIS. NOVOS. FECIT. AC RESTITVIT.

Deinde

Deinde a Longobardis aquaeductum directum crediderim, nam Adrianus primus parria Romanus, Pontifex Maximus, domitis iam afflictisque Longobardis, anno a Christi Seruatoris nostri Natali circiter DCCCLXXVI. ut Platina refert, Virginis aquaeductum, cum aliis urbis aquaeductibus restituit, quem non multo post dirutum, in tanta rerum, quae successit, calamitate credendum est, nec ulterius restitutum fuisse, inueni, nam quod legitur in inscriptione, quae ad publicas Triuii fistulas apposita est, Nicolaum quintum Aquaeductum Virginis restituisse, id a uia Salaria citra factum fuisse intelligo, unde acquisitiones, & scaturigines, quae ad nostra usque tempora fluxerunt, initium sumunt. Nam si Nicolaus opus arcuatum restituisset, ductumque purgasset, non ita, ut a nobis inuentum est (uix annorum centum spatio inrercedente) nullis urbis obsidionibus intermediis, quantauis hominum negligentia dirui, & aboleri potuisset. haecenus de his.

Viri Illustrissimi carmina.

Virgineos olim Caesar Frontinus Agrippa

Aduexit, scripsit, restituit latices.

Haec eadem nostro miramur tempore. Quartus

Quas Pius ex magna parte reduxit aquas.

Perficit & uena secundat diuite Quinctus,

Aeternam Paetus digerit Historiam.

Q. Rhemnius



*Q*uintus Rhemnius Fannius Palaemon, cuius haec sunt carmina, quorum etiā finis desideratur, tēporibus Claudij & Neronis imperatorum floruit, ex his quae Plinius lib. 14. c. 4. tradidit, de industria Acilij Stheleni e plebe libertina in uincis instruendis et colendis tractās: ubi ita inquit: Sed maxima eiusdem Stheleni opera Rhemnio Palaemoni, alias grammatica arte celebri, in hisce XX. annis mercato rus. D. C. nummum: & quae sequuntur. De quo Crinitus quoque de Poetis Illustribus in uita Lucani, quantum ad rem attinet, sic scripsit: M. Annaeus Lucanus, natione Hispanus, patria Cordubensis, C. Caesare Germanico iterum, & L. Caesiano consulibus natus, delatus ad urbem prima infantia, adolescens factus illustres habuit praeceptores in literis Rhemnium Palaemonem, qui principem locum inter omnes grammaticos tenuit.

Q. RHEMNII FANNII PALAEMONIS

De ponderibus & mensuris carmina.

Ondera Paeoniis ueterum memorata libellis
 Nosse iuuat: pondus rebus natura locauit
 Corporeis. Elementa suum regit omnia pondus.
 Pondere terra manet. uacuis quoq. ponderis aether
 In defessa rapit uoluentis sydera mundi.
 Ordinar à minimis post haec maiora sequentur.

Nam malus nihil est aliud, quam multa minuta.
 Semioboli duplum est obolus, quem pondere duplo
 Gramma uocant, scripulum nostri dixere priores.
 Semina sex alii siliquis latitantia curuis
 Attribuunt scripulo, lentes ueraciter octo,
 Aut totidem speltas, numerant, tristesue lupinos
 Bis duo. sed si par generatim his pondus inesset,
 Seruarent eadem diuersae pondera gentes:
 Nunc uariant. Etenim cuncta non foedere certo
 Naturae, sed lege ualent, hominumq. repertis.
 In scripulis ternis drachmam quo pondere doctis
 Argenti facilis signatur pondus Athenis:
 Holceque a drachma non re, sed nomine differt.
 Drachmam si gemines, aderit, quem dicier audis,
 Sicilicus. Drachmae scripuli si adiectio fiet,
 Sextula quae fertur: nam sex his uncia constat.
 Sextula cum dupla est: ueteres dixere duellam.
 Vncia fit drachmis bis quattuor: unde putandum,
 Grammata dicta: quod haec uiginti quattuor in se
 Vncia habet, tot enim formis uox graeca notatur,
 Horis quot mundus peragit noctemque diemque.
 Vnciaq. in libra pars est, quae mensis in anno.
 Haec maior Latio libra est, gentiq. togatae.
 Attica nam minor est. ter quinq. hanc deniq. drachmis,
 Et ter uicenis tradunt explerier unam.
 Accipe praeterea, paruo quam nomine Graii
 Mnam uocitant, nostriq. minam dixere priores.
 Centum hae sunt drachmae. quod si decerpseris illis
 Quattuor, efficies hanc nostram deniq. libram.
 Attica quae fiet, si quartam dempseris hinc, mna.
 Ceropium superest post haec dixisse talentum,
 Sexaginta minas, seu uis sex millia drachmas,
 Quod summum doctis perhibetur pondus Athenis:
 Nam nihil his oboloue minus, maiusue talento.
 Nunc dicam, solidae quae sit diuisio librae,
 Siue assis: nam sic legum dixere periti,
 Ex quo, quod soli capimus, perhibemur habere,
 Dicimur, aut partis domini pro partibus huius:

Vncia

Vncia nam librae si deest, dixere deuncem:
 At si sextantem retrahas, erit ille decuncis.
 Sed nullum reliquo nomen semuncia certum
 Demptra dabit. neque enim est huius sefuncia triplex.
 Dodrantem reliquum uocitant quadrante retracto.
 Cumque triens desit, bessem dixere priores.
 Idem septuncem dempto quincumce uocant.
 Post haec semissis solidi pars maxima fertur.
 Nam quae dimidium superat, pars esse negatur.
 Ut docuit tenui scribens in puluere musa.
 Caetera dicta prius, quibus est semuncia maior.

De ponderibus, siue mensuris humidorum, & frugum.



LT de ponderibus superest pars altera nobis,
 Humida metiri, seu frugum semina maus.
 Cuius principio nobis pandetur origo.
 Pes longo spatio, latoque notetur in anglo
 Angulus ut par sit, quem claudit linea triplex.
 Quattuor ex quadris medium cingatur inane:

Amphora fit cubus: quam ne uiolare liceret,
 Sacrauere Ioui Tarpeio in monte Quirites.
 Huius dimidium fert urna, ut et ipsa medimni.
 Amphora, terque capit modium, sextarius istum
 Sex decies haurit, quot soluitur in digitos pes.
 At corylas, quas, si placeat, dixisse licebit
 Heminas, recipit geminas sextarius unus.
 Qui quater assumptus sit Graio nomine choenix.
 Adde duos, chus fit uulgo, qui est congius idem.
 A quo sextarii nomen fecisse priores
 Crediderim, quod eos capiat sex congius unus.
 At coryle cyathos bis ternos una recepat.
 Sed de abaco nobis id pondus saepe notatur.
 Bis quinque hunc faciunt drachmae, si appendere tentes.
 Oxybaphus fiet, si quinque addantur ad illas.
 At mystrium cyathi quarta est, ac tertia mystri,
 Quam uocant cyanen. capit haec cochlearia bina.
 Quod si mensurae pondus componere fas est,
 Sextarii cyathus pars est quae est uncia librae.
 Nec non oxybaphi similis sefuncia fiet,
 Sicilicet tibi mystro simulare licebit.
 Cochlear extremum est, scrupulique imirabitur instar.
 Attica praeterea dicenda est amphora nobis,
 Seu cadus. hanc facies, nostrae si adieceris urnam.
 Est & bis decies quem conficit amphora nostris
 Culleus. hac nulla maior est mensura liquoris.
 Est etiam terris, quas aduena Nilus inundat,
 Artaba: cui superat modij pars tertia post tres.
 Namque etiam modis explebitur artaba triplex.

M 2 De

De ponderibus uariorum liquorum, & aquae.

Llud praeterea tecum cohibere memento,
Finitum pondus uarios seruare liquores.
Nam librae, ut memorant, bessem sextarius addet,
Seu puros pendas latices, seu dona Lyaei.
Addunt semissem librae labentis oliui.
Selibramque ferunt mellis superesse bilibri.

Haec tamen assensu facili sunt credita nobis.
Namq. nec errantes undis labentibus amnes,
Nec merfi puteis latices, aut fonte perenni
Manantes, par pondus habent: non deniq. uina,
Quae campi aut colles nuperue aut ante tulere,
Quod tibi mechanica promptum est depromere musa.
Ducitur argenti tenuiue ex aure cylindrus,
Quantum inter nodos fragilis producit arundo,
Cui cono interius modico pars ima grauatur,
Ne totus sedeat, totusue supernatet indis.
Lineaq. a summa tenuis descendit ad ima
Ducta superficie: tot quaeque in frusta secatur,
Quot scripulis grauis est, argenti aerisue cylindrus.
Hoc cuiusq. potest pondus spectare liquoris.
Nam si tenuis erit, maiori mergitur unda.
Si grauior, plures modulos superesse notabis:
Aut si tantundem laticis sumatur utrinque,
Pondere praestabit grauior: si pondere secum
Conueniunt, tunc maior erit, quae tenuior unda est.
Quod si ter septem numeros texisse cylindri
Hos uideas latices, illos cepisse ter octo,
His drachma grauius fatearis pondus inesse.
Sed refert aequi tantum conferre liquoris,
Vt grauior superet drachma quantum expulit undae
Illius aut huius teretis pars merfa cylindri.
Haec de mensuris: quarum si signa requires,
Ex ipsis ueterum poteris cognoscere chartis.


De inuentione argenti, auro in una massa permisti.


Nunc aliud partum ingenio trademus eodem.
Argentum fuluo si quis permiscet auro,
Quantum id sit, quo ue id possis deprendere pacto,
Prima Syracusii mens prodidit alta magistri.
Regem namque ferunt Siculum, quam uouerat olim
Caecicolum regi, ex auro statuisse coronam:


Compertoq. de hinc furto, nam parte retenti
Tantumdemque argenti, opifex immiscuit auro,
Orasse ingenium ciuis, qui mente sagaci,
Quis modus argenti fuluo latitaret in auro,
Repperit illaefum, quod diis erat ante dicarum.
Quod te quale fiet, paucis, aduerte, docebo.


Lancibus

Lancibus aequatis, quibus haec appendere mos est,
Argenti, atque auri, quod edax purgauerit ignis,
Impones libras, neutrum ut praeponderet: hasque
Submites in aquam: quas pura ut ceperit unda
Protinus inclinat: pars haec, quae sustinet aurum,
Pensius hoc namque est, similari crassius unda,
At tu siste iugum, mediique e cardine centri
Interualla nota, quantum discerpserit illinc,
Quotque notis distet suspensio pondere filum.
Fac drachmis constare tribus. Cognouimus ergo
Argenti atque auri discrimina: denique libram
Libra tribus drachmis superat, cum mergitur unda.
Sume dehinc aurum, cui pars argentea mista est,
Argenti que meri par pondus, itemque sub unda
Lancibus impositum specta: propensior auri
Materies, subsistit enim, furtumque docebit.
Nam si ter senis superabitur altera drachmis,
Sex solas libras auri dicemus inesse,
Argenti reliquum: quia nil in pondere differt
Argentum argento, liquidis cum mergitur undis:
Haec eadem puro deprendere possumus auro,
Si par corrupto pondus pars altera gestet.
Nam quoties ternis pars illibata grauarit
Correptam drachmis sub aquam, totidem esse notabis
Argenti libras, quas fraus permiscuit auro.
Pars etiam librae quaeuis si forte superfit,
Haec quoque drachmarum simili tibi parte notetur.
Necnon & sine aquis ✱









005637048